

光緒三十三年九月二十五日發行

售例

- 一本雜誌零售每册大洋銀二角五分預定全年十二册大洋銀二圓五角本埠外埠外國一律郵費
 - 二郵局新章見第二期本報加增報紙寄費輪船火車直達之處為口岸如購一册郵費五分全年五角日本同輪船火車未能直達之處為腹地惟郵局新定章程如行船小輪之處每購一册郵費壹角五分全年壹圓伍角外國同至未通郵政之處民局寄資閱者自給
 - 三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四在總發行所定購者本埠按期派送不取酒資
 - 五凡一人定購五份寄送一處者照價九折拾份者八折
 - 六在總發行所定購者如遷徙他處務託安人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能代寄
 - 七總發行所按期寄送以郵局民局回單為憑中道遺失閱者自理
 - 八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
 - 代售處收到資費即寄總發行所如定購者不將資費照章寄足照第三條辦理至代售處遺人送報不得另索酒資
- 本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新政書局 總派
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南
京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

商務印書館出版
各種教科書

理財學課本

每部一册
價洋五角

美國華克著上海顏惠慶譯○我國財政困乏非人工物力使然實籌財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而譯以淺顯之詞誠理財學之階梯也

中國通覽

每部一册
價洋五角

本館譯註○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一册
價洋一角五分

日本橫山榮次著本館譯○今各省皆設學堂而師範未立猶之帆船未備而欲駕舟以航海也其教育不能適宜無待言矣師範學堂不易獨立而教授之法蓋人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四真心讀書五選擇專備六專備書選擇之標準七寫讀法及暗記法八撮要分法及解法九讀書之存量十讀書法雜則名言隲論三資皆模閱之可知開卷之益

商 務 印 書 館 出 版
問 答 書

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

詳載中國歷代史事自上古迄國朝士下數千年
問依次敘述瞭如指掌並設為問答俾易明瞭實
史學中最新最善之書每本洋二角五分

研究實學歷史為先但欲貫注古今於紀事編年
等書中尤以問答體者為易明晰此編分上古中
古近世一切大事無不備載每本洋二角

是書發明飛潛動植聲光化電一切原理窮奧極
微推究盡致設為問答詞旨簡明最合格致教科
之用每本洋三角

地文為天然科學研究地理者不可不知若空中
之水分陸界之組成生物之分布皆格致學之最
要者是編詞簡意賅允推初學善本每本洋三角

泰西各邦莫不以研究生理為學術之要為衛生
之源是編討論營衛出顯入微尤便推闡允宜家
置一編以為強固形體之助每本洋二角五分

富國之學為當今急務是書取一切理蘊衍為問
答無理不達無蘊不呈盡人能讀教授初學尤宜
每本洋五分

應舉一切管理學校之法簡明詳備今各省學堂
起爭端實由管理未盡其道取閱本編當知改
良之策學者受益不少每本洋二角

商務印書館出版
歷史類教科書

學務大臣審定
中國歷史教科書
中學用

每部二冊
價洋一元

本館編輯() 准修得 目莫要於本國歷史今各省已設中學而所用尚無善本殊為學界遺憾本館特聘
儒搜集各種歷史課本撮其著英編成此帙分爲七卷歷朝大事無不備載繁簡適當斷制謹嚴可爲現時
中學教科善本

最新中國史教科書
高等小學用

每部二冊
價洋四角

餘杭姚祖義編輯○上起五代下迄 兩宮回鑾下詔變法之日凡分兩冊共二百四十課約十萬言文
雅馴體例精當至敘述 國朝事實立言得體無一毫時下囂張之習並附歷代圖表尤便檢查教授法及
外國史續出

國史初級教科書
高等小學用

每部一冊
價洋三角

本館編輯○凡分三卷一上古史自太古至戰國一中古史自漢至隋一近古史自唐至今摘要提綱有佳
不紊展讀一過可以瞭然於四千年來之大勢文詞亦簡潔名貴足稱史筆

商務印書館出版
歷史類教科書

普通新歷史

高等小學用

每部一冊
價洋二角

普通學書室編輯○是書以日本中等學科教授法研究會所著東洋歷史為藍本取其序次明晰記錄簡要適合教科之用原書本以我國為樞紐今悉刪其參附者尤為繁簡得宜且近世之事較詳亦合教育公理洵善本也

清史攬要

每部二冊
價洋四角

日本增田實著本館譯訂○是書為日本所撰而引用各書悉皆我國人所著故摭摭國朝二百數十年之大事提綱挈領頗得體要以本朝之人而不知本朝之事可恥孰甚學堂之人固宜讀是書即非學堂中人亦宜家置一編也

學務大臣審定
西洋歷史教科書

每部一冊
價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史條理井然首尾貫串每事皆摘舉綱要列為款目尤便記憶地名人名均附注原文亦便查檢學堂之教科書本端推此種

商 務 印 書 館 出 版
政 治 類

國際公法大綱

每部一冊
價洋二角五分

德國雷士特著太館編譯所譯○國與國交必有交誼交誼必依據法律然後無侵暴之虞此國際公法所以行於今日也是書宗其大旨言簡意賅凡三十四章首言其淵源中言其作用末言其條例次序井然足為學者尋途之助

德國學校制度

每部一冊
價洋四角

日本加藤駒二著中國國民叢書社譯○德國學校制度舊時雖有譯本然瑣舉一二殊多挂漏是編綜德國初等高等文科實科平民專門大學等公私學校一切章程規則課程費用及養成教員試驗任用之注官吏監督之法無不詳列德國學術冠絕歐美則其教育之法自必處於最優我國盛興學校洵足資為師範也

日本學校章程彙編

每部一冊
價洋八角

甯鄉陶森甲編輯○我國創立學校不得不取法他國日本學制本同我國維新以後兼資歐美沿革之故為我先導現林觀察前游彼國取各學校章程彙為一編以政法理財文學美術理學工學商學農學醫學語學普通學蒙學女學雜部十三類次之所舉官立公立私立之學校百三十餘所表其課目條其規則博而有要言學務者宜取法也

商 務 印 書 館 出 版
政 治 類 書

近 世 陸 軍

青野陶森甲編輯出洋學生編輯所校訂○前編敘日本陸軍後編論各國陸軍國家多故亟須修明武備是書在兵學中最高新穎最爲詳備治兵學者不可不讀

每部一冊
價洋四角

日 本 武 備 教 育

日本某某著本館譯○日本以區區三島戰勝第一雄國使非教之有素烏能獲此地步近來學者方提倡軍國民主義誠以處此競爭世界有不容已之故也愛譯是編以資先導

每部一冊
價洋一角五分

普 魯 士 地 方 自 治 行 政 說

德國莫塞著日本野村靖原譯本館重譯○地方自治即俗稱工部局以地方之人辦地方之事自較親切且可以輔官吏之不足近日武備府試以此命視爲割據之事實係誤解是書詳言普魯士地方自治行政之法體用兼備我國民智雖未驟臻此境然欲內政之完善不可不亟爲講求也

每部一冊
價洋二角五分

日 本 監 獄 法

日本佐藤信安著中國國民羣書社譯○我國監獄之慘酷人人知之願空言改良而無所據以爲模範亦將無所措手日本監獄悉仿西制斟酌盡善是書言之最詳足資師法

每部一冊
價洋四角五分

商 務 印 書 館 出 版 類 字 典

華英音韻字典集成

洋裝 每部一冊 價洋七圓五角

企英譯書館編校○共集字語十餘萬言注以發音標其讀法繼以英字注釋華字譯義並綴文法字類音韻以英儒精納耳本為宗譯義以英國羅布存德本為主並加增訂附圖千有餘幅異物奇器一覽便明未附英國假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一冊 洋裝布面 價洋一圓二角半
華裝紙面 價洋六角

本館編譯○邱君其照會輯華英字典頗便學界願世人尚嫌缺略茲特增益二萬餘字全書計四萬言釋義詳明注詞嫻雅并以文字聯綴成句以便選用附錄減筆字解各種記號有志西文者不可不手一編也

袖珍華英字典

洋裝 每部一冊 價洋一圓

上海南洋公學教習胡文甫先生編譯○詔興學堂習外國文字者益衆而英文為尤本館先輯華英字典集成華英字典兩種猶不足以供學界之用乃酌刪繁重輯為是編全書約四萬餘字製成小冊納諸懷袖最便翻檢嚴侯官先生賜序謂取了大義期於捷速簡當誠知本館之意矣

商 務 印 書 館 出 版
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階叁集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋伍角

東方雜誌第九期目錄

圖畫

海參崴俄艦停泊情形

停泊海參崴港俄艦 露西亞 路利克 圖

停泊海參崴港俄艦 格羅夫 圖

日兵放魚雷攻擊俄艦圖

日本上村中將瞭望海參崴俄艦圖

土耳其皇亞瑟泰哈彌德小像

波斯王摩若發愛德欽小像

摩洛哥王姆來阿蒲地阿西小像

新教皇拔霞第十小像

社說

選論附

東三省權宜策 依可

論英俄均勢與中國之關係 可權

極東之第二俄羅斯 錄七月十七日至二十七日時報

論鐵良南下之宗旨 錄七月二十日中外日報

論列強將漸變均勢之說為紛爭 錄七月二十四日警鐘報

論中國前途之無望 錄七月二十六日警鐘報

論民智不進之可憂 錄七月二十六日嶺東日報

目錄

諭旨

論江督易人之故 錄七月二十七日中外日報

時評

湘黔之形勢

華人宜自辦路礦

全閩議設礦務總公司

繳驗團械之繁苛

危哉遼西

禁止品不禁止乎

銀行之交涉果何如

破壞學堂匪徒之何多

學生招赴雲南

教會與學

遼陽附近之形勢

韓國延聘顧問官

日韓新約

內務

論江督與湖南人之關係 錄七月二十五日中外日報

論書吏之必當裁革 錄八月初三日同文週報

地方自治政論 錄八月二十一日時報

甲辰

署四川總督錫奏請將萬縣清溪縣兩缺繁簡互換摺
吉林將軍富等會奏請將旗民田畝清丈升科暫行停
辦摺

陝西巡撫升奏請 敕吏部核議特科人員補缺班次
片

署信運總督陸飭准揚道議覆歸併局所裁汰冗員浮
費札

福建布政司周詳定安置閑員章程

各省內務彙誌
各國內務彙誌

軍事

論用兵宜選士著 錄七月二十八日天津日日新聞

論俄國添派遠東軍帥事 錄八月二十三日中外日報

論廣西會黨之難平 錄八月二十八日警鐘報

署雲貴總督丁雲南巡撫林會奏查明大兵收復城池擒
斬首要在事員紳遵 旨擇尤保獎摺

署雲貴總督丁等奏演邊廣南一帶股匪下竄滇軍出
境助剿片

署雲貴總督丁雲南巡撫林會奏釐剔防營積弊派弁
教練新操擬定章程摺 章程見後

河南巡撫陳奏添練常備軍請截留協餉以濟軍食摺

署貴州巡撫李奏川黔各軍剿平妖匪請擇尤保獎摺
湖廣總督張釐定營務新章札發司道等遵照辦理

雲南防營派弁教練新操章程八條

訂購軍火

改良營制

趕編馬隊

豫湘防務

添補軍額

測繪太湖

川夷滋事

宿匪破案

會匪內情

廣西軍事紀要

藏英戰事紀要

日俄戰事紀要

旅順陸戰

俄國防務

戰事雜記

中國中立彙誌

各國中立彙誌

各國軍事紀要

外交

論挽救西藏之策 錄甲辰二十四號外交報

論英國預籌永租威海衛事 錄七月二十二日中外日報

山東試辦兗州初級農業學堂章程

論中國對於旅順問題 錄七月三十日警鐘報

江甯江楚編譯書局章程

出使俄國大臣胡致江海關道袁資遺難民回華照會

各省教育彙誌

奉天將軍增府尹廷會飭府縣嚴查造言生事之人札

各省游學彙誌

江海關道袁致駐滬英總領事索犯歸案訊供照會

論粵省官官捐納復開 錄七月二十六日羊城日報

藏英新約全稿

論鐵侍郎提取製造局存款八十萬兩事 錄八月二十日中外日報

附中英新約略稿

論湘人欲以賑糧捐購回路票事 錄八月十六日中外日報

中外交涉彙誌

戶部等奏會議推廣捐復條款摺

各國交涉彙誌

戶部議覆開辦廣西實官等項損輸或借用洋款摺

慈善教育說 錄七月二十二日漢口日報

直隸總督袁奏推廣鼓鑄以資周轉摺

論游學不可太濫 錄七月二十六日中外日報

西安將軍長陝西巡撫升等會奏試辦陝西旗屯講用糧道報効專款以符原議摺

論學堂之腐敗 錄九月二十日中外日報

山東巡撫周奏山東工需緊要請將雙月班次並分指等捐減成核收片

都奏准獎勵學生摺

兩江總督魏通行各海關道遵行息稅札

山西巡撫張奏選派晉省學生前赴日本就學摺

推廣捐復新章酌擬條款

山西學政賈奏考選蒙小學教習發給文憑片

各省財政彙誌

江甯江楚編譯書局條具譯書章程並釐定局章呈江督稟

各國財政彙誌

寓蘇浙人擬辦全浙旅學上蘇撫條陳

目錄

三

甲辰

實業

目錄

- 論興實業在先籌通運 錄七月十六日漢口日報
- 興漁業說 錄第二十四期商務報
- 論紙業宜改良 錄第二十五期商務報
- 外務部奏英商凱約翰請辦安徽礦務改定合同摺
- 署閩浙總督李奏閩省設立礦務總公司派員辦理情形摺
- 安徽巡撫誠會同兩江總督魏奏安徽先設全省礦務總局以保利權片
- 直隸延慶州設立種植局栽種各項樹株稟
- 商部頭等顧問官張鵬撰奏咨呈兩江總督魏議創南洋魚業公司文
- 山東農工商務局通飭派員分赴各州縣調查物產札文 附凡例十七條
- 商部咨行農工商統計表填註格式
- 外務部與英商訂立安徽開礦合同
- 各省農桑彙誌
- 各國農桑彙誌
- 中外漁業誌要
- 各省礦務彙誌

商務


四

九月

- 論中國宜保護商務 錄六月十四日時報
- 論葡萄牙商約之宜注意 錄六月十九日中外日報
- 湖南巡撫趙奏長沙開設商埠議將鹽法長實道兼充監督並請頒發關防摺
- 商部議覆修撰張賽鹽業公司片
- 商部申明洋商在內地設廠與附股係屬兩事不得牽混誤會咨各省查照文
- 江南商務局詳送開辦章程請咨汴省文
- 湖南長沙通商租界設立巡捕總章程
- 湖南長沙通商口岸租界章程
- 漢口商務局擬設傳審公廨章程
- 各省商務彙誌
- 各國商務彙誌
- 各國賽會彙誌


小說

叢談




海參崴港俄艦停泊情形

圖 艦 俄 港 崴 參 海 泊 停




艦 亞 西 露




艦 克 利 路


圖 艦 俄 港 歲 參 海 泊 停



艦 禿 嘎 播



艦 堡 朗 格



圖艦俄擊攻雷魚放兵日



圖艦俄歲參海望瞭將中村上本日

波斯王摩若發愛德欽小像



土耳其皇亞菩泰哈彌德小像



摩洛哥王姆來阿蒲地阿西小像



新教皇披霞第十小像



社說

卷九附

東三省權宜策 本社撰稿

依可

自東三省保衛公所章程宣布以來。好事者遽以獨立自治相許。謂中國前途。將視此爲標本。其言過駭物聽。非本報所敢附和。第就事論之。此公所者。果能名實相副。一如其所定章程。則非直無害於國家也。而東三省種種外交內治之難題。皆將由是而解決。吾人初謂政府當銳意改革之餘。必且竭力提倡。助成其人民自治之基礎。即不然。稍稍予以制限。或以重臣監督之事。由民辦。權操於官。以坐收指臂相使之效。與其棄地外人。孰若俯從民意。將來於日俄戰畢外交紛錯之時。而公所既已成立。必能爲政府分其責任。況公所於正賦之外。復以地方裁判之權。仍舉而歸之於官。核其名義。非特不能如美利堅之獨立。亦不能如坎拿大之離英。乃聞當軸諸公。竊竊然慮其反側。而抑遏之。則又何故。夫美洲之華工。非洲之華商。伏他人統治之下。踐踏如土芥。怨毒痛心。亦嘗呼籲於九重之下矣。政府亦嘗運一謀出一策以爲之地。尙未得當。今以東三省之小有建設。而乃欲抑制之。使此非傳聞之誤。非徒長外人之權力乎。

社說

一百九十一

甲辰

且東省事權久落於外人之手。喧賓奪主。固天下所同憂。即當局亦未嘗不爲之默認。今雖城郭依然。正朔無恙。而其間一切主權。已顯然移之某國。將軍以下。位同虛設。監司大僚。禁逐維命。而吾中立國民之生息於其地者。擲生命數十萬。死亡之數。過於兩軍。嗚呼。後海先河。孰階之厲。此在歐西國民。未有不痛心疾首。集矢於其政府者。而我國人士。以數千年。馴服之遺。又習聞國勢強弱之故。日夕爲政府原諒。雖肝腦塗地。斤焉守服從之訓。不敢出一言相責。難然而喪亡。枕藉誰實爲之。救援者。夫人孰不愛其身家性命。父母妻子。保衛公所之立。實我民不得已之一策也。然且限其責曰。保衛卑。其辭曰。公所度不欲以憂國之心。發爲駭怪之談。以遭人疑貳。其用心亦良苦矣。

至其創立條目。分爲五股。舉治兵理財諸要政。而盡攬之。律以朝廷定制。誠多未合。然時勢遷移。瞬息萬變。數十年前所懸爲大經大法者。豈復可以概今日之國難。且其章程第二條曰。自立公所以後。所有國課及盜賊要案。由公所經手者。必仍移交地方官。以重官權。是其耿耿之忠。爲天下所共諒。初非爲掩耳盜鈴計也。抑其地人民。使果有不軌之心。如當局所逆料者。則遼河流域。羣賊如毛。何惜竄身賊黨。明目張膽。以與守吏爲仇。朝廷當民窮財盡之日。東南之憂未已。度不能以大師旅。勤除之。又何必爲此畏首畏尾之舉。此其猶

大彰明較著者也。

說者謂當局之用心固自有在。蓋以近今數稔。民氣囂張。不可遏抑。東南各行省。方且不滿於捐輸之文告。與夫教民之不法。嘖有煩言。使東三省有保衛公所。直示天下以成例可援。將莫不藉口於地方自治。而陰叛其長上。然則東三省事小。全國事大。防一地可或疏。而防全國則不容不密。此亦必然之勢也。雖然。使當局諸公所長慮。卻願者。僅在於是。則吾請以一言破諸公之惑。天下無無因之果。東三省人民其智非素出各省人民之上。而獨能窺見文明也。亦以天時人事交迫於其間。僅此一途。爲銜而走險之計。以他省較之。其感觸程度之淺深。相去不啻天壤。略而言之。其說有四。

一。東三省本有村團之制也。遼河以東。南自懷仁。北迄海龍。袤延數百千里。居民自爲部落。其無業者。乃散走而爲盜。然且分立酋長。相與指揮號令。不脫村團舊制。而其平民則風尚相同。職業相同。家與家相習。人與人相識。轉移之間。得鄉團可以萬計。其他各行省。何如乎。通商各大埠。人心渙散者。無論即山鄉巖邑之間。其團結力亦遠不如從前之固。加以生計所趨。人私其利。教民跋扈。同室操戈。相仇相怨。散如搏沙。即欲使自成一隊。各治其土。爲國家捍大難。雖執刀鋸以臨之。猶不能鼓其一朝之勇。其他則又何說。此必無可慮者一也。

此說

一百九十三

甲辰

二。東三省地利富饒。人民足以自養也。其鑛產其森林其牧畜。固爲世界所共睹。而其民人風尚之質樸。性質之勤勉。許其自治。當足以發揮天產而有餘。其他各行省何如乎。地利非不厚也。小民非不勤也。而終歲所得。曾不足以供種種之要求。衣冠者流。且以鑛源爲取媚外人之計。夫民窮則思逞。猝不可致。乃相率而流於偷惰。以彼衣食不完。風俗彫弊之民。安有獨立奮起之思想。此必無可慮者二也。

三。東三省禍機逼迫。匪伊朝夕。亡國滅種之說。破產橫尸之禍。初爲耳聞。今乃身受。不容其稍緩須臾。作萬一太平之想也。夫中國人之恆性。非至無路可行。必安其故常而不變。有絲毫可以希冀。則僥倖之念頓生。有萬一可以解免。則依賴之心滋起。俄人初亦利用此術。仁川一敗。乃大肆焚掠。其該地人民。始知滔天之毒。終不可免。然於無可如何之中。猶望日軍大捷。庶幾撫綏我民。以相安於無事也。無何日復一日。兵連禍結。無辜慘死。血肉橫飛。其槁項黃馘。餓死溝壑者。朋儕相慶。以爲善終。嗚呼。我民於此。始知外人之無可依賴矣。不然。東三省名存實亡。匪自今始。保衛公所。何不設於日俄未戰以前。率其義勇之民。爲國死難。此其故亦昭然若揭矣。其他各行省。雖曰民窮財盡。終未至人人絕粒。而刀兵慘劇。或僅見諸一隅。終未至人人就僇。則膏粱之夢。長睡未醒。又何至遽爲風潮所激。而忽爲此自助之舉。

耶。此必無可慮者三也。

四。東三省官吏當兩虎相搏之衝。莫敢左右袒。坐視吾民之破家蕩產。斷脰絕臙。不暇出一言以相辨護。又其地遼闊。要亦有鞭長莫及之勢。其民既不得以死生呼吸之頃。爲苟全萬一之計。而官吏又不能過問。此決非其他各行省所能比擬也。各省官吏雖曰無權而對於人民。則南面之威赫然。猶在設民氣。果有不馴。以一哨弁禽而僇之足矣。又誰肯犧牲身命。以身試法。此必無可慮者四也。

由是觀之。東三省情實既與其他各省大相逕庭。而地方自治之規。亦無流弊當局者宜急許其自治。而仍以朝命宣布各國。並命老成碩望之流。爲之董其財政。理其獄訟。而國家則自常供之外。無所取事。由民辦權。總於官如此。則措施裕如。百事咸舉。內可以輔官力之不逮。外可以完我。國之中立。不禁爲朝廷慶爲我民幸矣。此亦處置東三省之一法也。

論英俄均勢與中國之關係 本社撰稿

可 權

方今列強之足爲中國患者。不在小國而在大邦。又不在大邦之各獨立。而在大邦之易合。從是故庚申之役。三國聯軍而僧王敗。庚子之役。八國聯軍而榮相敗。彼以其互相策應之

師協以謀。我其勢常處於合我則獨力抗拒。對付不及。非獨藩屬國莫能臂助。即此省與彼省。連絡之法亦疏。甚至有視同秦越。不關痛癢者。於此六十年來。失敗之歷史。所為廢續不絕。書者也。顧前此猶幸各邦之連合力不均。又無確定之霸權。可以左右世界。故俄侵阿富汗。則英抗之。英掠帕米爾。則俄爭之。德法無外競之根據地。則攪我內藏。或伸一臂於南疆。或割一瓣於東陲。其對於我施種種之要挾。無不以相待。最優之國利益均沾。為言者其實皆對於英俄為自張強力之地步也。然畢竟於地理上之競爭力。缺而不完。孤寄一二軍港於東方。可以保護商業。未能擴充民政。不足為中國興亡之大關鍵。今則事勢一變。法德既與英俄協約。英俄又自定協約。黃禍之風潮。激於歐洲。全部人之腦中。而中國前途真有瓜分豆剖。不知誰主之痛矣。

試以俄國言之。其侵奪遠東政策。早定於二百年以前。東據樺太島。西掠高加索。而以其西伯利亞鐵道橫貫於中。滿洲三省。適當其衝。故俄欲有事於中國。必以奉天為之基礎。今雖為日本所逐。不能逞其狡謀。然日本之志。止於輕減俄人東偏之勢力。至於中央亞細亞之俄疆。固無絲毫損失也。假使俄竟撤去苦魯巴金。司麻理羅甫之水陸防兵。而更經營於新疆蒙古之間。則吾恐榆關雖獲解嚴。河套又將告警矣。夫由遼東半島。經略順直。與由天山。

南路窺瞰陝甘其難易自不可以道理計然俄人既失於此勢必取償於彼不可謂之謬言也試觀前此之併基華掠浩罕乘伊犁之不備而侵入之曾幾何時遂拓數千里之巖疆然則俄人之必爲西患也無疑矣

再以英國言之英人長駕遠馭之策橫絕世界鎔鑄五洲如出一治而於中國尤不遺餘力焉論其經商在荷人之後論其殖民在葡人之後論其交通中國政府在法人之後而能一躍過之如虎傅翼飛而食肉吾不能不懼盎格魯撒遜種人之趨捷也假使其困守廣東踞香港以制吳淞亦與法人之佔安南等耳惟彼不於廣東起點而於印度起點於是東滅緬甸而與雲南相屬南收哲孟雄而與西藏相守至於今日竟以一旅印兵攻拉薩而走喇嘛全藏疆索入其掌握自此遂與四川甘肅諸邊城直接交涉矣一旦逞其野心更從西藏折入內地則我之兵備未整鐵道未通崎嶇劍閣其足恃以拒敵者幾希矣

故使兩大國者各自爭雄各自競利相持不下我猶得因以自保今聞其協商已有端緒俄人肯認西藏爲英之保護國則英必出相當之酬報以予俄舍蒙古新疆尙有何物哉夫就現勢而論東三省之膏腴俄人唾手可得而忽敗於英之同盟國英人又取其勢力可及之西藏致使俄皇皈依黃教結歡喇嘛之狡謀幻如泡影俄似已爲英力所屈而不知惟其失

東三省。又不得西藏。然後可以蒙古新疆委之。此所謂五雀六燕。悉稱者也。吾乃得面言其利害之及於中國者矣。俄棄旅順。此後必不能恢復海權。而以其鐵道代之。蘆漢幹路。足抵英人長江商業。且其橫截之勢。尤能輦南方貨物。聚於北方。故哈爾濱之便利。猶不減於香港也。至於西方地理上之關係。則藏蒙平分。皆足以扼我吭而拊我背。英不能出緬甸。而擾雲南。懼法之擬其後也。則必進航巴蜀。順流而下。荆門自此而南方諸省。皆可以囊括。而席捲而有之矣。俄不能越奉天而窺順直。慮日本之遏其前也。則必取道甘涼丸泥。而封函谷。自此而北方數省。皆可以兼容并包而有之矣。質而言之。即長江流域。黃河流域之兩大部分也。而其定局。則自英併西藏。俄併蒙疆之日。為始。於虜均勢之說。日騰人口。今方於兩大國兆其端耳。

雖然。我中國此時。謀所以抵制之。尚非無策也。英兵以勘界為名。深入藏地。使有泰早與會商。不令藏番妄戰。猶可保全藩屬國之體制。今則事機坐失。萬死不足贖矣。惟有力持舊約。酌量變通。倘冀挽回一二。其要點則在予以商務上之利益。勿予以政治上之利益。則主權猶我之自操。英雖強橫。必無干預人國內治之理。然後急撤回。有泰治以應得之罪。而別簡重望大臣。駐藏辦事。整頓內外交涉。重案則西藏或不至竟成棄壤也。若夫蒙古新疆。尙完

全爲我之屬土。左文襄之成約具在。但使有封疆之責者。竭力守禦。勿使俄人得越雷池一步。則蒙古諸王。可以自扞牧圉。而新疆撫臣。亦得從容布置。隱然擴張其防禦線。何必黃龍大轟。遽爲黑鷺所掩。且未雨綢繆。爲力較易。西藏已落英人之手。猶思救之。況蒙疆之尙在。宇下耶。頗聞人言。有某大臣。受俄賄。囑遇事。輒助俄。抑蒙果爾。是真爲淵駘魚。爲叢鷓雀。而已。殆比有泰。而罪。又加甚焉者也。吾烏知他日之新疆。蒙古不與目前之西藏同一危急哉。夫西藏之交涉。已動。政府不早爲之所。遂使英人乘間直入。新疆蒙古之交涉。卽視西藏之約。爲進退。吾政府能拒英於先。卽能拒俄於後。否則使英奄有西藏。而欲俄不割據新疆。蒙古不可得也。英俄平分藏蒙。則中國之前途。斷可識矣。吾政府其知之否耶。

極東之第二俄羅斯 錄七月十七日至二十七日時報

俄羅斯之經營極東也。其施之行事者。於今垂六十年矣。當千八百四十七年十一月。俄皇尼古拉士。召見摩拉罷夫。而命之曰。朕授卿以東部西伯利亞總督之任。可速講究處置西伯利亞重要之問題。以聞。摩氏奉命後。於千八百四十八年始任事。而自摩氏一行。遂使俄人在東方。得高樹其雙鷺徽章。臨風招颺於白山黑水間。而使我黃龍之旗。慘淡無色。世之欲研究俄人經營極東問題者。盍亦就其經營極東之發起人摩拉罷夫之政策。而一研究

之乎。

社說

二百

九月

摩氏者。俄人所稱爲有學識有才調之傑物也。既蒞東部西伯利亞總督任。乃抱其掀天揭地之偉略。以發前人未發之英謀。其言以爲太平洋者。將來必占世界權力之首要點。俄國當亟擴張其勢力。而得一有力之根據地。與對岸之北美合衆國相提攜。其時太平洋上。猶未見有帆船往來。而北美合衆國亦尙未有偉大之名譽。而摩氏之言願若此。又以爲英國從海上占中國通商之利。俄可從陸上盡排斥之。而使之衰落。然苟欲達此目的。舍振興東部西伯利亞。其道無由。而欲振興東部西伯利亞。又非占領黑龍江沿岸之地不可。摩氏之計畫已定。遂於任內。自黑龍江拓地。以達於朝鮮之海岸。俄人得在東太平洋海岸發達其膨脹之力。實始於此。又同時俄國之著名革命文士拔庫尼氏者。嘗建一議。欲於西伯利亞建一合衆國。與太平洋對岸之北美合衆國同盟。其言之驚人。類如此。後四十餘年。乃有西伯利亞鐵路之建築。而吾國人始稍稍驚破睡獅之迷夢。夫孰知人之謀。我其雄偉遠大之業。固已先五十年而計畫已定耶。

不幸我國有甲午之役。俄以代索日本歸還遼東。市德於我。而與我要結租借旅大之約。而俄之極東經營。乃遂達於美滿之願望。又不幸庚子之亂。俄藉口駐兵滿洲。防備馬賊。事平

背撤兵之約。我政府不能與之下嚴厲之談判。陳決絕之意見。一再依違。使俄人得寸進尺。觸起隔岸新進國之惡感情。以成今日之戰役。乃不意龐大俄國。擁腫不靈。自仁川一戰。迄於屢戰屢北。海軍全覆。陸師亦燬。其一蹶不振之勢。可以概見。即素表同情於俄人之某國。亦時有俄人無勇之諷詞。流露於報章。誠不圖俄人於彼得大帝二百餘年之遺訓。摩尼氏五十年前之願望。西伯利亞十年之經營。乃今忽收此不良之結果也。今吾人莫不知俄人之失敗。其可驚有如此者。而抑知自此以後。其將在東太平洋上握惟一之海權。而繼俄羅斯之後。以制吾國之命運者。曷何國乎。

則必以爲戰勝之日本乎。夫日本奮其一擊之威。挫雄俄。建伯業。縱橫黃海。所向克捷。自其表面視之。日本似能於滿洲得完全之權利。而達其圓滿之欲望矣。然而日本新進之國。戰事既罷。民命亦疲。固將爲經濟問題之所困。而莫得展其驥足焉。且日本果欲全占滿洲之利益。則將何詞以解仗義興師之舉乎。若果出此。列強未必肯與之相安。且適以墮某國煽動黃禍之計。故吾料日本將來之對於滿洲。仍當持美國所首倡之開放主義。以處置之而已。亦與於利益均沾之列。故謂日本此後在北太平洋海岸。巍然成一強國。則可。而謂其能即握太平洋惟一之海權。則不可也。

將以爲英、法、德、各大國乎。夫位於太平洋之南者。澳洲聯邦。實爲英之殖民地。其於世界之關係。固甚爲列強所注目者也。然而英自脫蘭斯哇之役。其帝國之威既損。而其屬地遍五洲。亦真有鞭長莫及之勢。即其商業。近亦爲後起之國所追逐。而將有退後之象。且其所竭全力以經營中國者。在於東南方面。而不在東北。觀於往年之英俄協約。可以證明之。然則其來日之收效。不亦大畧可觀乎。德於近日。固實行最悍鷙最雄健之帝國政略者也。迹其二十年來占紐基尼亞島。今名卡爾維廉據紐不列顛愛爾蘭兩島。今名馬士多併馬志亞島。與英美合得所羅門羣島之三島。又與西班牙結約購得卡羅靈馬利安尼秘魯各羣島。又薩摩亞羣島中之烏波兒薩威兩島。亦歸彼版圖。此皆德國於太平洋沿岸。逐漸發揮其最悍鷙最雄健之帝國政略者也。然德之所得。在太平洋沿岸。推廣其屬地者。大都在太平洋南岸。而不在太平洋北岸。是其與位於北太平洋之滿洲。尙未有直接之關係也。若法人所爲汲汲不遑者。蓋爲擴張其勢力於南清之經營耳。既得廣州灣以爲海軍根據地。又攫龍州以立陸軍之基礎。故法於南洋羣島。及暹越緬甸之屬。皆其勢力圈限之所至也。而其於中國。在圖我滇黔川粵。故於北太平洋之方面。幾無影響焉。吾於是登喜馬拉雅山。引領東望。海天浩渺。風潮澎湃。吾乃驚怖咤愕。爾見有第二之俄羅斯國。擁列星之國旗。出現於太平洋。

洋面而以我大陸之地爲其競爭之大舞臺也。

而吾於是乃益服俄人外交政策之遠到爲不可及彼摩氏於五十年前奉命經營東部四伯利亞即欲謀得太平洋海岸一有亦根據地以與對岸之北美合衆國相提攜。至今日而其言果驗然則此後能利用太平洋之海權者其惟美利堅乎。謂予不信請以近日彼國實行帝國之政畧證之。

近頃美國大統領羅斯福巡行太平洋沿岸所至演說其言有足令位於太平洋之列國同受異常之震驚者如云太平洋洋中之最大者也而此最大洋在今世紀中當爲吾美國獨一無二之勢力範圍雖然欲就最大之事業不可不負最大之責任又云在今世紀中惟能於太平洋上占最優勝權者爲能於世界歷史上占優勝權又云天將以太平洋昇其第一之驕子今正其時矣又云我國民乎我輩苟不願以劣者弱者貽我子孫以墮落之歷史則猛進猛進以實行我所懷抱之壯圖。今其時哉嗚呼此羅斯福一人之私言吾以爲不啻合衆國一國之公言也大言炎炎咄咄逼人我國民其亦聞之否耶然此猶不過其理論也請再證之實事。

一海軍之擴充美自一千八百九十年海軍省始設海軍軍政局提出軍艦擴張案而其發

端。實於現。今大統領羅斯福奉職海軍省。始美國軍艦得參列於世界海軍國。自一千八百九十五年始。其時新式戰艦美無一焉。自一千八百九十九年西美戰事起。美國海軍在散地哥尼刺等處屢捷。而美國之海軍遂大進步。據最近統計年艦所列列國海軍比較表。其鐵甲艦已有二十四艘。非鐵甲艦已有二十八艘。以比俄國得四分之一。三。德。國。得四分之一。八。德。國。甲。艦。三。十。五。艘。法。國。得。五。分。之。三。強。法。國。甲。艦。五。十。四。艘。英。國。得。二。分。之。一。強。英。國。甲。艦。三。十。六。艘。然此表距海軍創建之日方七年。而其進步之速率如此。況現今羅斯福氏方主持擴張海軍。使達於完備之目的乎。觀羅氏近日祝美國海軍發達之詞曰。苟吾美國能具置有力之海軍。且持久而勿替焉。斯我們羅主義所向無敵矣。又曰。兩年以來。我國海軍突飛進步。鄙人深為國民慶幸。莫大於此。又云。若果能得有力之海軍。而繼續之擴充之乎。則敢信我國將來之國難必永遠銷息。而海外諸國更無復能與吾們羅主義爭輕重者。夫們羅主義者。彼前大統領們羅之保守主義也。其始意曰。亞美利加者。亞美利加人之亞美利加也。及一千八百四十五年。博克為大統領時。宣言曰。合併美洲大陸之國土。此美國之義務也。則一變為亞美利加者。美國人之亞美利加也。至一千八百八十一年。加弗氏為大統領時。宣言拉丁亞美利加諸國。所有紛擾事宜。以美國為其裁判者。而今羅氏又云。們羅主義所向無敵。

蓋已有世界者。美國人之世界之意。而猶一則曰們羅主義。再則曰們羅主義。吾誰欺哉。一。實業之進步。據英人瑪爾荷所著民富論。其統計英美商業之比較云。當千八百六十年。英國所產工業品之全額。每人平均九十五元。其年美國所產工業品之全額。每人均平不過五十九元。及千八百九十四年。英國每人平均增至一百一十元。美國每人乃增至百四十元。相去三十年間。而其增進之速率。乃成一與三比例。又美國亞細亞協會總幹事長赫氏云。千九百年。吾美工業品之全額。實一百三十萬萬零三千九百五十七萬九千五百六十六元美金。以現在人口計之。每人平均百七十一元有奇。其年英國工業品全額不過五十萬萬內外。每人平均百二十元耳。至以出口額計。則美實不能不遜於英者。蓋英以工業品百分之二十五輸出海外。而美則僅以百分之四輸出海外。其所以大相逕庭者在此也。云云。近日美以工業品發達之盛。除國內銷用外。羨餘極多。故不得不汲汲焉求洩尾閭於海外。而世界未曾開闢之商場。莫多於亞洲。亞洲最適於美人。易到之地。莫如太平洋沿岸。且自美洲東來一水。可通其地位之優勝。尤非他國之所得望。及而美國對於太平洋岸之貿易。若中國、朝鮮、香港及其他各埠。千八百九十六年。達於一億一千萬佛郎。至九百零二年。乃達於一億九千萬佛郎。六年之間。幾加一倍。是其東方商業之進步。誠有三日於菟氣。

社說

二百六

九月

食牛之概而三年以前尤有一驚天駭地之事業震動全世界人之耳目者則大北輪船公司。在東方造船公司定製姊妹船兩艘。其一名爛奈梭達。千九百零三年四月十二日竣工。船身容積除可容二千八百客人。二萬噸貨物外。尙容煤七千萬噸。速度一萬一千匹馬力。其一尙未命名。在現今世界中商船。無有大於此者。夫在昔日各國之東來不出於太平洋。而出於大西洋。經蘇彝士河航線者。蓋以太平洋海程太遠中間無完善貯煤港以爲之接。應故須船身容積能滿三千噸煤以上之數。乃可行駛。此洋今該船乃能容煤七千噸。其可以縱橫馳騁於太平洋上而握其惟一之海權也。蓋無可疑矣。

一帝國主義之實行。千八百七十九年。有占士比兒者。謀築一橫絕南北美之大鐵路。其東方起點。自米尼梭達省之聖保羅市。橫貫南北。達哥他省。汶天拿省。華盛頓省。以達於太平洋岸之舍路市。現在美國境內爲第一延長之鐵路。此鐵路通而美國雄飛東太平洋之羽翼成矣。數年以來。併阿拉昔加。北太平洋岸掠夏威夷。攫菲律賓。漸施其蠶食東方之手腕。乃者洋底之電線。既告成。洋面之大航船已開駛。定即大北輪船公司而又以二百萬金購得開通巴拿馬運河之權。使太平洋與大西洋航路之接觸。忽縮短其航線。自此以往。吾見夫世界第一龐大之船舶。樹列星之旗。飛揚於太平洋面者。亦復誰與抗顏行哉。

一。中。美。交。涉。之。變。遷。千八百九十九年。即光緒二十五年。俄人脅我結租借旅大條約。美國乃於此時。提倡中國門戶開放之議。當時日本竭力贊成之。英法德俄意各國亦無異議者。此爲美國在中國實行第一次干涉主義。而第二次主持滿洲開放主義。即於此伏線焉。迨至庚子以後。俄背滿洲撤兵條約。觸怒日本。日俄國際之交涉。日益離間。日乃屢向中國警告。同時英美亦警告中國。而美國更直接抗議於俄。觀俄答美國之宣言云。俄政府決非有意奪外國人民在滿洲所享之利益。而使我國得占特別之權利。又斷不用各種方法。阻礙滿洲之開放。俄國却甚望與美國通商。而誘引其資本者也。惜俄人不能實踐此言。致日俄交際之破壞日亟。於是美國一面以滿洲開放。要求俄國。一面要求中國開放安東縣。嗣復以俄國占領牛莊。拒日本全權委員奉天大東溝開放之命。赫然震怒。派遣軍艦於極東。示與俄決絕。旋復派出駐紮滿洲領事。凡此種種強硬之手段。皆先各國而爲之。及日俄戰事起。而美廷詰責俄人違公法犯中立之言。亦時有所聞。蓋彼以爲對於滿洲。應盡之義務。有直接之關係。而非間接之關係也。羅氏所謂吾國民乎。苟不願以劣者弱者。貽我子孫。以墮落之歷史。則猛進猛進。以實行我所懷抱之壯圖者。今真其時矣。第不知位於北太平洋岸。擁龐大之領土之老大帝國。其對此之感情。又將何如也。

一。美、韓、交、涉、之、進、步。查美人在韓之商務。及在韓經營實業。所輸金額。皆非各國所能比擬。即世界亦鮮有。法目此事者。其始美人在朝鮮經營。自濟物浦至漢城之鐵路。日本與此外已成功者。有漢城之電車路。及長一十八里至二十里之大道。有漢城之電燈食水公司。而工業品之銷售。朝鮮者。若煤油。罐貨。棉布。數皆極鉅。又聯合英國資本家。在朝鮮北境。得有礦務權利。而其礦則為亞洲巨礦之一。去年又因俄國在龍巖浦築礮臺。美公使屢次警告韓廷。勸速開放之。以為通商口岸。又美教士在其內地傳教。亦極有功效。然則美之於韓。其實業。其商務。其宗教。日益發達。又豈可限量耶。此美人所為。對於滿洲開放之問題。獨占各國之先步。為滿洲亦所以為朝鮮也。吾人觀於其於極東問題之解決。其關係之輕重。蓋日本而外。未有甚於美國者也。

以上皆美國突飛。東太平洋之雄。畧。質。而。言。之。即。謂。為。美。國。東。方。侵。略。史。殆。亦。無。不。可。也。尤有異者。則試以美國與英俄比較。有極可比例之二事。夫英以得蘇彝士運河股分票。而英人在東方之伯局。遂定。今美人新得巴拿馬運河開鑿權。而美國在東方之伯局。亦遂定。此其可與英國在東方之位置。後先。頡頏者一也。俄人經營西伯利亞。於五十年前。有蓋世雄傑之摩拉罷夫。以太平洋為將來世界首重之要點。故其經營東方也。以達於太平洋岸。

爲目的。美人之窺伺東方也。三十年前亦有蓋世雄傑之占士比兒造大北鐵路以與太平洋之航路相接。而二十世紀太平洋乃爲美人私爲己有之物。此其經營東亞之政策與對岸之雄俄相隔數萬里相去數十年後先之間而兩賢之抱負乃不謀而合如此其可與俄國極東之經營後先輝映者又一也。又俄國二百年前有彼得大帝之遺訓以併吞全亞稱伯東方望其世世子孫必踐此言。今美國大統領羅氏太平洋沿岸之演說曰。在今世紀中太平洋當爲吾美獨一無二之勢力範圍。又曰。天將以太平洋界其第一之驕子。又曰。吾國民乎。猛進。猛進。以實行我所懷抱之壯圖。其言微特彼得大帝併吞東方之遺策也。善實舍有吾前所謂世界者。美國人之世界主義。今者俄人於東方不幸演墮落之歷史。而美人若曰。此正實行吾羅斯福氏猛進之主義時也。夫英世所稱海王之國。而俄則大陸之第一等帝國也。今美國乃兼擅海陸之優勝一蹴而俄之商業衰落矣。再觀而俄之伯業凌夷矣。美乎。美乎其魄力之雄偉。氣象之浩瀚。殆即代表太平洋之體態乎。吾登喜馬拉雅之山。引領東望。吾氣沮神喪。粟股栗吾迴望吾中原。僅餘遙青之一髮耳。吾哀我黃炎之子孫。乃將爲紅黑劣種之續。第一俄羅斯去矣。而第二之俄羅斯方來。況第一之俄羅斯猶未必即一敗塗地。甘心於卷甲韜戈。雌伏螻蟻。藏而不出也。昔三水徐氏著俄人不能混一亞東論。

歷數俄人不足畏之實證。其結論云。亂天下者俄也。定天下者必美也。然而十年以前。俄人強秦之號。方震於泰東。美人和平之旨。喧傳於遐邇。亦孰不以徐氏之言爲目論也。乃遲之十年。而雄俄之聲名。幾掃地以盡。而夙持和平政策之美人。乃實行其帝國主義之政略。橫太平洋而東渡也。嗚呼。徐氏之言。其神矣乎。

論鐵良南下之宗旨 錄七月二十日中外日報

本館昨者因鐵良奉命南下。業將抵滬之故。曾有義和團第二次出現之作。以爲東南諸行省之官紳士庶告。然未表明其宗旨之所在。深求其用意之何若。則閱者或猶以本報所言爲遠於事實。而將來之結果。亦未必如本報之所云也。則請再舉其事實及宗旨。爲閱者一申言之。按此次鐵良南下之故。據論旨所言。則曰查察製造局也。曰順道將各省司庫局所利弊。逐一查明也。然而查明之後。究竟如何處置。未之明言。則宗旨所在。尙不得而知也。而一核以五月二十八日之懿旨。與夫本館之所聞。則其宗旨。可一言以蔽之。曰中央集權。惟其欲實達此中央集權之目的。故欲將東南各省之財權。兵權。悉握諸政府。使各省疆臣。不得自有其財權。不得自有其兵權。而即以各省所有之款項。悉輸諸京師。以爲練兵之用。觀於懿旨有曰。外銷之款。核實騰挪。中飽之數。從嚴釐剔。並歸併局所。裁汰冗員。清

提陋規。力除糜費。每年勻出的款若干。以爲練兵之用。則此次鐵良南下之故。蓋可考而知也。故其辦事之宗旨。在於中央集權。而其辦理之次第。則在於取東南之財。以練北方之兵。至於所練之兵。究作何用。則又不明言。以爲將以鎮壓土匪耶。則政府屢言中國兵力雖弱。然以之勤除土匪。尙綽有餘裕。則似不必鋪張揚厲。練此大兵。以禦小醜也。以爲將以與俄國戰耶。則目下在東三省之俄兵。已爲日本所敗。初不煩我兵干與。而亦非我兵所能干與也。且俄人佔據東三省。誠爲中國之公敵。然不擊之於敗釁之時。而擊之於爲人所敗行將自退之日。天下甯有是理耶。或者謂猛虎在山。藜藿不採。政府乘此陰雨未至之時。爲綢繆牖戶之計。誠未可厚非。然何以所籌之款。必歸諸京師。外省不得留存。所練之兵。必屬於京師。外省不得與聞。豈政府之意。但欲保全畿輔。而外省則在所不顧耶。又豈以爲畿輔苟能保全。外省即可無恙耶。嗚呼。吾知之矣。前數年來。政府舉事。往往不顧大局。之何若。外省意見之何若。動輒鹵莽。啓釁流毒。天下起意者。不過數人。而受其害者。不可紀極。是則今日者。若再以其中央集權之宗旨。行其籌款練兵之政策。而練兵之本意。又不以明告天下。且又不使東南各行省。有餘款之存留。有餘兵之可用。是明欲使有事之時。可以無所不爲也。且欲使東南各省。無可憑藉。以掣其肘也。稽諸庚子。徵諸現象。竊爲東南諸省危也。夫中央集

權之說。施諸今日之中國。猶之人已病危而又飲以剗劑。屋已飄搖而又加以撞擊。本屬萬不可行之事。且政府亦何嘗真有與外省爭權之本領。觀於歷來所辦諸事。其出諸行省者。十中尙得六七。其出諸政府者。十不得一焉。則政府之未能實行其權可知也。又歷來遇有棘手之案。無論內政外交。疆吏請命於政府。政府仍諉諸疆吏。終未嘗設一策定一計以收發縱指示之效。則政府之不能自有其權可知也。而獨於籌款練兵之事。則忽主張中央集權之說。以行其秘密之舉動。則即使款果能集。兵果能練。竊恐非政府之幸。并非東南諸省之幸。抑亦非大局之幸矣。嗚呼。論事於已然。何如防患於未然。而中國元氣當此不絕如線之時。一誤之餘。更不容再誤。則安不深味其中央集權之說。推究其籌款練兵之陰謀。以杜夫日後之大患也。

論列強將漸變均勢之說為紛爭 錄七月二十四日警鐘報

強國之視弱國。無有所謂對付也。只有吞滅而已。即偶用對付之策。非因強國對弱國而生。實因強國對強國而生也。海通以來。白民闕我。閩弱。遂播為并吞支那之論。雖然。強國十數。地之不醜。倍力不均。歐美平和之局。行且垂破。因是各論國情。相為抵制。而均勢之論起矣。
如德借膠州英借威海衛俄借旅順等事 夫彼所以持均勢之論者。必因甲國本有所悚於乙國。在國交輯睦之

時甲之視乙。不過一虎而已。一旦乙國再卽其已滿之力。從而擴張。東亞是也。則是長虎以翼。其不利於甲可知矣。已盛之威權消過。無及無甯於事前互約均勢。乙國之談。既不加張。而甲國轉有以增進其內力。譬若投齒於俎。羣筋交下。其倡爲禮儀揖讓之論者。必座間之最弱者也。故吾謂均勢之說。非強國所願。次於強國者所願也。十年以來。英俄德法美日諸國。銷精憊神於東方。第卽商務而論。其所裨於己之國力者。靡淺。自衡其勢力。既無所悚。野心遂生。從前均勢之說。必漸歸於無效。今試卽近事而證之。俄營東三省。日營朝鮮。此均勢也。而今則日俄以東三省故。而起紛爭矣。英視揚子江爲範圍地。德視山東爲範圍地。此均勢也。而德人前月。又有要索鄱陽湖屯泊水師之事矣。至西藏鄰於印度。英人本視爲己有。而俄人亦容喙於其間。廣西雲南。法人自認爲範圍所及。而俄又思插足。日本涎福建。法人亦涎之。蘆漢鐵道。辦之者。比利時而已。而豈知藏形於其后者。復有俄法。按之均勢之說。適成相反。今者東省之事。日俄旣爲倡導。則東亞平和之局。破卽列強均勢之論。銷而紛爭之兵禍。將從此而大起矣。且昔時均勢之約。僅以一國而佔我一省。吾之對彼。已病力莫能抗。今復加以紛爭。戰馬蹂躪。礮彈攻毀。殘破之餘。吾民生氣且盡。然則彼二國戰局。雖終吾人對於被佔領之一國。安有實力謀禦之策。觀於今日遼陽旅順受苦之華民。田產蕩燬。室

家離散。俄兵未退。為俄兵之服役。俄兵既退。又將為日本之服役。亂離之慘。偷生不遑。而謂異日復能修我戈矛。發為排外之大舉者。按之事勢。吾決其無是也。夫今日中國聚數省而成之。至於異日。凡一省之地。將聚數國而爭之。揚州嘉定之被兵。遺痛未已。然猶曰一族也。自此之後。則必合有三三族而共屠一地焉。嗟我邦人。倘有鑒於日俄紛爭。而亟籌所以對外之方策。歟。不然。則東省華民之慘禍。行將復見。奴隸牛馬之辱。且不及待矣。

論中國前途之無望 錄七月二十六日警鐘報

今之談修政者。必先曰儲國帑。謀禦侮者。必先曰卻外兵。斯固然矣。雖然。中國之財。非有盜攫我也。必有一事焉。穿孔而自漏。外國之兵。非無故闖入也。亦必有一事焉。開門而自招。農工不興。商業不講。貨幣不革。釐金不除。固為漏卮之大宗。而尤要者。則在鬧教之賠款。海政未修。陸防未固。內亂紛乘。外交失策。固為召侮之媒介。而尤甚者。則在鬻礦而屯兵。鬧教而賠款。在漏卮中最為易見。鬻礦而屯兵。在召侮中最為無形。而其速吾國之亡。則一也。試即已事而論。鬧教之案。最大者莫如庚子之團匪。團匪之起。原因甚多。然因仍係仇教而起。賠款至九百兆矣。他如天津教案。廣東教案。賠款動以數十萬計。近如陝西。如山西。如舞陽。如辰州。如衢州。如古田。如施南。如新昌。如恩施。如甯海。每鬧一次教案。必增數十萬之賠款。然此猶其小者。試問

膠州之割讓。非藉口於教案乎。從前五口之通商。非藉口於教案乎。今則新昌教案。法人擬派兵艦於江西。是則鬧教之事。又影響於割地與召外兵矣。至夫鑛鑛一事。爲開門揖盜之舉。於往事雖尙未險。然鑛鑛與築路。乃相因之事。有鑛則必築路。以輸之。有路則必設電線。興航業。以聯絡之。數事既興。則內地愚民。必有因風水細故。或官吏胥役之勒逼而起。與公。司爲難者。而外人乃於此時。藉保護路鑛電線爲名。而沿吾腹地屯重兵焉。斯時也。猶不謂爲亡國。其誰信之。且始也。因欲得財。而鑛鑛繼則。因鑛鑛而失財。所得者。祇於箇人所失者。則在一地。是則鑛鑛之事。又與召外兵耗財產二事相與爲直接之因矣。不特此也。政府因鬧教而愈抑平民。平民則愈抑而愈鬧。愈鬧則賠款愈多。賠款愈多。則民愈窮。民愈窮。則仇洋仇教之心愈固。結不可解。而最後則亦足以造召外兵之直接原因。之如庚子事是奸民因貪利而鑛鑛。鑛鑛而財產外輸。農者工者商者。愈失其業。失其業則益易生亂。生亂則首必仇教。仇教則小者賠款。大則洋兵侵入腹地。軍艦屯於內湖。其肇禍之端何止一二。夫鑛鑛之事。前已屢見。然大半屬於劣紳。此後防遏於未然者。其責全在吾黨。鬧教之事。至今猶未有已。然大半屬於亂民。欲遏其萌。其責悉在官吏。況今日俄戰事未終。各國之伺隙於我者。已整備一切。環視吾側。稍不經意。則中國前途。寧有幸存之望哉。

論民智不進之可憂 錄七月二十六日嶺東日報

有知覺之民與無知覺之民其程度之高下蓋真懸絕而不可思議有知覺之民預患而自爲防有利而自爲興靈心透達曉理卽悟無知覺之民非特其事之深遠不易知者卽至其爲救濟生命之要而彼且瞢然昧然從而反對之者而不謂我今日之中國人適當其語且悍然演出至野蠻無理之變劇一若人之欲自絕其粒自刎其頸然者此可憂之甚者也自晚近政令多乖地方人民之爲官吏激變胥役激變重稅苛派激變者固比比然矣數月以來如鎮江如江南下關如廣州潮州警亂頻聞然非爲生理困頓卽由壓抑莫訴迫而出此其情甚苦其境可憐而不謂風潮之轉出人意外前之以萬不得已而激變者今且有以極無謂之舉動而起前之變在政界者今且移而之於學界蓋近事之最離奇而可怪者以吾所聞今已現及兩處其一則江蘇無錫之學堂因調撥米捐而致焚燬其一則四川廣安州之學堂因愚民迷信妖言而致拆毀是也夫無錫之初激變也人頗咎辦理學堂之楊某操切過激所致然以今細情觀之事殆不然夫爲地方上開學堂卽爲地方上培植子弟則於地方各貨物抽取一二以爲經費本已正當况並未出此不過向廟捐中酌提盈餘化無用以爲有用

無錫米市向除正捐外尚有廟捐

既未礙及商家又未致損貧民特以爲紳董

之。所。不。利。以。加。捐。煽。惑。米。商。而。爲。罷。市。焚。燬。各。學。堂。之。舉。夫。使。該。地。之。人。有。心。與。理。事。者。爲。難。則。及。其。一。人。足。矣。而。紛。紛。焚。燬。學。堂。奚。爲。也。學。堂。非。地。方。公。款。之。所。成。就。者。乎。是。無。錫。之。激。此。重。變。非。爲。仇。視。一。人。其。平。日。仇。視。學。堂。之。深。可。知。也。然。此。猶。曰。爲。人。誣。惑。所。致。而。廣。安。州。之。事。則。更。有。令。人。失。驚。者。以。無。用。之。寺。廟。改。建。學。堂。本。屬。計。之。得。者。愚。僧。無。知。控。告。不。已。而。劣。紳。且。朋。比。與。之。爲。奸。其。卑。污。已。不。堪。設。想。今。復。以。天。災。之。變。歸。咎。學。堂。簞。鼓。妖。言。以。亂。民。聽。愚。民。附。和。舉。國。若。狂。復。有。學。堂。拆。毀。等。事。嗚。呼。噫。嘻。何。物。妖。僧。而。敢。爲。此。然。而。此。風。浸。染。勢。將。影。響。全。國。將。來。學。堂。激。變。之。情。事。吾。恐。數。見。而。不。一。見。也。吾。聞。之。吾。憂。之。夫。以。學。堂。之。有。益。於。人。而。無。絲。毫。爲。民。窒。礙。民。且。深。惡。痛。疾。必。毀。之。而。甘。心。者。何。也。此。足。見。中。國。人。之。野。蠻。無。知。達。於。極。點。其。心。殆。不。識。學。堂。之。爲。何。事。誤。以。爲。辦。理。學。堂。者。必。非。心。術。端。正。之。人。學。堂。之。學。生。皆。染。洋。人。習。氣。故。各。處。頑。民。往。往。視。學。生。爲。小。洋。鬼。子。而。視。學。堂。直。與。教。堂。無。異。者。又。必。以。爲。學。堂。專。恃。洋。勢。壞。亂。風。俗。坐。費。巨。款。朝。廷。特。不。得。已。而。爲。之。者。此。蓋。愚。民。一。斑。之。蠢。想。歷。歷。如。繪。故。仇。視。洋。人。仇。視。教。堂。者。未。有。不。并。學。堂。而。仇。視。之。我。方。謂。其。頑。固。自。守。甘。爲。外。人。奴。隸。彼。且。轉。以。此。詬。厲。乎。我。故。忌。之。之。深。仇。之。之。極。而。致。有。此。等。變。動。之。發。洩。也。悲。矣。夫。我。四。萬。萬。之。民。爲。歷。代。專。制。朝。廷。壓。抑。之。久。乃。竟。無。覺。悟。力。至。此。乎。以。學。堂。之。

爲國精神猶人之不能無衣食然絕食則僵絕衣則困絕學堂則奴而亡而不爲相與有成乃至用極暴手段不顧禍患付之一炬而後快乎外國人之詆我者非曰奴隸則曰賤民吾輩嘗聞而切齒今其愚乃竟若此又安足有自立之一日殆長以賤民奴隸遺外人以稱呼而已矣哀哉雖然天下事待其禍起而重懲以戒之不若及其未然而解釋之今全國興學未及一二頑固人士方百計沮之而不得督責稍嚴而衝擊風潮且因以起蘇蜀號稱開通之地猶尙如此其他能無憂哉特著論以爲愚妄者誅焉

論江督易人之故 錄七月二十七日中外日報

天下之事因果相生無無故而然者而況兩江閩浙二督之對調此爲近日政治上之絕大變化豈無蛛絲馬跡之故在乎其間大可以供世人之研究者而論者不察最下乘者乃較量於魏李二公之優劣一較其將來政界上之同異如何此真不通朝局去題萬里之說也何以言之案此次魏李對調以湖南人易湖南人卽知其於湖南人之社會絕無更變而其二人之對調皆於其箇人有關繫而於吏治無關繫矣至其關繫何在亦可推而得之夫對調之命何以不下於鐵良未至之時不下於鐵良已去之日而適下於鐵良正在查辦製局時則可知其關繫不出乎製造局也如此卽測得兩大定點一爲必箇人之事一爲必箇

人而與製局相關之事。得此二點。而於推論此事之前因後果。乃稍有把握焉。案製局之建設。本屬於北洋南洋兩大臣之權下。局雖設於南洋。而北洋大臣對該局之權限尤高。昔李文忠之在北洋也。不啻隱然爲各督撫之領袖。而即合督撫在天津構成第二之政府。各省之大政。除內治外。北洋大臣無不可干涉之。自文忠去位。仁和相國繼之。相國素執退讓主義。故其時北洋大臣之局面。爲之頓縮。仁和去。榮文忠來。榮文忠絕世之雄。固不難復李文忠之舊觀。而榮文忠之方針。則別有所在。絕不注此。故其時北洋局面。與仁和時無少異。榮文忠去。裕祿來。則土雞瓦狗。備陳設。供兒戲而已。非能於政界有所變動也。所以北洋大臣之權利。自李文忠後。墮地者。且十年。至今襄城制府始奮起而欲恢復之。夫襄城之心。爲公爲私。復權之事。爲利爲害。此尙須俟他日大事定之。非今日所能淺測也。而就事論事。則南洋大臣之對製局。總須北洋大臣共之。而不能與兩湖總督共之。則事理之曠然。而至易明者也。乃午帥薨昏。漠然不覺。至形現勢絀。始欲支吾敷衍。爲自救之策。亦復何及。以今日之勢觀之。製局之歸北方。已毫無疑義。惟瀏陽之至。恐其於南皮。亦必有極大之關係。而必非能如鳥之相忘於山林。魚之相忘於江湖也。總之今日之事。爲江鄂會議。製造局之結果。而此果又復爲因。以造未來之世界。波瀾萬頃。莫能窮其源委之所至矣。然而即以此一事論

魁 說

二 百 二 十

九 月

之。而。其。流。弊。已。有。不。可。勝。言。者。何。也。襄。城。初。意。嫉。江。鄂。議。製。局。而。已。不。預。聞。而。已。未。有。他。也。自。口。口。等。利。用。之。而。有。中。央。集。權。之。說。自。口。口。等。利。用。之。而。有。抽。提。中。飽。之。說。則。皆。其。後。起。者。也。此。等。之。事。何。道。不。可。附。會。何。人。不。可。生。心。魑。魅。喜。人。利。於。暖。味。乃。千。殊。萬。變。之。態。轉。而。不。窮。將。來。亡。國。敗。家。之。事。或。從。此。起。未。可。知。也。嗟。乎。吾。他。不。恨。但。恨。吾。國。之。陋。習。每。因。一。二。人。一。己。之。私。怨。而。釀。成。數。百。年。通。國。之。大。禍。經。千。百。年。而。此。習。不。改。果。誰。之。所。致。哉。

諭旨

七月十九日至八月二十日

上諭本日召見之山東補用道朱鍾祺著以道員用留於原省即補仍交軍機處存記欽此 上諭朕欽奉 慈禧端佑康頤昭豫莊誠壽恭欽獻崇熙皇太后 懿旨戶部奏內務府傳辦九江關磁器一摺當此時局多艱財用匱乏本年萬壽慶典業經降旨不准鋪張所有傳辦磁器著即行停止欽此 七月十九日

上諭本日召見之湖南試用道俞明頤著以道員留於原省補用並交軍機處存記欽此 二十日

上諭本日召見之湖北補用知府葉景葵著交軍機處存記欽此 二十一日

上諭魏光燾著調署閩浙總督兩江總督著李興銳署理欽此 上諭黃建筌著調補山東布政使江甯布政使著胡廷幹調補欽此 二十二日

上諭魏光燾已調署閩浙總督未到任以前著崇善暫行兼署李興銳著即起程迅赴署任欽此 上諭胡廷幹已調補江甯布政使著即迅赴任欽此 二十三日

旨崇文門正副監督仍著奕劻世續接管欽此 二十五日

旨理藩院額外侍郎著凱舉補授欽此 二十七日

上諭李興銳電奏福建龍溪南靖兩縣自七月中旬連日大雨溪河暴漲水勢漫溢堤岸冲塌十餘里田莊淹沒溺斃多命被災甚重覽奏深堪憫惻業經李興銳派員散放急賑即著該署督遵飭各員設法疏消並趕緊妥籌賑撫務當核實散放盡心經理毋任失所用副朝廷軫恤災黎至意欽此 二十八日

上諭江南狼山鎮總兵員缺著候選道黃忠浩補授欽此 三十日

上諭本日道旁叩關之護軍巴雅胡著交刑部嚴行審訊欽此八月初二日

旨翰林院孔目著李遵義補授山西隰州直隸州知州著李保邦補授山西吉州知州著黃壽徵補授浙江孝豐縣知縣著姜渭璜補授雲南新平縣知縣著詹坦補授湖南安仁縣知縣著周克菴補授湖北恩施縣知縣著夏樹立補授山西垣曲縣知縣著劉德補授河南項城縣知縣著項夢熊補授江西興國縣知縣著秦鎔補授直隸無極縣知縣著鮑德鄰補授河南武安縣知縣著莊鍾濟補授甘肅金縣知縣著張體信補授截取舉人劉翰飛著以知縣用唐芝榮徐寶慈王廣雲均著以教職用朱芳歐陽鍾劍炳南黃會登夏河清均著以知縣用兵科筆帖式著春明補授廕生鍾宇著以文職用國仁慈著以侍衛用毓紳著以文員用榮厚著以旗員用溥巨著以七品筆帖式用國子監司業著樂昌煊補授截取掌山西道監察御史黃昌年內閣中書孫卿裕俱照例用熱河都統衙門辦事司員著鮑琪豹去擬補江甯將軍衙門筆帖式湧潮著准其補授保舉奉天候補知府祥瑞直隸候補知縣張泰封黑龍江候補倉屯站官凌春俱照例用服滿原選浙江景甯縣知縣褚輝祖著不必坐補原缺俸滿長蘆豐財場鹽大使任敬敷著回任卓異前福建福州府同知溫冠著准其卓異加一級仍註册候升開復前江西試用知縣應衷著准其開復原官原銜仍發原省照例用欽此 諭旨本日引見之前山東章邱縣知縣李敬修著發往山東仍以知縣即補江蘇江陰縣教諭秦毓麟著以知縣用欽此 初三日

上諭四川補用道劉慶汾著發往南洋交李興銳差遣委用欽此 上諭陝西漢中鎮總兵員缺著程鼎補授欽此 旨這所參疏防越獄之管獄官陝西葭州吏目許鴻模著即革職拿問交升允提同刑禁人等嚴行審訊按律懲辦有獄官

茂州知州俞恆齡雖據報先期公出惟未能先事預防亦難辭咎著交部議處仍著嚴緝逸犯武澤兒務獲究辦欽此

上諭湖北安襄鄖荆道員缺著裁缺陝西督糧道崇恩補授欽此 初六日

上諭敬信奏假期又滿病仍未痊懇請開缺一摺敬信著賞假一箇月安心調理毋庸開缺欽此 初八日

旨山西道監察御史著張瑞蔭補授考取內閣中書丁震蕭端潔徐崇立彭萃文張紹言楊玉銜陳宗彝齊徵鄭滋壽沈

親宸任文鏗童煒梅辛際唐吳鳳鳴劉璣梅長昭唐爾蘇王鍾榕劉元任熊壁李焜李海恩陳秉鈞黃嵩齡袁崇鎮殷良

阿黃家琮李金榜聶樹奇曾維藩周翼孔周鶴齡蔡肇元朱邦獻馮棟芳董欽墀王宗毅唐德驊俱著記名以內閣中書

用在任候選知縣廣西博白縣教諭秦恩述著以知縣用欽此 旨本日引見之前廣東韶州府知府郭璧著以同知用

欽此 初九日

上諭光祿寺卿玉恆奏因病懇請開缺一摺玉恆著准其開缺欽此 上諭準良著來京營差延祉著賞給副都統銜作

為西甯辦事大臣照例馳驛前往欽此 上諭馬蘭鎮總兵管內務府大臣著豐阿補授欽此 十六日

上諭直隸津海關道唐紹儀著開缺以三品京堂候補賞給副都統銜前往西藏查辦事件欽此 旨光祿寺典簿員缺

著楊宗孟補授欽此 旨慶生仙佑著以待衛用定璉著以武職用缺不著以七品筆帖式用分發奉天道李席珍江蘇

道劉國柱沈瓊慶黃篤恭山東道方燕年劉崇惠山西道陳璋湖北道馨齡貴州道許瀛安徽知府李誠湖南知府徐榮

江蘇知府紹舒江西知府吳曾翰奉天同知劉晉藻福建同知溫冠春貴州同知吳錫珍直隸同知嚴廷璋雲南同知洪

念江安徽直隸州知州劉繩武湖南直隸州知州方荃四川通判張秉鈞貴州通判李毅兩淮鹽運司運判袁世傳直隸

諭旨

六十六

九月

知縣恆晉江蘇知縣黃國華安徽知縣陸銳星山東知縣樂鼎河南知縣許崇善胡藩四川知縣文秀江蘇知縣馮永備魏瓊杜光橋李世連屈振翰山東知縣川仁壽馮光勳河南知縣陳昆荃陳翰芬陝西知縣許國琮李宗崙江西知縣王榕桂湖北知縣葉爾度湖南知縣呂學楷熊從龍趙守本四川知縣李方慈朱家霖黃振坤白圻李道河兩淮鹽運大使許崇儒山西鹽運大使鹿煊世福建鹽運大使徐丙森俱照例發往刑部主事著桂蒞補授內閣中書著輯厚補授內閣中書德祿蕭立圭俱准其補授保舉陝西補用知縣袁鴻遠著照例用解餉官四川試用知縣吳鴻壽著俟補缺後以應升之缺升用欽此 十七日

上諭前據御史王誠義奏參陝西鹽改官運害鉅利徵及文武各員釀成重案各一摺當經諭令該督嚴查並將查明覆奏陝鹽改辦官運各種流弊自應即行停止仍口加口陝西候補直隸知州李顯誠暴虐商民欺騙鹽課儘先副將劉琦形同市儈縱勇殃民均著即行革職署按察使本任檢緝道嚴金清候補知縣王榮綬主持官運獲利病民均著交部嚴加議處以示懲儆該部知道欽此 二十日

時評

湘黔之形勢

柳州地勢西南俯臨象江東北為南嶺山脈盤結地東越靈容永福即達桂林東北越永甯義甯即達湖南西北越柳城懷遠即達貴州然義甯懷遠之間山脈互隔為湘粵各水所發源即分水今廣西會黨分竄湘黔者已垂貽陽縣屬之洪江則會黨與之聯絡必經此道已數百里入黔者復據永從縣屬之丙妹而靖州之地界湘黔二省之交使會黨東西夾擊則靖州必危靖州既危則會黨之西竄者可與台拱古田諸苗合而東向之師亦必歷沅州而陣靖州在此又必然之勢也嗚呼湘黔之交古稱苗裔窟宅近世以來若鄂爾泰改土歸流傳傳專征孺族皆費數年之兵力僅得削平而況近日之變亂又百倍於昔日者耶吾不知統兵諸公果有鄂爾泰傳其人否也

華人宜自辦路礦

近歲賣礦之事屢見雖政府與國民無有異辭而向有一二書生持空言驚翼以鳴於報紙之上白種人若曰是豈子難不足長然有一般輿論之反對或足以尼吾事因是比人欲辦上海至長沙南昌之鐵路嗟中國官紳出面向政府運動已則暗中附股包攬工程夫中國路礦中國人自辦之此二語甯非今日達識之士所持之最力者耶而白種人即以名義上之近似此二語者上昧政府之目下禁一般之輿論在彼持傀儡者立於幕後萬不至於跌足在彼傀儡方且睨高爾伊魏銘義而傲然曰中國路礦中國人自辦之矣噫嘻

全閩議設礦務總公司

時評

六十三

甲辰

聞閩省議立全閩礦務總公司。分爲南北二路。南路屬羅紳忠堯總理。北路屬何紳剛德總理。羅今已往南洋。招集閩商入股。此舉倘成。詎非福建之幸。雖然今日。礦務者欲誘飾世人之耳目。故不曰華洋合辦。而曰官辦紳辦。要之名目雖殊。其礦則一也。記者固不稔羅何二公爲何如。特以日來各地關於茲事之警報。既層見疊出。不能不爲之寒心。抑彼華紳礦約所售者。祇三府之礦耳。今全閩礦務既立總公司之名。安保無外人覬覦。求附股份。求攬工程。稍一不慎。是舉全閩而棄之。其責任當如何。二公勉旃。記者固不願吾言之中。

繳驗團械之繁苛

近聞粵省大憲。以各處興辦團練。請購軍械。流弊滋多。特飭由軍械局發給。而於槍上鐫明該團名字。並烙以華文號數。然後准領。其舊存槍械。則就近繳呈該處地方官。編號烙印。每月列册呈報一次。如有遺失。及用去彈藥。均須開列呈報。茲又通札各州縣。飭令各團局。將前領軍械。按月繳呈。該處地方官。按照號數。查驗一次。如數目相符。即行發還。倘號數不符。及遺失短少。均須嚴究。以杜流弊。夫大憲之飭辦鄉團。本期地方防堵之慎密也。而茲竟與賊匪以可乘之隙。何哉。按各處團防。地非一隅。局非一所。四鄉環布。其距城遠者。至百數十里不等。若必每月呈驗軍械一次。無論往返昇費。所耗不貲。設爲匪等偵知。乘虛抵隙。糾黨而來。又將何以禦之。吾所以不得不爲大局慮者。此也。

危哉遼西

自日俄戰爭以後。中國確指遼河以西。爲中立界限。而俄人要求外務部曰。如戰事緊急。請盡遼河以西。亦爲戰場。故今歲春初。俄人時率偏師。偶犯遼西中立地。及三月以後。俄人以遼陽爲重鎮。爲軍餉而以哈爾濱爲後援。統一兵力。固守遼東。而日俄戰場。又大抵在渾河太子河以東。去遼河尚遠。故遼西之地。得延旦夕之安。今遼陽已見陷矣。遼東俄軍避日。

人之尾。追勢必至。攔入遼西之地。而日人之進軍者。遂得以破壞中立。責中國及中國。以此舉責俄。則俄人且驚言曰。吾固言請畫遼西為戰地。嗟我政府。其奈之何。

禁止品不禁止乎

甲有一妻。見奪於乙。甲不能索。而丙爭之。丙之爭。非有私於甲也。亦利甲之妻而已。而甲則曰。我中立。我中立。乙丙亦曰。汝中立。汝中立。汝無左右袒。於是乙丙爭於甲之室。而甲室毀。乙逃入內。丙追辱之。甲不能救。而乙唾甲曰。汝不中立。汝實袒丙。而甲得罪乙。就甲室通電話於外。甲不能禁。而丙又唾甲曰。汝壞中立。汝實袒乙。而甲重得罪。嗚呼。甲乎。甲乎。殆幾成一過犯之人乎。然而乙丙之爭。方未艾也。丙則謂甲應德我。我當於甲室而放任其自由。乙亦謂甲固中立。丙既放任。則我亦將放任矣。於是甲且毀其室。喪其產。殲其軀。命而止。嗚呼。若中俄日之事。又何以異。夫煙臺日船既以禁止品入中立港。中立國禁止之。於法甚當。而又以非禁止品解免之。禁止非禁止。理大殊絕。而中立者。乃若是之混同焉。然則俄人又不將突起而詰責乎。無線電方撤去。而禁止品又獨免。縱政府不袒日。而袒日之證據。固昭昭若斯。一旦或俄執斯詞。以相詰。吾不知政府果操何術。以卻之。不能而俄且仿而行之。類於俄人在青島用華船裝載食物至旅順一事。去歲已見。將見詰問之詞。顯至而遼東半島之風雲。又當移於之。翠半島之間。則中立之局。破而瓜分之禍。成矣。嗚呼。可不懼乎。

銀行之交涉果何如

癸卯六月。俄人設立滿洲總督。乃要求於中國政府曰。華俄銀行之支店。以中國兵守護。其費用由華俄銀行支出。見第五條夫滿洲路礦。固守以俄兵者也。見庚子年條約何獨於銀行。而不然。蓋俄人之意。以為滿洲銀行。既歸中國兵守護。則中國之對銀行也。將盡保護之責任。既盡保護之責任。則凡與銀行有不利者。皆得以保護不力。責中國。以保護不力。責中國。則即

時評

銀行雖遭不測而其代價終可得償是不曾視中國為不取資之保險行矣然而試一問夫華俄銀行之支店而今果安往乎則既被占於日軍矣被占於日軍則俄人之對中國也不將據原約之文而責以保護銀行之不力乎夫至以保護不力責中國吾見中日俄之交涉將迭開而往昔不取資之保險行及今且因破壞而賠累矣烏乎不其慘歟

破壞學堂匪徒之何多

噫吾輩生今日之中國其真無一希望乎夫吾輩平昔所最希望者一曰地方自治一曰教育普及今無錫毀學之事尙無結果而廣安州又肇亂矣其拆毀學堂與無錫同吾等觀於此事而知中國之希望窮矣

一曰地方自治之無望夫文明各國悉有地方自治之規所謂地方自治者以此地之人斂此地之財辦此地之事而不經政府官吏之干涉者也中國人民不知公共之觀念故地方自治之基未能成立今無錫之楊模廣安之胡保常固熱心為地方辦事者也地方自治之基實萌於此乃成效甫著致釀破產傾家之禍我中國之人本無冒險之性質及觀於無錫廣安之事有不以楊胡為鑒者乎既以楊胡為鑒則其視地方之公益必不關休戚於其心而為地方辦事者愈鮮矣地方自治之基何以立乎此中國無可希望之一端也

一曰教育普及之無望夫教育普及以學校普設為基而學校普設必以籌款為基而地方所籌之款又必以商業為大宗此一定之公理也今廣安州之學界其程度未知若何然無錫學校甲於蘇省則固可希望教育普及者也乃聞辦數年竟罹慘厄則凡中國之興學校者必以無錫為前車之鑒而無敢籌地方之公款者矣夫籌款之策既窮則經費拮据學校安能成立此又興學之一大阻力也況無錫小民觀於無錫廣安之暴動以抗捐為憤習尤而效之將奈之何此誠中國今日之隱憂矣此又中國無可希望之一端也

學生招赴雲南

潮陽某教堂設英法文學堂。教法極捷。茲聞有法人某。招該堂學生數十人往雲南。隨其敷設鐵路。或作通事寫字不等。其識法文者。每月有八十金。其識英文者。有四十金。一時學生趨之若鶩。中國學生。然中國不自教之。而教於外人。業可恥矣。乃既教之後。又適為彼用。為學生者。或重金。主義往往甘心作賊。而不自知。噫。豈非司教者之過歟。

教會興學

溫州官辦學校。本有府縣中小學堂二區。府學堂中西並授。縣學堂則祇課中文。程度均甚低。而管理尤不能熱心辦事。英監督會蘇教士。在溫已三十餘年。究心中國時事。於華人教育。尤為注意。特向海外募集鉅資。在溫北門內火神廟前。建造西式大廈。設立藝文大學堂。已於今春開校。內學生一百餘名。爰於暑假時。函託上海廣學會李提摩太。代聘其會內翻譯王君至溫。襄理學務。兼任英文副總教習。夫中國近年以來。外邦人士。多在中國興學。而以教會為尤甚。然觀其所造人才。大抵以教徒為最衆。即有一二稍有智識者。亦大抵濡染西人風習。日以媚外為事。不知愛國為何物。則所造人才。亦僅供外人使用而已。於我國果何益乎。

遼陽附近之形勢

日本之取遼陽也。其進兵之路甚多。今舉其最著者言之。一為遼陽東南之師。一為遼陽西南之師。其由西南進者。大抵由海城前進。由蘇馬台至鞍山店。復由鞍山店至沙河。是為西南進兵之正路。其西南之偏師。後分二隊。一由大西溝西行。一依上石橋東面西行。西北至七岑子。兩軍復合。又由關軍台潘家爐西北行。至於沙河。以與正隊相合。復分兩師。一由大西溝西行。一依上石橋東面西行。西北至七岑子。兩軍復合。又由關軍台潘家爐西北行。至於沙河。以與正隊相合。而至遼陽。是為遼陽西南之師。其由東南進者。亦分為數路。一由二道河西北行。以至太子河西南。一由寒坡嶺附近西

時評

六十七

甲辰

行。一由弓張嶺附近西北行。越七盤嶺。一由高峯寺附近東北行。至大安平附近地方。三軍復合。向西北行。至太子河西南。又與二道河之軍相合。前進而抵遼陽。是爲遼陽東南之師。今遼陽既失。日軍渡太子河。進逼奉天。其進兵之程。大抵在渾河以西。沿俄人路軌之道。而奉天以南。俄無堅壘。此皆遼陽附近之形勢也。古語有云。知彼知此。百戰百勝。其日占遼東之謂乎。

韓國延聘顧問官

韓國者。日本人之韓國也。此斷案殆毫無疑義。半月以來。屢聞韓與日本交涉。延聘顧問一事。其財政顧問官爲日本人。其外交顧問官爲美人云。吾輩不能無些須疑問。謂日本何故尙肯分韓廷勢力之一部分於日本人以外之國民耶。乃直至今日。其所聘顧問官之姓名已發表。其財政顧問。則日本現任大藏省之稅局長。目賀田種太郎也。其外交顧問。則現任美京日本公使館參贊官。美人士的溫也。士的溫者。一白色之日本人也。奇哉。

日韓新約

日本與韓國新定特別約。謂日本公使欲見韓皇。隨時入見。不得推託謝客云。吾謂此約。猶不免稍貶韓皇之身分。何不直捷了當。結約曰。日本公使欲見韓皇。隨時召喚。韓皇當不俟駕而行耶。

內務

論江督與湖南人之關係 錄七月二十五日中外日報

金陵雖光復於湘軍之手。然曾文正在時。並非湖南人。不可督兩江之說。文正未薨前。馬端愍嘗爲之。其後沈文肅又嘗爲之。馬、荷澤人。沈侯官人也。皆非湖南人。馬到任未久。以被刺死。且蒙惡聲。然其死也。因其箇人之事。而與其官無涉。若沈則久於其位。兩江之官吏士庶。悉敬憚之。至於今無異言。江督亦何必皆湖南人哉。此說之起。大約起於曾忠襄之再任兩江時。其時忠襄春秋已高。初無意於政治。而左右近習。因緣故舊。各自爲憑。城穴社之謀。忠襄不能止也。其時又適哥老會等。有蠢動之勢。斯時漸有非湖南人不能督兩江之說。是殆蟠踞把持者之巧術耳。及曾忠襄薨逝。劉忠誠繼之。非湖南人不可爲江督之說。漸成定論。而其流弊亦以漸著。甚至朝命之下。督臣初不自知。皆同鄉人集資以賄得之。然此尤非大病。大病在朝廷既以江督爲非湖南人。不可而湖南人中。又非從軍務出身者。不可然軍興事遠。湖南之元氣精神。如胡文忠、李忠武、江忠烈等。其死最早。同光之際。數十年。其分茅土秉節鉞者。已其中。駟至於近日。并下駟亦不可得矣。於不可得之中。而必欲得之。於

是。遂。有。非。其。材。而。強。授。之。者。本。係。庸。材。一。也。年。已。垂。暮。二。也。成。見。在。先。三。也。勉。徇。羈。情。四。也。此。數。病。者。劉。忠。誠。在。時。已。顯。著。矣。忠。誠。已。往。湘。軍。中。人。物。實。已。無。可。用。者。惟。午。帥。曾。及。侍。楊。石。泉。制。府。其。後。又。曾。侍。左。文。肅。遂。以。兩。江。界。之。而。非。其。宜。也。年。餘。之。間。中。外。人。士。嘖。有。煩。言。午。帥。遂。終。不。安。其。位。而。去。天。下。皆。以。爲。午。帥。不。能。勝。此。任。竊。謂。今。日。之。局。不。能。全。歸。獄。於。午。帥。蓋。兩。江。吏。治。自。沈。文。肅。逝。後。卽。已。叢。脞。積。極。而。至。今。日。發。之。其。弊。遂。以。大。顯。午。帥。固。非。其。人。然。平。心。論。之。以。江。督。副。王。之。重。任。今。日。一。二。品。大。臣。中。誰。足。勝。其。任。者。耶。今。幸。而。湘。軍。中。人。碩。果。僅。存。尙。有。一。李。勉。帥。曾。侍。曾。文。正。勉。帥。之。材。優。於。午。帥。矣。而。其。齒。則。又。加。於。午。帥。且。以。好。飲。聞。天。下。時。事。之。艱。十。倍。於。曾。文。正。時。人。材。之。下。亦。十。倍。於。曾。文。正。時。嗚。嗚。之。望。恐。未。易。副。也。不。甯。惟。是。江。督。既。非。湖。南。人。不。可。若。勉。帥。聽。明。壽。考。如。召。公。之。年。則。事。誠。大。善。脫。有。所。患。苦。或。以。他。事。引。去。則。循。例。而。督。兩。江。者。有。二。人。焉。一。王。灼。堂。中。丞。彭。剛。直。之。舊。部。也。一。聶。仲。芳。中。丞。曾。文。正。之。愛。壻。也。皆。有。爲。江。督。之。資。者。也。若。二。公。而。爲。江。督。中。國。當。何。如。哉。今。日。之。局。蓋。非。曾。文。正。所。能。料。及。矣。

論書吏之必當裁革 錄八月初三日同文滬報

中國書吏之弊。千百年來。至今日而已極。固夫人而能知之。其必當裁革。亦夫人而能言之。

矣。頃者中朝念時事之多艱。痛國勢之日非。慨然有志於變法。思有以去其舊染。咸與維新。亦嘗念及於此。而圖所以祛除之。因特頒明詔。極言書吏之弊。通飭京外各衙門。令即裁革。顧京外各衙門。意存觀望。奉行不力。僅擇掛名頂卯。無關緊要之徒。革撤三數人。以掩飾耳目。敷衍塞責者有之。名為裁革。另行招考書手。而其所招考。仍屬書吏者有之。竟藐視朝廷。置明詔於不顧。仍復倚任書吏。并不裁革者亦有之。即京師六部衙門。以論旨嚴切。耳目太近。不能不稍有舉動。以副上意。亦嘗張皇其事。一若真行裁革也者。至進而推求其實。則或擇掛名頂卯。無關緊要之徒。裁革三數人。以掩飾耳目。敷衍塞責。或名為裁革。另行招考書手。其所招考。仍屬書吏。一如其他各衙門。自是以來。大猾巨蠹。仍得盤踞當路。肆其舞文弄法。作奸犯科之手段。貪婪無厭。彼以為吾儕本奉旨裁革。而各官吏仍復用之。已自蹈徇私違旨之咎。即有過失。各官吏必為容隱。斷不敢公然究辦。以自取罪戾。於是其膽愈大。其氣愈熾。其心愈狠。其手愈辣。跋扈恣肆。悍然無復絲豪之顧忌。而其中尤以部吏為尤甚。凡自京中來者。類能言之。各官吏雖悔恨之。而末如之何。至各官吏初時之所以因循從事。為之優容。而不肯認真裁革。一舉而摧陷廓清之者。則亦有故。或受情託。或受賄囑。瞻徇其間。不克自主。即或有能免於情託賄囑之二端者。則又以積年以來。所有公事。皆倚

辦於若輩。一旦去之。如失左右手。殆將無措。因不免心懷顧念。不敢遽裁。而不料其根株深固。萌芽復發。貽害流毒。一至此甚也。近者兵部尙書長大司馬。整頓部務。不遺餘力。而於裁革書吏一事。尤爲著意。初本欲於裁革書吏之後。即令司員分辦公事。乃書吏既經裁撤。而各司員於部中公事。平時漫不經心。一旦接辦。茫無頭緒。紛紛擾擾。貽誤良多。於是乃有復爲調停之說者。謂宜仍舊姑用書吏。使司員從而學習。一俟司員學習既熟。足以自辦。再將書吏裁革云云。長大司馬頗以爲然。擬仍招回書吏二十名。而衆書吏聯盟要挾。謂用必全用。且須擔保。以後永不裁革。始能應招云云。該部進退維谷。至今此事迄未決定。吏部前聞兵部所爲。意亦欲倣而行之。認真裁革。今見其爲難情形。已寢其議。近日竟有某侍御。以兵部裁革書吏太苛。公事諸多錯誤等語。具摺奏參。說者謂此即書吏之所指使。理或然也。然書吏之弊。今日已極。裁革之舉。實不容再緩。即使各官吏於公事未能熟練。不免爲難於一時。然事在人爲。研習勤求。終有熟練之一日。其爲利賴。且無涯涘也。當事者其堅持之。勿爲浮議所動。必使裁革之舉。克底於成。則中國之幸矣。

地方自治政論 錄八月二十一日時報

今世之稍具國家觀念者。蓋莫不知國家者。非君主一家之私物。而凡具箇人之資格者。皆

含有國家之一分子者也。故欲強其國家者，必非藉少數豪傑英武強毅之威力，而必恃有多數團體整齊嚴肅之精神。由前之說，舉一國之義務，悉待理於一二二人，此一二人賢且聖，則其國治而其人亡，則政息焉。若是者，謂之人治。中國四千年之歷史，多用之。由後之說，舉一國之義務，分任之於一國之人，而君若相第操司法之權於億兆之上，期與此多數之團體同受保護於法律之下，則雖其人亡而政亦不變。若是者，謂之法治。國近世紀泰西各大國通行之人治國，其流弊為專制法治國，其結果為立憲。

數月以前，吾政府亦曾有擬行立憲政體之集議矣。而憂時之士，羣以吾國之羣治不進，去立憲時代猶遠，味味行之，或至於凌躡淆亂，不可收拾。即本報亦嘗言之。於是地方自治之說，遂為吾人視線之所集，而羣謀之所同。蓋救今日之中國，如變法如維新如復海軍如興學校，蓋已成爲泡影之空相，無論不能實行，即行之亦常有不及之勢矣。然則舍地方自治之外，誠何以哉？誠何以哉？今請言其求爲地方自治不可少之要素如左。

地方自治之解釋，蓋欲一國之人，各各能自立，各各盡其國家之一分子之義務也。然而吾國人數，號四萬萬，而纖弱纏足之女子，去其半，其餘二萬萬，羸瘠吸煙之病夫，又去其半，自餘乞丐盜賊僧道執袴子弟土豪鄉紳廢疾罪人優伎之類，逋羣之負者，又去其十之二三。

焉。而其餘利羣而不害羣。於四萬萬之中。殆不及十分之一耳。今欲反弱爲強。宜用何法。曰。一宜研究衛生學也。吾國貧弱之故。坐受纏足吸煙之兩大惡因。而所以致此惡因者。則由於不知衛生之學也。其餘如所云乞丐等。通羣之負者。大抵皆受其第二之毒者也。今與之研究衛生之功用。使其癥結之所在。而痛懲之。否則用強逼之法。以威劫之。若纏足之毒。則近且稍爲女流社會所痛恨。而謝絕之矣。此兩害除而地方自治之基礎以立。由是進而與之言體育之事。凡所謂生理全體之書。解剖化分之學。無不研究焉。飲食之多寡。衣服之尺度。居宅之面積。工作之久暫。無不釐定規則焉。而又防疫也有法。育嬰也有法。保產也有法。務使吾國民有康強堅固之體質。而後有活潑進取之精神。否則形神頹喪。塊然軀殼。女性淫淫。鬼氣陰陰。一歲之中。饑寒水火疾疫盜賊之不保其生命者。又不知凡幾。即與以埃田之樂園。摩西之天國。且不能一朝居。奚暇淬厲神智。組織政體。而爲一羣謀幸福哉。故竊謂求地方自治。必以研究衛生之學爲第一義者。此也。

署四川總督錫奏請將萬縣清溪縣兩缺繁簡互換摺

竊查定例大小各缺繁簡不符隨時酌改如丞倅牧令之缺應請改繁者即於丞倅牧令缺內改簡互換等語查夔州府屬之萬縣濱臨大江又爲溯流入川舍舟登陸之處然往者帆

檣直趨於巴渝行旅之取道小川北者尙少該縣政務並無棘手故定爲衝繁中簡缺雅州府屬之清溪縣雍正八年設縣其時番黎歸附初經改流該縣扼西南兩路之衝故定爲衝繁題調邊要自江海咸通輪船入蜀者水則變丞陸則宜利而萬縣適爲舟車薈萃之區洋人往來日形絡繹中英商約又列在通商口岸之內以後開成商埠交涉愈繁川漢鐵路興工尤以該縣爲轉輸之要地奴才去年到任道經該縣親見其政務繁重訟獄紛紛因署該縣事之准補雲陽縣知縣汪賁之措置裕如特請與准補該縣之周吉雲互相調補然調員者一時之計以此劇邑將來恐較巴縣更有過之川省其餘各屬皆所不逮若仍作選缺按班敘補無以收爲地擇人之效中外關係甚重不無貽誤之虞擬仿福建福州府福防同知湖北漢陽府夏口同知等例均因洋務改爲三四字要缺請將萬縣改爲衝繁難三字要缺以後缺出由外揀補定例應以一缺改簡清溪縣距西路之打箭鑪廳南路之越雋廳均各五站不惟越夷與之遙隔而徼內外番夷悉歸鑪廳撫馭昔以清溪爲邊者今則腹矣民馴政簡中材足以治之擬請改爲衝繁簡缺謹 奏

吉林將軍富等會奏請將旗民田畝清丈升科暫行停辦摺

竊照吉省自庚子亂後餉乏來源用度繁鉅經前任將軍長順於光緒二十八年正月間奏

請將旗民地畝一律清丈升科并勸放零荒以裨餉需欽奉 諭旨照准設局以來所有荒段業已將次報勘完竣惟清丈一事至爲繁重而自慘遭兵燹以來民生彫敝已極辦理諸形窒礙奴才富順到任正在飭催趕辦間茲據省城十旗協參領會同戶司吉林府暨清賦於荒總局等會銜稟稱恭讀邸鈔光緒二十九年十月二十三日奉 上諭翰林院侍讀學士懌毓鼎御史左紹佐奏清丈地畝未可遽行各一摺前經商部奏請通飭振興商務會諭令各將軍督撫嚴飭地方官認真稽查極力講求并未飭令清丈致涉繁擾朝廷體卹民艱首以不擾閭閻爲第一要義著各將軍督撫妥籌辦理毋稍貽誤但將官荒切實釐剔清楚派委廉能州縣確實稽查勿爲民害是爲至要欽此仰見 聖恩優渥愛育元元於籌濟時艱之中仍寓與民休息之意跪誦之下欽感同深惟查清丈田地從來爲動衆擾民之事其事繁人衆流弊滋多即各書手算手委員跟役車價盤費住宿公館丈地繩弓紙張筆墨一切必需之費雖取給於公照費不准別滋需索而司員人役賢愚不等設有擾累小民膏血幾何奚堪受此剝削加以里長胥役因緣爲奸妄舉妄告小民畏懼行賄劣紳土棍把持串索種種擾害不勝枚舉所以清丈易於滋弊歷有明證況吉省自庚子變亂五年於茲閭閻困苦伏莽尙多近又值日俄交兵人心惶恐震動卽加意撫綏猶恐渙散若再清丈田地經

年煩擾小民更何以安生倘奸民藉端與賊匪勾結別滋不虞不惟與事無濟且與大局甚有關礙是以擬請緩輯地面除勒放官荒仍當核實辦理所有旗地畝清賦升科之舉仍應一律停辦以固人心等情會請具奏前來奴才等查吉林邊地苦寒土脈瘠薄從前旗民開墾熟地半多山坡窪甸中稔之年一歲播種之用除照章交納官租錢糧之外所獲糧石僅敷室家糊口若稍逢災歉卽不免凍餒之虞庚子變亂土匪到處擾害旗民各戶日不聊生前將軍長順本因帑藏支絀爲此就地籌餉之謀惟現在人心惶惶播種失時該協參領司局所稟地方凋敝若再派令履畝清丈擾累愈甚各節尙屬實在情形不得不權衡利害合無仰懇 天恩伏念吉林地方困苦已深除官荒仍飭妥爲勒放其旗民田地清賦升科之舉可否暫行停辦以紓民困而固人心一俟大局平定民間元氣稍復再將通省舊有旗民租賦之地派委妥員勘丈酌核辦理之處伏候 諭旨遵行謹 奏

陝西巡撫升奏請 敕吏部核議特科人員補缺班次片

再據署布政使樊增祥署按察使嚴金清會詳特科試用知縣蔡寶善稟稱現年三十六歲浙江德清縣人由增生中式光緒二十八年補行庚子辛丑恩正併科本省鄉試第五十九名舉人是年十二月管理大學堂事務大臣吏部尙書張百熙奏保經濟特科二十九年閏

內務

一百十四

九月

五月十六日恭應 召試蒙欽取二等第十七名二十七日恭應覆試蒙 欽取二等第九名六月初十日引 見奉 上諭舉人蔡寶善著以知縣分省試用欽此經吏部簽掣陝西八月初一日領照起程三十年二月初三日到省繳照查新舊補缺章程並無議及特科人員補缺明文稟懇轉詳明定補缺班次等情由該署司等公同核議經濟特科奉 旨係仿康熙乾隆年間博學鴻詞之制 殿廷召試擢用宜優此次邀 恩取中人員奉 旨外用知縣到省而後如遇出有題調要缺似應開列在即用之前與候補班及候補本班人員酌量請補以重 特恩而示區別等情詳請 奏咨前來相應據情奏請 飭下吏部核議示覆俾有遵循謹 奏

署漕運總督陸飭淮揚道議覆歸併局所裁冗員浮費札

照得本月十九日准吏部咨光緒三十年五月二十七日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨現在物力維艱自應力除冗濫以資整頓前已迭降 諭旨飭裁冗員浮費而內外因循瞻顧未能實力奉行茲特嚴申誥誡樹之風聲所有粵海關淮安關兩監督著即行裁撤其粵海關一切事務著歸兩廣總督管理切實整頓江甯蘇州兩織造同在一省著即將江甯織造裁撤凡京外各項差缺有應行裁汰歸併

者著各部堂官及各省將軍督撫破除情面認真釐剔奏明裁併以節虛糜而昭核實等因欽此當經札飭分別移行知照在案又於本月二十七日奉兩江總督部堂咨本年五月二十八日奉 上諭欽奉 皇太后懿旨各省督撫各就本省財力實心籌措外銷之款核實騰挪中飽之數從嚴釐剔歸併局所裁汰冗員清提陋規力除糜費以資挹注每年勻出的款若干以爲練兵之用不得僅據屬吏詳報任聽局員之把持多留優差優缺調濟屬員地步現在時艱日棘除寬籌的款迅練勁兵實無救急之策並將籌辦情形限一月內具奏等因欽此當經遵 旨分飭司道各局切實查議詳覆去後茲據甯藩司分別開單呈核前來本部堂先就省垣各局所逐加察核權衡繁簡分別裁併札飭遵辦在案茲查省外各局如稽查海贛商業公捐局卽應裁撤責成海州查禁米糧私運出洋其報運出洋著仍遵照定章按數石數填發聯票不准稍有隱匿所收捐項按月解赴金陵籌防局兌收候撥所有捐照項下應分給各項用款仍查照贛道前此酌議條款由司移催淮揚道就近督同該州逐款確核覆司詳辦此項捐照收數甚鉅必須涓滴歸公倘敢隱匿中飽定予參處贛榆縣所進出貨船之號費前據贛道稟准每月提繳捐錢六百千文仍應責令該縣照解籌防局以裕公款不得缺少江北查禁私運局並應裁撤責成該地方官嚴密查禁偷運米糧出

口如有得規縱放情弊吏則提究官則嚴參兩局每年共約節省經費若干由司核明彙案詳報以憑覆奏等因准此當此時艱孔棘 朝廷屢申誥誡自應一體欽遵辦理查清江各局所均係遴派專員分別辦理而以淮揚海道總其成歷年已久凡事皆有定章較初辦時情形迥異所有各局所何處可裁何處可併各委員薪水等應如何核減道屬之冗員浮費恐亦在所不免均應破除情面認真裁汰開單呈閱以昭核實此札

福建布政司周詳定安置閑員章程

一定名數通省府廳州縣各班辦理稅釐局卡凡用司事二名參派佐雜一人其向用司事三名以上者均參派佐雜二人於釐差委定後由局一并給諭派往月間應給薪水火食即照該局卡冊報銀數按名支給報銷該委員不得減給勻分俾沾實惠 一核名實稅釐局從前定章程佐雜派充司事許得差之員自行擇選此係徒託空言如該佐雜素鮮交游轉嘆機緣難遇今將所有候補佐雜造冊移局存核遇有應派司事位置即合八品上下兩班統爲核計按到省先後依次輪派以免偏枯如輪至應派之員不願充當准其赴局報明註册作爲輪派遇缺另由局改派其次之員俾昭公允 一定輪次佐雜釐差向以八品上下兩班互相輪委則八品以上人數較少得差較速佐雜署缺向以八品上下分班委用則府

經縣丞缺分無幾八品人員得缺較遲以差缺難易兼權彼此尙屬相等今無論八品以上八品以下如輪屆派充司事之時適該員輪委差缺亦將到班查其名列五名以前者均應暫扣輪委仍俟該員交卸差缺回省之後赴局報明於交卸之日起扣足半年再行入輪補派以免參差 一廣疏通各府州廳縣收發稿簽事件多用門丁今擬通飭各屬改用佐雜人員名爲簽記官繁缺用二員簡缺用一員凡署中收發呈詞案牘一切事宜概歸該佐雜經理每月每員由該印官捐給薪水銀二十元此項簽記官應以明白公事者承充飭由該府州廳縣於奉文後各舉所知報明自行邀往承辦以防濫等 一定限期佐雜人員輪派司事到班如遇停委差缺期內暫不停派派往以後自與該局卡委員同爲期滿如該委員尙未屆時或有事故或調差另須委員接辦者該司事佐雜應與蟬聯俟接辦之員期滿時再行一併更換其因聯辦而多歷月日此非常有之事應免核扣以示體恤 一定權限此項派充司事之佐雜到局到卡後派司何事應候委員主裁該佐雜即以司事應盡之務循分爲之不准干涉委員分內之事倘有從中舞弊亦准由該委員隨時稟請撤回如該佐雜因與委員挾嫌藉端訐稟者除將該佐雜撤辦停委外並將原稟之案不准行該局卡應征稅釐比較分數如有短征亦自與該佐雜無涉各府州廳縣邀司簽記之佐雜月間既有捐

內務

一百十七

甲辰

給薪水應由該印官隨時考察凡收受民詞征收錢糧稅契一切皆不許私索陋規如有弊端該印官應即辭退報明另邀以杜朦混倘有心徇庇遇有告發即行查究以肅官常

各省內務彙誌

各省 中國人口四萬萬已為常談今據威海衛之美國貿易事務官於癸卯年十二月調查實數如下中國本部四零七七三五五人滿洲八五零零零零人蒙古三三五四零零零人西藏六四三零零零零人中國土耳其斯坦四二六零零零人合計四百二十六兆四萬四千七百三十五人

京師 前奉 旨通飭各省令於每年分門列表將地方歲入歲出之款及刑命之案若干件已結者若干未結者若干詳細具奏以察下情茲聞鄂督張制軍先創擬圖表格式通飭各屬遵照填寫並由上司選派公正幹員不時往各屬查考所填表中之事是否確實六月初張制軍已將此項情形密奏而政府即將原奏抄寄各省一律酌照辦理除粵督岑制軍暨某督另擬辦法外其餘各省多半照辦 政務處近日遵 旨會議前署鄂督端制軍請獎武備學堂教習委員一摺議得該署將除請獎勵畢業生外其單開之教習委員等尚有十七員為數較多嗣後各省武備學堂應俟學生畢業六七十人咨送到京考驗相符方准將在事人員請獎每案文武各員不得逾十六員之數其尤為出力者准照異常勞績酌保二三員此次所有請獎之教習等員應俟該學生考驗後即照新章覈給獎叙 吏部戶部現均設收發處遠通達文理筆帖式十人為之來往文件均由該處出入不復經書吏之手聞各部皆擬仿辦 兵部現設派辦處凡各司之事均須由派辦處核準方能呈堂其總辦各員皆選會上條陳之足探者充之又新定章程數十條不日即將奏聞刑部改訂刑律添入報律一門又以近日新書日多爭鳴異說除商部定准版權新例外並參照泰西通行法律另增編

輯書籍新律

山東 山東膠州本係沿海要缺近因德國租借膠澳開辦膠濟鐵路尤為交涉繁重之區現鐵路已通濟南其本管之萊州府轉遠其北故魯撫周中丞奏請將膠州改為直隸州以附近即墨高密兩縣隸之遇有交涉及地方事件均歸該直隸州承轉片交政務處議奏即經會同吏部議准所有膠州原設州同一缺亦當改為直隸州州同登萊青道并應改為登萊青膠道 山東濟南府同知前經撫帥奏准移駐濰口兼管河務茲悉現任此缺之黃司馬篤瓊業已移駐濰口江蘇 蘇撫端中丞蒞蘇後首將代書裁去茲悉全省居民未盡周知及以後或未能永以為例故另頒章程發房立案畧云一本轄代人繕寫上控稟詞之人每以婪索為事除飭蘇府毋庸考送外並將代書名目永遠革除一各屬居民如有冤抑上控准即自行繕寫正副兩套不必遵照狀式亦不必購取狀格填寫一按日委收呈專員兩人上午自六點鐘時至十一點鐘起至下午六點鐘止常川在收呈公所收閱稟詞一投呈稟詞不須花費錢文除嚴加約束外如有胥吏需索准即指名稟究決不寬貸云 甯垣裁併局所一案聞江督魏制軍現又詳細查察各局情形知有未能裁併者擬再加斟酌而工程局總辦朱子涵觀察亦首先詣轅陳說以該局在甯專管馬路一切事宜現正興修添築事務殷繁礙難撤去制軍遂諭觀察照舊辦理並擬將巡警併歸該局兼辦而將保甲局撤去又派辦處司道奉札後亦晉謁稟商以該處係行新政總匯之區各省均照添設近來所頒各新政 上諭司道等正待會商若果撤裁不知者必誤以為停辦新政似宜將他局所併該處辦理以省經費制軍聞悉情形已不欲裁併另擬將房產捐局或支應局酌裁一二處歸入派辦處兼辦餘如銀元局擬歸督轅釐捐局擬歸藩署將報館處撤去云

安徽 省城警察近由臬司廉廉訪查悉該弁勇一切情形大為震怒一面申飭巡弁懲處巡勇一面委派某二尹前赴

內務

一百十九

甲辰

湖北抄取章程以冀整頓改良

江西 江西各屬近有所謂練團會者初時不過乞丐藉此結黨或尋特強索討繼而無知良民及小康之戶亦相率被脅入會藉免若輩滋擾因而愈聚愈多蔓延各區擅立老大頭肩二肩通天老大洋盤老大等項名目恃衆橫行毫無忌憚受卯年清江縣竟致釀成劫獄巨案而新淦縣邑既連清喻初來只在鄉僻小村厥後勢益猖狂竟有預數十餘日宰猪數十隻之事苛斂錢物鄉民不勝其擾故經新淦縣出示剴切諭禁並開自今示後如有被脅入會之人若能悔悟改惡從善儘可赴縣呈明自首自當寬其既往倘或執迷不悟一經訪聞或被告發准由鄉團紳民緝送刑案依法懲辦決不稍事寬貸云 贛州保甲局向由本府督飭自江饒昌觀察到任後改名巡保核減經費及夏中亦有通飭各屬興辦警察之諭臬司陳履訪函致江君囑即另易名目一切章程仍遵前法近又特委贛州府查太守督辦刻已日夜巡邏大致粗具云

浙江 浙江撫藩二憲遵 旨密議裁缺茲將議裁各缺臚列如下杭州府通判乍浦理事同知溫州府何知布照磨按司獄杭州府知事杭州府照磨城中務大使仁和錢塘嘉興秀水平湖五縣主簿嘉興紹興衢州三府經歷烏程長興三化三縣縣丞鄞江巡檢十一府學訓導新城於潛昌化武康孝豐奉化新昌嶧縣象山太平甯海天台仙居永康武義浦江湯溪江山常山開化壽昌桐廬分水樂清瑞安平陽泰順青田松陽遂昌雲和龍泉慶元景甯宣平等三十五縣學教諭仁和錢塘海甯富陽餘杭臨安嘉興秀水嘉善海鹽平湖石門桐鄉歸安烏程長興德清安吉鄞縣慈谿鎮海定海山陰會稽蕭山諸暨餘姚上虞臨海黃巖金華蘭谿東陽義烏西安龍游建德瑞安遂安永嘉玉環麗水縉雲四十三廳州縣儒學訓導 紹興府熊再青太守訪聞山陰縣差潘榮與其父潘繼林等均充山邑頭役所用散役白役多至數百名

遇案訛索魚肉鄉民開賭包娼無惡不作請從嚴懲辦等情稟奉藩憲翁方伯批謂縣役如此兇橫實為法無可貸既經該府提案訊辦仰即招告激訊按律從嚴究辦通詳察憲並行所屬各縣務將散役白役名目永遠禁革以安地方
湖北 奉 旨裁缺事在必行聞鄂督張宮保議定辦法糧道一缺及同城同知通判府經歷縣丞司道首領俱在必裁之列擬即入奏 漢陽保甲總局何大令會同漢陽縣馮大令籌議郡城內外清道章程十條摺呈府會詳核均屬妥協即飭照辦刻已出示曉諭定於七月初一日為始按照章程開辦

四川 川藩許方伯以暫差溢額弊竇滋多設法裁汰并稟川督立案通飭各屬一體仿照

廣東 嘉應黃紳陳章張紳寶度等近約紳耆倡立衛生會勸戒未吸鴉片之人永不吸煙為宗旨已擬設畧一疏稟擬十八條稟請州牧秦刺史出示曉諭暫借典文祠為會所定期七月二十日開會演說自後每屆二十日即為會期
九龍廣州灣兩地租借於英法二國後原設之新安縣九龍司巡檢則遷移於合浦縣之團洲墩地方歸併合浦縣管轄易名為團洲墩再原設之吳川縣團洲司巡檢則遷移於該縣之塘墩地方仍歸吳川縣管轄易名為塘墩司原設之遂寧縣橫川司巡檢則遷移於電白縣之水東地方歸併電白縣管轄易名為水東司其改建原由均經前督議定一奏准並以庫款支補應俟稍裕再行建置衙署暫准租賃民房作為公所每月每所具領前赴藩署請發洋銀十兩以作租佈

各國內務彙誌

日本 一千八百九十三年日本人民共有四十一兆四億八萬八千三百十三名去年則有四十六兆三億零四千九百九十九名此十年間已增多四兆九億二萬六千六百八十六名以臺灣人民合計之則日本人民共有四十九兆三億八萬七千四百零三名

俄國 七月十四日露透電俄國太子頓洗之期俄皇發上諭將平常刑罰減輕諸國事犯除得有謀殺之罪外必將大赦平民之肉刑與海陸兵士首次犯罪之肉刑概行刪除各種多餘之稅項全行退還又以盧布三兆給與未得土地之芬蘭人芬蘭人抵抗招兵之律與猶太人不允充兵之事概行刪除其罰且於遠東從軍陣亡者之孤兒皆由俄皇給費教養 波蘭著名美人眉里撒斯伊專門精神病醫某君之女也嘗於格倫斯達特地方謀殺俄帝被捕聞其所以謀殺之故蓋以俄帝為擾亂平和之罪人也或云其情人以國事犯被戮故為復讐但現在忽有俄帝勅命特赦其罪不知何故 俄太后管束俄皇甚為嚴切故俄皇一舉一動皆須稟命而行不敢擅專嘗俄前皇亞歷山大第三未薨時太后寤處深宮於國政上未嘗有一毫關涉乃殞居以後忽擅竊大柄且性極頑固好泥守古法視新政如讎寇於今皇后尤為忌惡甚至頃其永不生子因見無隙可抵遂造作蜚語謂俄后表同心於英國以中傷之

英國 英國前任印度總督寇仁仍任前職

美國 一千九百年轉香山人民連土人及雜種合算祇有三萬七千六百三十五名較之五十年前約減少一半其故因該處土人氣稟薄弱所生小兒多致夭折即中年之人亦多患勞瘵損怯等病以致戶口日漸彫敝在一千八百五十三年其土人共有七萬至一千九百年則減至二萬以下惟雜種之人則較土人為強其間分為兩種一為高架索種一為中國種皆娶該處土人而生者兩種中以中國種為強近年來雜種日多者因土人之通婚於客民者亦日多故也按該處人丁册在一千八百七十二年雜種人不過一千四百八十七名至一千八百八十四年則增至四千二百十八名一千九百年又增至七千八百四十八名欲知土人減少與雜種增添之故即就學堂中之學生觀之已可概見考土人二萬九千七百八十七人中其入學之幼孩不過四千九百零三人雜種人七千八百四十八人中其入學之幼孩多至二千八百六十九名就兩者比較則雜種之小孩幾多土人一半再易二三傳種之士人竊恐漸有所遺矣

軍事

論用兵宜選土著 錄七月二十八日天津日日新聞

廣西之亂。閱時已三四年。調兵徧五六省。餉項糜數百萬。而遷延至今。毫無起色。轉益滋蔓。難圖者。則何也。以匪皆土著。兵多客籍。又東。召西。募草率成軍。往往千里間。難以直達。即達矣。而以精疲力倦之身。當形格勢禁之地。彼主我客。彼逸我勞。故我甫起也。彼已羣伏。彼四出也。我難深入。狙伺而鼠竄。彼足困我。我終不能制彼。此西事之所以辦理棘手也。然則欲平匪患。冀不稽時逾年。又不勞師轉餉。果將何法之從。曰。是不難。有近人某。選用土著之說。在彼之言曰。匪用兵之難。選與養之實難。養不得其道。患無以禦。寇選不得其人。是亦寇而已矣。今欲慎選與養之制。必用土著。以守其祖宗墳墓。合力奮戰於鄉閭。長養之地。則其勢甚審。且兵者名也。一兵即有一兵之效。名所從生之形也。形生名而名還以正乎形。一兵即有一兵之效。積而千。而萬猶一兵也。而效則千萬。效著而兵可以寡。兵寡效著。可以應卒。可以應泛。於是。有往來。有彼此。有分合。有奇正。有縱橫。有經緯。備成章。恢恢之網。彌布宇內。相助相救。如神龍之不可測。如此。而兵亦可漸令歸農。於是兵減農多。武備用節矣。是說

也得上古寓兵於農之遺意亦即歐洲民兵之良法中國誠采而用之夫何至有廣西之患又何至有患難平如今日之狼狽不堪乎猶憶己亥歲慮綠旗制兵之不足恃曾創爲各州縣精練壯兵之議擬上當道其辦法係大縣二百名中縣二百名小縣一百名縣自爲選州自爲練就地籌款就省延師分其責於牧令總其權於道府一處有警則調近處數州縣之壯兵以助之而又嚴保甲以清其源練鄉團以濟其窮非但弭患無形也即令禍機猝發亦可隨起隨滅使匪黨不至鈎連養成羽翼蓋壯兵者卽地方之良民而籍爲兵者也州縣於此無事之秋可資其力以緝捕盜賊多事之際更賴其羣以掃盪巢穴彼既生斯長斯聚於斯各有天良卽各有顧念縱或不爲官計獨不爲父母妻子計乎不爲城池廨舍計獨不爲家室田宅計乎地近故保衛之心益切情真故捍救之法益密人熟故聯絡之勢益固較之客兵遠來耳目茫然孰得孰失孰利孰弊必有能辨之者昔元至正十七年正月辛卯詔山東分省團結義兵每州添設判官一員每縣添設主簿一員專率義兵以事守禦而願爲亭林亦謂清釐穀之道在使民各聚於其鄉始誠以賦田受廩久安生業果平日預練其騰力臨時又聽以禽討爲效則指臂之使皆心腹之寄也分之爲各地義旅合之卽天下精兵雖以之抵抗一切尙且不難土匪云乎哉籌桂防者盍熟思之

論俄國添派遠東軍帥事 錄八月二十三日中外日報

前數日西報載有俄國添派滿洲第二軍而以郭里倫北其人爲之統帶一事。西人之論其事者。皆謂俄皇徇亞力克塞夫之請。始有是舉。而又謂亞力克塞夫欲圖減削苦魯巴金之權。故必出於此云云。其所推度固近於情實。而猶未盡也。俄羅斯之內治實爲今日政治學最切之研究料。而其事又往往關繫中國之時局。要不妨一宣其蘊焉。蓋亞力克塞夫之始受命而爲關東總督也。俄皇與之訓辭。其付託之重。幾若與己爲東西兩帝之並峙者然。曠世殆無其匹。又所訂關東總督之職規。皆一仿其高加索總督之成例。而軍事政治外交之權。皆寄之於其一身。儼若以二十年前俄將史可白勒經營中亞細亞一帶之成迹。而望之於今日之亞氏然。俄皇之願。可謂奢矣。然考亞氏授職之初。卽在俄兵重入奉天之際。說者謂俄之重據奉天。固由其政策所定。別有他意。而亦半出於亞氏之所爲。蓋亞氏之初心。以奉天爲中國之省垣。所謂政治都會者也。故甫蒞東方。卽悍然重佔此城。以備其他日建節之所。當時中國政府一再責言於俄。而駐京俄使與俄國外部。皆以出於關東總督一大之意爲辭。蓋不盡由於推託。然中國之怨俄。從此而起。日本之戰略。亦坐是愈促焉。此實俄之至爲失策者也。乃今者俄兵屢挫。勝負之數顯然。而不謂此次之添派遠東軍帥。仍以保全

奉天一隅而起。按亞氏自兵事初起之時。其訴於俄都者。卽以其職任祇在治軍。不能督戰。爲說。請俄皇另派他將統軍以臨前敵。此苦魯巴金所以東來也。而亞氏則又以保守地方之說自解。不久卽乘機避往奉天。且屢以奉天爲政治區域。其要過於旅順之語。以聳動俄皇。故前者遼陽兵敗之餘。歐洲傳電。謂俄都議論。僉以奉天爲政治之地。深望苦將軍之能退守其地。此卽中於亞氏平日之言也。然苦魯巴金之意。則深願退駐哈爾濱。而以保全奉天爲無益。持之甚堅。殊與亞氏所見相左。於是亞氏以自保之念。與自怙之心。兩者並起。急不暇待。遂有所運動於俄都。而添派遠東軍帥之事。成矣。所謂郭里倫北將軍者。其名望不甚著。其生平亦不易知。然據西報所述。知其昔日曾在俄之御林軍。則作者頗聞俄之御林軍中人。多與宮內近習相結。而亞氏之所以得用。言者亦傳其出於俄皇之近侍白里那夫所舉。則今日遠東軍帥之添派。其間或不無蛛絲馬迹之可尋耶。夫亞氏之在東方。儻事失機。度俄廷亦頗知之。而猶得信任不衰者。殆俄皇不欲以知人之闇。自居一乘。其先世亞力山大之政策。於外交失策之人。每加褒賞。未可知也。況亞氏有奧援。以立於其後乎。雖然。俄之內情。姑置勿論。第恐新派之滿洲第二軍。既至而果如亞氏之定算。以力拒日兵於奉天。則奉天爲中國三百年來之省會。較哈爾濱之爲俄國新市場者。迥殊。中國官民之所損失。

軍一

三百五十一

九月

駐守至此以外。若緩遠軍。一在月若保安軍。若緩靖軍。若忠毅營。一在桂林若劉光才彭南都所募軍。以及杜俞常備軍。湖北武健軍之屬。統計不下數十萬人。其所以久無成功者。則以兵力太分之故。官軍既分而會黨之勇亦分。會黨勢分則官軍疲於奔命。官軍勢分則會黨可乘機進擾。此會黨之勢所由日強而官軍之勢所由日弱也。要而論之。今日廣西之形勢。與嘉慶時川湖陝之亂相同。當川湖陝之亂。會黨扼南山老林之險阻。負固不服。與今廣西會黨守四十八峒者。大約相同。即今日廣西之分竄。亦與昔日川湖陝之黨相類。而川湖陝會黨之平。由於官軍堅壁清野。使之無所擾。復用聚而殲旃之策。故費八年之兵力。僅得弭平。而今日之國力。已與平昔懸殊。會黨之智識。又非川湖陝會黨可比也。況廣東會黨近日復蠢起響應。聚眾稱兵。而猶僅用平昔撫剿之政策。以與會黨相持。吾決其不能成功矣。詩曰。誰生厲階。至今為梗。其今日廣西之謂乎。

署雲貴總督丁雲南巡撫林奏查明大兵收復城池擒斬首要在事員紳違旨擇尤

保獎摺

竊查上年四月賊匪周雲祥拒捕倡亂燒搶箇舊竄陷臨安府石屏州各城經臣等奏派雲南臬司升任藩司劉春霖總統各營馳赴通海縣扼紮由曲江館驛節節進剿分路圍攻仰

賴 天威將士用命未逾兩月該府州先後克復巨寇殲除當將勦辦情形先行馳陳並擇尤隨摺保 奏聲明其餘出力文武暨傷亡弁兵容再查明彙案 奏請獎卹光緒二十九年六月十五日奉 硃批著照所請該部知道欽此欽遵轉行去後旋據各營將領及地方文武將弁出力各員先後開單請獎批經善後局營務處司道劉春霖等一再嚴核認真剔減擇其尤爲出力者開單詳請 奏獎前來臣等伏查此次該逆焚亂之初未及一旬即連陷名城而首逆周雲祥又夙假孝義之名以欺惑人卽紳富亦多信從之者旣藉保厥禦外爲由益私自購槍礮潛蓄死士莫之或非故當時變起如陸鳴皋郭六之徒皆附和恐後而各屬紳民亦均隱然左袒觀望游移當是之時省城人心惶惑一夕數驚苟非劉春霖赴機迅速力保通海縣危城進扼館驛或解散脅從以孤其勢或間離死黨以遏其援多方設疑數道並進其糜爛有不堪設想者辦理之難藏事之速實非臣等始念所及謹爲 皇太后 皇上詳陳之查逆首周雲祥膂力過人輕財結納殺人擅詐視若尋常黨與旣衆虐戾日滋因法領事議修滇越鐵路洋員工匠往來如織愚民無識謠喙紛騰狡焉思逞周逆生長建水西莊又復謬謂西莊常見異氣有傳讖語該逆有十八年大運堪爲地方保障於是奉若神明構煽囂張叛逆顯著臨安開廣道魏景桐廉得其情電請密速拿辦詎意

事機不慎分統魏榮斌管帶麥貴安速國相等兜捕失利而各廠礮砂丁常數萬人良莠不齊一聞內逆阻洋占廠之謠羣思蠢動加以外來間之遂致爲彼嘯聚逾萬四月十八日燒搶箇舊廠分遣死黨張曜掩襲蒙自意在搶佔城關與法員路工爲難並遣派團匪張超陳永靖等分踞曲江戕殺巡檢由館驛閩家坡一路進窺通海並用死黨游擊陸鳴皋等狡謀猝出不意乘虛竄踞臨安府城沿途傳布滾單意在長驅省會風聲所至不逞之徒到處響應響集益多省城大震各屬鼎沸幸蒙防各軍奮力捍禦城關獲全而管帶馬子賢知府邱淮知縣吳朝昌倉猝調團登陴防守詎賊黨郭六及遊擊陸鳴皋等竟開門延匪臨城遂陷即又遣告死黨王顯琮王憲祿張開祿等襲踞石屏圖竄元江普洱及江外各工司以逞其狼吞豕突之計於是路工以停洋員教士經各該地方官聯合鄉團極力保護入城暫避人情惶駭勢甚燎原乃至上煩 聖慮敕由南洋揀派提督張春發統帶勁旅六營自海道馳援並蒙 飭下川鄂江浙等省協濟槍碼而法國路員工匠游歷教士二百餘人分處各州縣亦深虞保護難周彼國政府遂告外務部欲由越南紅河派兵來滇自行保護卽以助勦其開至保勝者已數千人經臣等與劉春霖魏景桐往返函商如一經允許是內匪未靖外聲已滋匪平之後亦將藉口保路長此駐防且適如該逆煽誘之言卽非從逆之人均將起

與爲難後患曷極此中機要間不容髮幸五月初三日劉春霖統率大軍馳至通海喘息未定卽揮隊直前轉戰先後敗賊於中伙鋪閩家坡曲江館驛毆營東山水寨等處副將楊國銘等潛出河西龍明里下壩直抵石屏提督馬柱由新興嶺繞出室秀同時並集石屏遂下而蒙防廣防各軍亦由莎羅莊普雄向龍麵店及阿迷一帶轉戰而前與省防各軍會集臨城長圍旣合乘銳進攻西莊五十餘寨並皆反正雖周逆猶復抵死抗拒連日親率悍黨出城至楊柳壩中所望城坡各隘用無煙快礮大礮與我軍晝夜轟擊作困獸之鬪然糧盡援絕亟思乘間潰圍圖逞均被截殺而止於是堅城以克元惡就擒維時廣西州屬匪黨陳家賓張大廷等由臨安潛回假報兵爲名聚匪千餘事敗脫逃張曜糾股狂竄旋亦就獲餘如潛匿省城之匪首余占彪及元江州之甘曉雲余松甯州之趙明馮有才阿迷之羅永慶羅永銓河西之胡紹飛江川之周占彪周水晶楊伸靳國珠師宗宜良呈貢之金日娃朱甫臣耿雲山等俱係逆黨渠魁潛謀勾結分股起事均經各該地方兵團先後擒斬通海石屏附近數百里徧地皆賊亦各搜剔淨盡因之越南將進之兵乃得婉商阻止而江南所派張春發之軍亦得中道言旋凡此皆仰仗 朝廷福威各文武紳團聞 命感奮摧陷廓清之力也然各營爭赴前敵勢難兼顧後路伏戎於莽潰決堪虞抑在當時尤有大可慮者平日

營防已苦不敷分布又皆散紮邊隅山路崎嶇殊難應調倉猝招募不特未易成軍而軍火多由各省協購亦苦有兵無械事機危迫介在呼吸稍一遲迴橫生枝節幸各該員紳均能以大局爲念各竭心力共戴全功兵勇用至五十餘營團丁又萬餘衆竭蹶可知保全不少則後路各地方官紳之勞動亦均有足多者至如臨城既復匪黨熊占沅黃順英廖福向正龍向得珠鄒小四鄒小六陳永靖等猶復竄伏東山官廳及江外各土司糾合餘黨圖煽死灰而郭六大憩乃以漏網游魂甚且潛糾死黨撲攻通海數月以來亦經各該文武拿辦無遺現在兵燹之區並經善後各員查勘賑撫次第復業鐵路洋員工匠及教士教民均安堵如常地方一律肅清據該司局核明開單彙詳請 奏前來臣等覆查此一役也肇端雖微所關滋大倘稍赴機遲滯必致糜爛不堪如再干連外人更覺收拾不易茲該文武員紳等或在前敵用命或在後路嚴防或守禦不憚辛勤或輓輸不避艱險均屬同仇敵愾異常出力謹另繕清單恭呈 御覽合無仰懇 天恩俯准照請獎敘以昭激勵出自逾格

鴻慈謹 奏

署雲貴總督丁等奏滇邊廣南一帶股匪下竄滇軍出境助剿片

再查滇邊廣南一帶游氛平靖而股匪下竄四邑空虛准兩廣督臣岑春煊咨商飭派知縣

王鎮邦督率武威各營出境助剿由羅平及粵西之古漳進紮西隆州城前經附片詳陳欽奉 硃批仍著督飭各軍迅速防剿以靖地方欽此欽遵恭錄行知在案數月以來廣南富州等處匪踪淨盡商販行旅往來如常民情亦安堪以仰慰 宸廑並迭據該員王鎮邦西隆州知州賴宏先後稟電該營到西隆後派隊往捕匪均避匿當將被擄牲畜器械奪回給領即撥副中營駐防州屬龍窩場等處中營駐防克場巴等旋馳赴西林縣屬那勞寨與縣紳候選道岑毓祥晤商辦法十一月二十七日探聞州屬苗冲三分地方有苗匪李朝富等勾結遊匪肆行剽掠并欲撲犯該營當派武衛營左哨弁陳曷陽後哨弁田興雲及那勞團練由副中營管帶董超督率於二十九日馳赴該處會合濟字等營相機進剿匪黨開礮拒敵至日晡斬獲無算匪勢蹙敗遁該管帶等當將匪巢焚毀復槍斃悍目梁七大亡生擒李肇慶一名奪獲快槍六支南防右營管帶黃鳳圖亦於十二月初六日在坡牙遇賊截戰陣斬爲首悍匪三名經團甲認識其一爲土匪首謝亞幅初八日又於那下寨槍斃匪首何四及餘匪數十十二日據村民馳報上壩長洞有游土匪數十人欲圖盤踞該督帶立派兵團馳往十三日未刻行至阿駝村適與匪遇當即開槍轟擊匪敗奔對門山麓據險扼守我兵分投圍攻持至夜分匪乘勢突圍而走沿途追擊槍斃無數生擒逃勇陳加祥土匪章六受

將近馬憂寨中營哨弁楊敦仁朱祥等伏路截擊又槍斃十餘名生擒匪目吳在沅王岡鮮黃亞佑等奪獲快槍逼碼多件餘匪潰散十五哨弁趙學元等復搜獲偽大王黃二即黃卜順又名黃秉忠游目劉元辰何老王岑順禾吳開發吳世太農卜吼等名其悍匪唐十二黃五肥等均紛紛竄逸自餘零星小股陸續窮搜狃擊漏網無多並皆會同署廣西西隆州知州賴宏訊明正法隨時電稟到臣均經遵旨嚴飭認真防剿務淨根株以清地方王鎮邦乃於十二月二十三日率帶中哨並武威後營由州開赴泗城與署知府龍濟光會商剿辦自本年二月以來西隆西林鎮邊等州縣屬境已無匪踪現在匪勢趨重下游泗城以西賊蹤以絕准兩廣督臣岑春煊電商泗邑情勢較鬆該軍未便久暴於外自應飭令聞拔回防以固邊圉其西隆等處飭由三省邊防營務總辦道員謝汝欽派撥兵團填紮茲據該督帶等稟報開拔回防等情臣等竊查西隆一隅爲桂省邊遠之區頻年被游土各匪勾結滋擾民不聊生該處營防復不得力以致日益糜爛此次該員王鎮邦奉派督同管帶李德泳董超黃鳳圖等率隊出境助剿乘時搜擊頗能不分畛域認真辦理實屬異常奮勉現在泗城與滇邱北羅平一帶亦已肅清王鎮邦督率李德泳等回紮原防古障央革馬蚌三江口等處由雲南善後局營務處司道劉春霖等詳請具奏前來臣等覆查無異相應附片陳明再

廣南派出督帶陸朝珍王國賓等四營自去冬至今在百色鎮邊西林等處剿捕土匪各匪亦屢有斬獲均經三省營務處道員謝汝欽電稟在案現因泗色一帶粵軍不敷防布兩廣督臣岑春煊及謝汝欽電請由滇添派兩營現又派出兩營合之陸朝珍等四營共計六營仍駐粵境會剿一切情形應由兩廣督撫臣查明陳奏合併聲明謹 奏

署雲貴總督丁雲南巡撫林會奏釐剔防營積弊派弁教練新操擬定章程摺

見後

竊維防營積弊日甚一日非隨時整飭更無以備緩急之用查滇省各營哨弁向歸營務處派充其營官之不肖者或尙不無顧忌弊端雖未能盡絕時因有所牽制未敢肆行嗣乃藉口哨弁非自揀派呼應不靈改由各營官自行選弁稟委意以謂可收臂指之益實則通同一氣祇便私圖缺額蝕餉賄屬請託皆視若固然毫無忌憚及遇差操則紛紛雇人頂替中輟與否合格與否漠然不關於心雖記過申飭敷衍如昔怠玩操防種種欺飾實與綠營積習無異設遇戰事其何以堪前年廣南岷普之役各營兵勇聞警輒逃良有以也臣廉得其情特爲明定章程與該員弁更始期於耳目心志煥然一新並飭營務處於武備新操兩學堂考選熟習測量槍法較準之員生每營委往一名充當哨弁兼令教習新操將該營原派之弁撤去一名即飭該員生認真稽查教練務令人皆足數日即精銳斷不許通同舞弊此

後各營哨弁非諳熟新操不准濫竽充數如該管帶等或以非其親暱故與爲難該哨長教習等或恃由省委挾制把持仍由臣不時遴委廉正之員分往密查聞見既確即當欽遵歷奉 諭旨嚴參究辦律以軍法總期實事求是力祛錮習以仰副 聖主憺念邊陲整飭戎行之至意所有現定新章八條相應繕具清單恭呈 御覽謹 奏奉 硃批所擬新章尙能整頓積弊練兵處兵部知道單併發欽此

河南巡撫陳奏添練常備軍請截留協餉以濟軍食摺

竊照豫省常備軍現已編成步隊屯營於秦報左翼成軍摺內擬逐漸添練馬礮工程各隊業經聲明在案屢與司道悉心商榷通盤籌畫足食方可足兵尙無大宗的餉以備供支則旋募旋裁練如未練願本省常年額款久已入不抵出近奉 諭旨新籌煙酒等稅及部咨籌辦各項非專案備撥即未集有成數河南本瘠苦之區若照直隸山東通商省分籌款真有榮枯之別就令搜求終慮缺額然擴充營隊保衛地方在他省均爲其難在豫省尤所當急即以鐵路中央樞紐南北綰綬而區區練足常備十營已嫌其少況並此而遷延不辦設有緩急將誰歸此臣所以耿耿於懷難安寤饋者也惟是徹桑宜及未雨無米究何爲炊不得已思一移緩就急之謀冀仰邀 聖慈鑒察查上次奏調毅軍三營一哨現時暫緩來

豫該軍原撥舊餉又協新餉敵賦悉索無餘牖戶綢繆何暇近經直隸督臣袁世凱添練常備兩鎮各省奉撥協款至二百數十餘萬之多若就中通融勻湊將毅軍新協餉十二萬改歸直隸散放而豫省即可截留此款以紓羅掘之力藉充練兵之用一轉移間兩有裨益又查山東武衛軍協餉本嵩武軍調援鄰省之供早應在議裁之列籌解疲於累年近始分任一半乃豫省練兵的餉已苦無著又何能舍己芸人自置地方於不顧此項協餉銀九萬餘兩現擬暫免籌解以濟本省要需合計截留兩項亦祇二十餘萬兩添練馬礮工程各隊勉敷應用而採辦戰馬購置新式各種鋼礮及常年增添額支活支當須設法另籌若併此兩項而無之即欲練馬礮各隊亦費躊躇矣夫使豫省財力苟可支持無論如何騰挪豈忍稍分畛域無如勢處萬難當為鄰疆所共諒直隸督臣袁世凱山東撫臣周馥素抱公忠力維大局既屬唇齒相依亦當彼此掎角近日北洋兵力頗厚而東省常備之兵亦有二十餘營且入款較河南為豐籌款亦較河南為易直東分駐雄師而接壤之地守備單弱不足收策應之效不特貽誤地方並因之牽動全局固非臣之所敢出亦兩省疆臣所不願也合無仰懇 天恩俯准敕下練兵處戶部速議施行所有毅軍新協餉十二萬暨山東武衛軍認解之九萬兩暫免籌解悉數截留移緩就急一俟豫力能支應再商酌隨時 奏咨辦理謹

奏

署貴州巡撫李奏川黔各軍勦平妖匪請擇尤保獎摺

竊臣於光緒三十年正月初六日據署遵義府知府劉寅浚飛稟府屬仁懷縣三岔場地方有妖匪袁清芬袁均芬弟兄傳習邪教聚眾起事等情前來當即飛飭西路防營及地方文武督飭兵團剋期撲滅並嚴飭認真保護各教堂不得稍有疎失復由省防飛檄常備中營宋振鐸馳往查辦均經據情電奏在案於正月十二日傳奉 諭旨李經羲電奏悉據稱仁懷縣屬地方有妖匪聚眾起事等情著該署撫嚴飭所屬各軍趕緊分別勦辦並著錫良就近飭營越紮以防竄擾務將該匪徒迅速撲滅並督飭認真保護各教堂毋稍疏虞欽此欽奉之下遵即電商四川督臣錫良立飭川軍營務處署永甯道趙爾豐統領道員劉兆庚就近調撥兵隊親督越剿臣經羲復加派左營尹慶元後營成國柱陸續開赴以助聲勢並飭署遵義府劉寅浚親往督飭西路各營會商川軍相機辦理一面籌辦善後撫輯良民以散脅從而安反側旋據永甯道趙爾豐電稟督率各軍於正月十六日馳抵溫水十七日川軍統領劉兆庚黔軍遵義協副將余孝安西路統領江翰清等各帶兵隊繼至探悉袁匪住居三岔場背山面河路極險阻上年臘月以仇教為名煽聚黨與潛謀起事尊其父袁顯猷為

太老黃其兄袁均芳爲僞王悍黨何大滿何三算命袁臺哈呵師子香何春亭袁麻九等爲僞元帥軍師先鋒等官編立營棚分紮要隘正月初五日該匪袁均芳統率悍黨數百猛撲溫水兵團衆寡不敵頗有傷亡幸槍斃匪首袁均芳始糾股退踞山隘此次商定進兵約分四路帶同開花礮隊分堵要隘合力兜剿以期一鼓盪平十八日黎明開隊前往該匪竟敢分路迎拒各軍槍礮齊施匪黨毫無怯懼因惑於袁逆邪說如果誠心向道槍礮皆不能傷彼死者皆道心不誠畏縮之故是以皆輸死力戰道員劉兆庚急挑勇敢弁兵由間道縋險而入直逼匪巢奮勇格殺立斬僞老黃袁顯猷及其眷屬多名袁清芬率黨回救爲我軍截殺四散管帶沈賀常丁世澄復以開花礮轟擊焚其巢穴是役合計槍斃陣斬之匪不下四五百名其投巖墜澗死者仍復不少查訊實係脅從以及老弱婦女概行遣散惟礮火延燒匪巢房屋積骸數十袁匪屍身無從辨認仍飭確查等語並據黔軍余孝安江翰清真同前情亦經撮要電奏臣查仁懷妖匪袁清芬僻居川邊恃其偏遠假託鬼神傳習邪教以至鄉愚被其誘惑信從日衆釀成叛逆之禍當匪難初發之時沿邊伏莽紛紛起應遵義一帶人心惶惶該處距省窳遠調營馳剿緩不及急西路防軍單薄勢難控制若非川軍赴機迅速匪聚日衆橫決竄擾禍且不測縱即撲滅而閭閻受害不知胡底此皆仰賴 天威遠播川

黔各軍同心合力不分畛域勉期進剿旬日之間立平匪亂所有在事出力人員不無微勞足錄臣再三查核此次剿平袁匪川軍功績最多進剿之日黔省赴援各軍尚未齊集遵義協副將余孝安西路統領江翰清管帶向開山等雖同奮勉赴功而溫水本其防地緝匪弭患職所應爲不便仰邀獎敘川軍營務處署永甯道趙爾豐調度有方應機立赴統領道員劉兆庚督軍赴剿掃盪鄰氛部下將弁亦皆勇往善戰不避艱險昨電四川督臣錫良請其擇尤開單以便奏獎旋准電覆以鄰疆匪患誼應協力剿辦不敢敘功等語在督臣公忠體國讓美不居深堪敬服惟將士越境宣勞未可沒其功績查署永甯道趙爾豐候補道劉兆庚任事至勇成功最速實屬異常出力該道員等官秩較崇應如何從優獎勵之處出自聖裁其餘出力員弁可否仰懇 天恩准其擇尤酌保以資鼓勵如蒙 俞允容即移交署撫臣曹鴻勛咨川查送核辦附近各教堂教士該文武等尙屬認真保護毫無疏失惟初五日匪擾溫水時焚燬民居延燒教民房屋十數戶現經飭查撫卹溫水場及附近居民被燒房屋亦經派員前往會同地方官妥速籌辦善後免至流離失所以仰副 朝廷愛民綏邊之至意謹 奏奉 硃批趙爾豐劉兆庚均著交部從優議敘其餘出力川軍准其酌保數員毋許冒濫欽此

湖廣總督張釐定營務新章札發司道等遵照辦理

照得練兵爲今日急務而營務處爲練兵根基營務處一差實合外國參謀部經理部總監部三項之義而有之或司發縱或司實習或司儲才或司豫備必須於此先握樞紐然後兵備有成效可觀茲將湖北省營務處分別四門責令各舉其職與北洋營務處章程節目間有小異大旨均屬相同一曰營務處參謀所專管籌畫戎機增減兵數斟酌營制閱看各報設立軍學繪畫輿圖偵探軍情修理道路各事卽委藩司爲參謀營務處總辦二曰營務處執法所專管申明紀律核定功過剔除積弊考核外省本省軍隊人才等事卽委臬司爲執法營務處總辦三曰營務處督操所專管各營操練之法參考各國書籍體察中國將士情形編定操典凡軍鎮協營隊哨各級規制步礮馬工輜重各門操法皆具焉各營器械是否精利完備操場是否合法皆歸該所管理卽委糧道爲督操營務處總辦四曰營務處經理所專管行軍應用槍礮器具衣裝輜重工程應用各件購備運載騾馬糧米行糧軍醫藥料獸醫等事卽委鹽道爲經理營務處總辦參謀所設提調三員以武昌府知府梁鼎芬候補知府黃以霖汪鳳瀛充補軍謀學諮議四員以劉邦驥劉道仁舒清阿藍天蔚充補執法所設提調三員以武昌府知府梁鼎芬候補知府彭覺先周以翰充補律學諮議二員以劉邦

驥吳茂節充補督操所設提調三員以候補知府黃以霖齊耀珊直隸州知州許鼎鈞充補操練學諮議四員以盧靜運單啟鵬易迺謙敖正邦充補原派營務處之候補道趙濱彥札勒哈哩應改爲營務處參議署督標中軍總兵張彪應委充營務處參謀執法督操經理四所幫辦自派定以後務須切實討論各修其職外考各國兵制內察中國及本省向來將校士卒舊章素習地勢餉需各情形必須力除積弊又須切實可行隨時稟請本部堂核定舉辦至藩臬兩司爲總司通省政務之員所有營務處各事除應管本所外其餘三所事務如有關緊重要之件該兩司確有見聞亦准一律籌商稟明此外如有挂名會辦之員均即銷去此項差使名目以昭核實惟營務綱目繁多存儲圖書器具極爲浩繁尤宜州居部別方能條理分明秩然不紊舊日營務處屋宇狹隘不敷辦公之用現已勘定督標中軍衙門之東地方一段尙屬相宜應飭善後局會同營務處迅速派員勘估購地估工修造以便開辦目前卽先就舊營務處公所卽日舉辦

雲南防營派弁教練新操章程八條

一查從前各營哨長每營四弁由營務處委往二弁各營短額扣餉尙慮被其訐發自哨長全由各營稟委其管帶之潔已從公者雖不乏人而哨長半多私人上下聯爲一氣遂致缺

額餉顧忌毫無近來疊奉 諭旨改習新操各營憚於煩難舊習因循並不操練尤非整飭戎行力圖自強之道應即通飭各營先將自委之哨弁撤退一員另由武備新操兩學堂將考列高等員生每營暫且派往一員充當哨長兼充教習俾得訓練新操以求進步該營各哨長如肯一體演習步伐號令嫻熟槍法有準即可各教各哨否則各哨均由該教習輪流教練以歸劃一如營哨各官懈怠操防通同缺蝕許該教習徑行稟揭倘該哨長教習或因由省派往藉故挾制於調度餉項妄侵管帶之權及另有不法或怠於教練查實重懲並准該管帶稟明款蹟撤回另換惟該管帶不得以非其私人先存意見故與爲難以及意存見好串通一氣查實亦即澈究 一武備新操員生均有定額經費支絀自難格外加增惟該員生既可充各營哨弁各在營教練有效或遇軍事有功即可拔作管帶有此出路趨之者必多擬此後額外員生但有自備資斧來堂學習者不必定額如功課分數槍礮準頭均能出色及格者不必定在本堂升補正額即准委充哨長或曾有戰功而又練習合格者即超委管帶但來學人等必查無洋煙嗜好各項劣蹟年力強壯志切上進者方准收錄如心存僥倖學不卒業亦即照章黜退罰懲以杜流弊 一營哨各官均須全習新操槍礮有準方能得力俟武備新操員生逐漸加多功課及格堪勝哨長教習之任即將各營哨長一律

更換倫各營管帶有能自行揀選堪習新操員弁送入該學堂隨同肄習功課及格仍准發還該營充當哨長 一各營駐防地段綿長必須派隊分紮往往藉口零星散布不能調操試問分防各隊或數十人或一二十人飽食終日竟作何事非閒游浪蕩即羣聚飲博甚且逸居無教竟在外嚇詐生事擾害地方否則即因人數不足虛有分防之名耳嗣後如分防零隊每隊派一嫻習新操之弁勇除有護送防緝要差之日不計外每日必須端槍瞄準演習步伐各項技藝毋任藉詞曠廢以期一律整齊 一各營管帶所部勇丁一年以內均能演習新操槍礮打準一經親臨校閱及派員閱看中槍能及九成該管帶記功留差如只七八成即不許記功不及六成者撤委 一操章必須一律每日早晚三鼓畢各勇出棚聽候站隊點名一次清晨六點鐘先習端槍瞄準八點鐘收隊早餐十點鐘至十二點鐘操習有用陣式及步伐號令等事一點鐘午飯三點鐘至五點鐘打靶其不打靶之日即演習跳高奪旗各項技藝槍靶暫用近日式樣高四尺寬二尺銅丸槍立靶八十弓後膛槍百二十弓半年以後高寬遞減一寸遠五弓操及一年減二寸遠十弓以此遞推極槍力之所能到而止高則減至三尺止寬則減至五寸止如不遵所定之尺寸即中靶亦不准獎 一賞罰尤貴嚴明靶之尺寸既定各營弁勇如能連中全槍五次散勇提作什長如提作什長後一連

三次不能全中即予記過再兩次不能全中仍降爲散勇連中全槍十次並步伐號令各樣武藝均係出色什長記名按序提作哨官有缺即補再能約束整齊有膽有識於軍謀地勢均有會心爲衆人所難能者即不次超擢升爲管帶如身臨戰陣建立功勳即以次遞升督帶分統●一各省防營管帶往往得自營求先既賄託多端得差後復歲時饋獻當道以及大小各衙門人等或指索名糧空額或挾薦文案收支種種花銷自不得不缺額以爲取償之地滇省近日尙無此弊各管帶尤當激發天良實力整頓如再缺額蝕餉假捏欺飾及敷衍因循懈弛操防即當遵照疊次諭旨照例嚴參懲辦倘本署及各該衙門局處並兼轄武員人等有挾勢勒薦及要索空糧當差各名目許該管帶指名稟訐仍將該管帶記功如甘心徇隱必其本多弊混有被人挾制之處一經查出一併澈究

訂購軍火

京旗練兵處近因常備續備二軍軍火尙不敷用因與某洋行訂購六密里半口徑五响新式步快槍六千桿馬快槍一千桿皮件六千套無煙子彈四百萬粒演裝無藥子彈四萬粒新式手槍六百根槍子八萬粒馬具鞍鞍具二百五十副

改良營制

軍事

軍事

三百六十八

九月

江甯督轅接到鐵侍郎電傳營制大畧擬將兩江所有各營改爲四鎮八協十二標做照日本師團辦理

趕編馬隊

豫撫陳中丞新編常備軍馬隊兩營遴委文武幹員馳往北口購馬二百五十匹

豫湘防務

河南彰德府爲燕豫交界安易臨漳兩縣素多刀匪因外來會匪串通土棍散放票布誘人入會陳中丞恐生變故即調豫正營礮隊前往駐紮 湘省靖州地方邇因桂匪逼近居民頗爲震動辰沅鎮周道南總戎率帶兵士前往嚴密駐防

添補軍額

鄂省自改營制後懸額尙多近張宮保又將第一鎮右協應委各員一律派定并飭各該員分赴襄陽鄖陽漢陽黃州德安五府招募二十五營其招募資格以素有職業安分而略通文理年在十八至二十四歲身體強壯目光的速者爲合格以後考在上等者派升哨弁中等備各處調用下等則留營再學退伍回鄉之日各大吏親饗羊酒花紅送歸歸里時紳耆鼓吹迎入名曰續備地方差徭一概蠲免平時須待以武生之禮非有大罪不得輕拘云

測繪太湖

蘇撫端中丞以太湖廣漠界連兩浙鱷梟會匪充斥其間而官兵剿捕東拿西竄良由太湖水線匪熟於兵以致無從著手現特派員帶同武備學生前往湖面詳加測繪擬即咨會浙撫各派勁兵扼要駐防以爲嚴絕根株之計

川夷滋事

四川甯遠府夷匪滋事川督錫制軍特派成都府雷仲宣太守率師前往查戮夷酋四人夷黨愈行抗拒并糾約金沙江外雲南境上之吞都阿朶木沙諸土司蜂聚金沙江一帶而馬邊各夷匪聞風亦各蠢動戕殺官民剿辦殊形棘手近已派兵前往相助剿撫

宿匪破案

皖省宿州匪徒起事係在宿靈交界地方該地仙靈寺僧廣崇即爲匪日起事後經皖北道派去馬隊協同李州牧及營隊中焦哨官到寺盤問並親往僧寮收檢毫無禁物該營官遂拘僧入城到署鞠審仍無實供後於其身上搜出匪衆名册已有八九百人遂將該僧收禁一面星夜會同鄰縣照册查拿次日即拿獲八人均係要匪惟匪首王俊坦尙未拿獲

會匪內情

軍事

河南某地方某會之參謀係某國人參帷幄者已十年於今其內部之組織有正會頭一副統領四香堂二盟證三總堂三陪堂三札堂五執堂三刑堂二心腹三聖賢一巡風二總理當家三總理紅旗二江口二管事二管點金牌二大滿總滿各一其軍隊分大隊中隊小隊某隊置隊長合計兵一千二百人又女隊三百三十人規律之嚴爲匪徒中所僅見該會尙有山林田畝爲常住財產又開設錢舖質店十八處以便將資金營運生息爲餉需

廣西軍事紀要

桂林 粵督岑制軍已於六月十九日抵桂林自聞羅錦城被匪竄擾卽越日派兵兩營進剿 永甯州三區城自五月下旬被叛匪攻破擄掠去後七月中旬復有油麻桐股黨五六百人由江頭江北直竄圍攻永甯州之普上村經照字營桂防營及州署親兵會合截捕匪黨多用無烟快槍勢頗兇猛營勇奮擊槍斃匪黨多名匪力不支且戰且走竄往黃泗及高坡各嶽而去

柳州 女匪王九姑等近匿跡柳州雅容縣屬中渡墟附近山寨有夥三百餘人名爲先鋒隊皆用無烟槍彈時出擄掠六月間女匪數人糾合游匪五六十人至運江附近之田頭村行劫該處團總陳某率練截擊斃多名匪等糾集二百餘人尋仇報復攻破該村陳某一家十餘人悉被殺害陳出厝村外幸免陳有八十老母被執將殺之有一匪曰俟臬娘到時請令辦理少頃女匪八人騎馬而來問此老婦是誰匪謂係陳團總之母女匪曰他的兒子是麻瘋頭嘗得而殺之他可放之遂釋之匪黨僞語呼官軍爲白牛鄉團兵爲麻瘋百姓爲豆豉該女匪則稱爲臬娘匪目則稱爲夫元帥云

柳州匪徒聯合大股約三千餘人在柳州屬象州地方一帶滋擾自運江以下至石龍墟及燈盞菱角排樓各灘沿河兩岸聚集窺探船隻上下即爲截搜兵輪來往匪黨常伏山坳放槍遙擊兵輪未敢登岸追捕來賓屬之洪水河亦有匪數股時出至三江口及武宣地方過河截劫其黨約千餘人營勇往勦即紛紛散處無從接仗 柳州大股叛匪多竄入梅寨經大帥派兵兩路進勦一懷遠繞出匪前一由融縣截斷匪後 柳州叛勇多半竄入柳州上游之四十八洞地方當叛勇出走時有熙字營勇尾隨其後得其巢穴現已調到各處兵勇協同熙字營前往勦捕奈四圍高山峻嶺祇有一路可入該匪藏匿於內甚爲安固且糧餉槍炮皆甚豐足雖有官軍十餘營密布其地日夜勦捕均未得手王觀察忠浩所統湖南忠字第二第二兩旗於七月初八日在梅寨之銅鼓村勦匪獲勝擒斬數百名并將渠魁歐四擊斃 又十三四等日懷遠縣匪爲湘粵各軍所逼自老巢焚燬分爲二股一竄黔省爲黔軍截擊死傷甚多遁入苗山一竄融縣爲粵軍所敗陣斃尤衆又十八九等日匪首楊履亭來擾攻銅之師官軍擊之斬獲無算楊亦陣斃 慶遠 南丹州屬女匪胡大娘顧二嫂等股均巢穴山谷所持皆無烟快槍兇悍異常聞柳州叛匪竄至利其財物相率迎之入巢廣聚所帶軍火甚多負隅踞險官軍無法勦捕 思恩 上林縣所屬某村賊匪甚多駐紮該處之綏遠軍副中營派勇四出放哨被伏匪將往北路之勇擄去四名 平樂 修仁縣與柳州接壤叛匪敗竄該縣後勾合會匪楊坤庭集黨六七百肆行搶擄又七排墟地方有匪徒二百餘突至攻劫鄉團聞警出拒又來匪徒三百餘一擁而進遂爲所擄嗣有防營兩哨救援匪黨力拒傷斃官軍數名鄉團四路聯合始將匪黨擊退是役約斃匪五六十名圍練受傷五名 南甯 龍州南甯一帶賊氛四起甯屬永淳橫州左近亦有數股匪徒由東省欽靈各處竄來營勇雖多勦捕仍未得手

軍事

三百七十一

甲辰

軍事

三百七十二

九月

而十萬大山中會匪千餘人又出各處擄掠思恩府屬亦有土匪自遷江一帶竄入者約千餘人匪目為章十二軍火生等多用無烟快槍軍火甚足勢極兇悍

太平提督丁軍門槐統領衛軍在左江一帶勦匪頗為得手近方電致督撫略云上思土忠州共二十餘屬以勦撫并用業已一律肅清

廣西分布防剿各營列下 駐桂林柳慶三府屬者常備軍五營桂防五營撫轅衛隊一旅常備新軍三營緝捕軍兩營

警察兵一營照字五營保安軍兩旅廣勝軍一營緝捕軍兩營保商營慶字三營廣東武匡軍四營湖南剛字三旅發字

兩旅駐潯州思恩兩府屬者潯防兩營廣東棠字四營廣東常備中軍左營駐太平邕豐三府州屬者衛字五營貴字兩

營警防營區防兩營沿邊駐防者湖北武健軍八營榮字五營 此軍現已調至慶遠 駐平樂府屬者平防兩營廣東喜字兩營安勇

一旅其餘泗城百色鎮安歸順等府州或駐一營或數營零星分布不及備錄又通省各廳州縣自募親兵大缺百餘

名中缺百名小缺數十名約計六千餘名

廣西匪黨渠魁姓名及其佔據地列下 沈紹英一枝駐慶遠侯五一枝駐慶遠黃九姑一枝慶遠人有苗婦手餘甚嬌

健現隱伏不出章八慶遠人駐地不定黃十三慶遠人駐地不定陸鴻遠慶遠人駐地不定梁桂才慶遠人梁果舟駐柳

州三月間被殺何十二駐欽州黃樓知駐欽州陽四駐欽州以上三枝皆以劫掠為事李暢林一枝隱伏不出

藏英戰事紀要

六月二十七日倫敦電派往西藏之英兵已抵拉薩並無抗拒之者駐藏大臣有奏則居於達賴喇嘛之室以便商議各事一拉薩電英軍在坡達拉靈山張設陣營距達賴喇嘛之室約一英里喇嘛乃離去本山而往於尼波山十八英里之

一寺院深居不出謝絕外間各官員之往來且自言行將避世三年不與人見

日俄戰事紀要

旅順陸戰

劍山戰 攻圍旅順之日軍一部隊當四月下旬由北泡子崖上陸無日不經營宿舍以及輸送等事而南山激戰南下日軍之前鋒亦不遑休養隨同右翼縱隊與土陸軍之左翼縱隊奮迅南下至距青泥窪南西若干里處修防警備由北安子山以互南太子山長約二十邁當與俄軍駐地互相對峙俄軍時遣斥候偵探日軍動靜日軍不為動惟以未明俄軍要領常以遠鏡瞭望探得歪頭山及劍山之高度可以瞰制大連灣青泥窪之舉動而日軍舉動亦皆為二處所瞭見故日軍決意進攻五月十三日午前四鐘日軍左翼縱隊進與俄軍前哨搏戰士氣殊勇至九鐘即將歪頭山及其前方高地佔據惟劍山俄軍尚未退卻而其地勢傾斜偏仄兵難成列日軍縱隊長探明敵情期於正午攻擊至十二鐘三十分即遣兩隊前進此時有俄砲艦三艘在海面之南砲擊日軍左翼當為日軍艦隊擊退於是日軍砲兵即開砲攻擊步兵繼之勇敢前進午後三鐘行抵山麓即在近山斜面巖石之間發掘大地雷二具轟然爆發震撼山岳而日軍士氣益振毫不畏死爭先攀登而上俄軍為之披靡猶攜野戰砲四門以向日軍轟擊日軍猛烈應戰還發二砲而俄兵已負傷甚多棄砲二尊相率逃走是役也俄軍兵力計步兵二大隊速射砲二尊機關砲若干尊日軍既佔劍山雙山頂以至小平島俄軍水雷艇碇泊之地遂亦為日軍水雷艇所佔自是日軍可於劍山瞰制俄軍之防禦大為便利俄將患之因於五月二十日派兵一師團來襲兩軍混戰三晝夜之久及第三日之夜俄兵復派一中隊以上銜枚而進夜襲日軍既至劍山急即攀登至日軍步哨營地與日軍血肉相薄俄兵率係精銳日軍難逃勝後以銃劍應戰健鬥數刻俄兵卒不能

軍 事

三百七十三

甲辰

敵兩軍戰鬥正酣忽聞雷聲一鳴俄兵倏忽逸去追趕數時俄軍四面砲臺齊開大砲猛烈攻擊致日軍之堅固防禦工事頗受損害翌夜俄兵又來攻擊其猛烈與前夜同然日軍已有預備急放榴石立將決死俄兵擊退當俄兵退去時忽有俄軍砲臺之榴彈飛至約數分鐘不稍間至二十二日俄軍自知終不能奪還其地也遂於午間退據老座山險麓防禦工事與日軍互相對峙砲火相交直至六月初旬而止按劍山俄人本名夫寅山日軍因欲表彰其佔領之功績故易名劍山云

俄國防務

陸防類誌 八月初二日東京電俄軍現在哈爾濱車站之東起築壁壘擬築至西南九十里之雙城堡爲正 俄人近於鐵嶺穿鑿斷濠闊一丈深四尺高五尺自車站起迄三清觀山約二里有奇又修築三清觀山炮壘以兵萬餘人屯駐其地 日軍既得遼陽將乘機經營陸哈連島俄政府亦甚注意該島今已陸續增兵前往守備 俄兵在奉天城三里外之火車站處防堵甚嚴築有極堅營壘 俄國西比利亞步兵聯隊之預備諸大隊改定名稱如下 一第五薩爾古德西比利亞步兵聯隊所預備大隊今改爲第一西比利亞預備大隊 二第六惠尼西比利亞步兵聯隊所屬預備大隊今改爲第二西比利亞預備大隊 三第七古拉斯那爾司科西比利亞步兵聯隊所屬預備大隊今改爲第三西比利亞預備步兵大隊 四第八脫姆司科西比利亞步兵聯隊所屬預備大隊今改爲第四西比利亞預備步兵大隊 五第九脫霍司科西比利亞步兵聯隊所屬預備大隊今改爲第五西比利亞預備步兵大隊 六第十睦姆司科西比利亞步兵聯隊所屬預備大隊今改爲第六西比利亞預備步兵大隊 七第十一雪米巴拉令司科西比利亞步兵聯隊所屬預備大隊今改爲第七西比利亞預備步兵大隊 八第十二巴爾奴魯西比利亞步兵聯隊所屬預備大隊

今改爲第八西比利亞豫備步兵大隊至在旅順俄軍之數則步兵通計有第四師團及第七師團第四師團乃係第三十四五十六聯隊所組織而成然十五十六聯隊各有中隊四今以遼陽方面計之在旅順者約一萬四千五百六十二人內非戰員第六百人 第七師團乃係第二十五二十六二十七二十八聯隊所組織而成然第二十五聯隊中之一大隊及第二十七二十八之兩聯隊頃亦在遼陽方面在旅順者惟二十五聯隊之三大隊及二十六聯隊而已此約數七千二百四十三人內非戰員騎兵通計有後貝加爾湖可薩克獨立騎兵旅團及賢耳奴金司科聯隊之六中隊約一千人砲兵通計約有七千四百人砲二百五十六門其詳如下一東部西伯利亞砲兵十六中隊砲百二十八門兵數約四千五百人二後貝加爾湖砲兵聯隊二中隊砲十二門兵數約四百二十四人三機關砲兵二中隊砲十六門兵數約二百人四要塞兵一聯隊砲約百門兵數約二千四百人工兵通計有東部西比利亞工兵第二大隊關東州工兵大隊之一中隊水雷隊一中隊兵數約千二百人此外又有自軍艦運上之砲門及砲兵并陸戰隊若干惟經南山之役累戰以後死傷疫病甚多能耐戰者不過萬人而已

轉運類誌 俄國現於西比利亞鐵道停止其他輸送而專供第十第十三第二十之三箇軍團輸送之用豫定今年末集此六師團之兵於哈爾濱 七月二十四日倫敦電苦魯巴金曾電奏俄皇請即派六軍團前往戰地 八月初三日香港電俄國波羅的海艦隊已由廓隆斯德開行前往遼東 又倫敦路透電俄皇又於俄迭薩地方將豫備兵並全團之豫備武弁全行調出

戰事雜記

七月初一日倫敦電俄皇傳旨棄海參崴及連尼維趨將軍隊移往奉天 二十七日東京電日本政府擬在遼東設立

軍事

三百七十五

甲辰

占領地總督府暫以在戰地之某少將任之原擬之村山少將仍令起程前往戰地 三十日倫敦路透電日本已定購上等鋼板七千五百噸於美國以作戰鬥艦之用 八月初一日柏靈電比國商船科倫尼爾已售與日本爲軍事之用

又東京電塔察加俄兵近忽襲擊日本北海道之志木斯島適該處男子出外漁業其婦女均被虐殺且焚毀其房屋 俄人前在日本常陸丸佐渡丸等運兵船上所獲之將校六十八名及兵士二百五十六人現已行抵西

伯利亞奧姆斯克地方聞將送往濱濱柴 按濱濱柴在俄國京木科東南 閣禁 東京電日本新巡洋艦奧陀華載重三千噸速力二十

一海里噸十四尊現已編入海軍艦隊 英船卡爾已由日本購買改名新港丸 初六日東京電日本政府現已派定

前近衛師團長長谷川大將爲滿洲屯軍總統前第二師團長西大將爲韓國屯軍總統

日本軍政法規 一令復境內外衆紳及各社各屯會首等須奉行軍政官之命二奉命後須神速從事三須將告示之意布告民人使上下聯絡四須精查物資以應軍需務必公平貿易五如有土匪細作務須迅速稟報六沿道電綫及鐵路等各社各屯會首任監督保護之責七衆紳及會首有功給賞有罪嚴辦

日本辦理俘虜規則 一凡敵國交戰者得依條約及慣例辦理俘虜捕獲之時亟宜檢查攜帶之物二凡俘虜攜帶之物有兵器彈藥等足供軍用者沒收之其餘物件或爲之存貯或使本人便宜攜帶右列俘虜若係將校及將校相當官其刀劍及他兵器依便宜使之攜帶若槍器則扣留彈藥三前二條辦畢須訊問俘虜姓名年歲身分階級國籍籍造俘虜名簿其沒收存貯之物亦須編製物品目錄四凡俘虜須分別將校及將校相當官下士卒視其身分階級與以相當之待遇唯應對不實隱飾其姓名階級及犯規者不在此例五若俘虜不能順從得施監禁制縛等法恐其逃遁亦得用兵力以防禦之六海軍指揮官當以俘虜名簿俘虜日誌及存貯物品目錄同俘虜遞解於鎮守府或要港部或不得已遞

解於帝國外之海軍根據地防備隊但要港部根據地防備隊既受俘虜仍須移送鎮守府七海軍指揮官得以便宜協商陸軍軍隊或兵站或運輸通信官衙以俘虜名簿俘虜日誌及存貯物品目錄同俘虜遞解於各該處此時當以遞解人數報告海軍大臣八鎮守府司令長官既受俘虜當速以人數報告海軍大臣海軍大臣受右報告亟以其俘虜人數及現在之地移牒大本營日皇親統之營九鎮守府既受要港部根據地防備隊俘虜得以轉解他處其時可暫以兵房及不能逃遁之屋收養俘虜十收容俘虜以海軍將校監督管理之十一若俘虜請以己費購買嗜好品日用物品監督者認為無礙得以便宜許之十二俘虜往來電信郵件其監督將校宜豫為檢閱其無礙者許之若使用暗號及有涉嫌疑者禁之或沒收之十三俘虜所發郵件依條約特免郵稅其受俘之海軍衙門宜協商該地郵政局妥為辦理十四俘虜遺屬與帝國海軍軍人遺囑辦法相同十五俘虜存貯物件及一切文牘須呈送鎮守府司令長官指定地之陸軍受俘官遇俘虜死亡其遺物遺囑亦然

中國中立彙誌

俄廓米薩爾迫增將軍將城牆添整數門據言奉天人乘而城門少若日軍來攻時市民不便避難故再開整數門其利甚多云云增帥拒之謂奉天 陵廟所在關係甚巨若俄軍不駐紮日軍決不來攻此城吾甯望俄軍撤退並不懼日軍前來 直督袁宮保前照商日本領事以營口新經戰役匪徒紛起擬派兵艦一艘前往屯駐以資彈壓現接日領事復稱營地尙未復舊各國軍艦均未便出入 日使照會外務部略稱近聞遼陽鐵嶺等州縣為俄國備官車驟馬輻千百數殊有違局外公法請飭查禁 外務部接俄使照會云頃接阿督來電稱奉天府尹廷大巨辦理交涉事宜違背中立條約之處頗多有關中俄兩國交誼請貴政府速簡熟於外交之員接任以免事後諸多關礙 俄艦弁兵編留在滬一

軍事

三百七十七

甲辰

節迭經江海關道袁觀察與日俄兩總領事往復籌商旋以弁兵共有七百餘人之多編住滬濱兼洋混雜諸多不便乃商諸日領事擬令該弁兵居留船上日領事已經照允擬有辦法三條一俄船弁兵須居留船上毋許散逸一中國必須派兵輪常川駐泊俄船之旁從嚴看管一中國應飭地方官暨各分關卡隨時稽查俄弁兵不許私行出境俄艦滿洲擬發回起存之小槍江海關道袁觀察商之日領事已奉其外部允准惟日領事之意以此項洋槍祇能存儲滿洲船上不得帶有子藥不准俄兵攜帶更不許分給現來之俄巡艦及雷艇聽其存放云 八月初五日北京電奉天增將軍致外務部電稱俄軍退集日兵跟踪省城危在旦夕俄軍輜重已悉移鐵嶺其意顯以此城餌敵而嫁禍於我望速與俄日兩國公使妥商勿以省城內外作爲戰地以免震驚宮殿塗炭生民 俄人前在小庫倫招募壯丁經直提馬宮保派兵禁止俄人無法遂電致俄使稱日人在戰界附近地方募壯丁馬宮保不設法禁止實有背中立條約等語外務部當即電告馬宮保速爲禁止以保中立旋得宮保覆電詳辨此事實係俄人偽造決無日人募丁之事嗣後遇有此等事宜須詳爲分白以免俄人藉口云云

各國中立彙誌

七月初六日倫敦路透電英國印度郵船格爾卡由倫敦開往吉爾吉打甫至葡萄牙國之沙格爾司洋面爲俄國巡洋艦端號扣留半小時 初八日又電俄國巡洋艦尤拉爾於支巴拉爾大海峽之西停止英國運煤船一艘據該艦之司令官所稱自開戰以來搜查裝運戰時禁品之汽船曾有二百艘云 又香港電英國近向俄國駁論者有三款一俄國須將作爲戰時禁品之貨物按萬國公法重行校訂務以合法爲度二凡入劃定之戰地界內之貨物確係戰時禁品方有追奪之權利雖係沿海貿易上者亦有阻礙之權力三所有擊沈之船隻事後須當賠償英船被失之貨運所沈船隻

所載充公之貨亦皆一律索賠美國亦於同時呈遞駁文其意與英國所駁之第一段相同 八月初一日倫敦露透電俄國已允賠償英國商船富蘭拜及愛特力克威爾之所失因其被俄艦強行扣留也 初四日倫敦電俄艦利南至舊金山意在監視運往日本之貨物美國太平洋艦隊已奉命前往詰問 又倫敦露透電駐舊金山日本領事向美國政府詰責謂俄國運送艦艇由海參崴來停留已逾二十四點鐘之久美國不應准其遲滯美政府旋即決計令該艦於所定時刻之內出口而黎那船主柏令司則願卸去軍裝仍泊原處 俄國巡洋艦狄亞那在旅順接戰為破彈擊傷逃至西貢入塢修理旋定議起卸艦中軍火 初六日倫敦露透電俄國巡洋艦拂勿蘭茨在聖溫先角與直布羅陀之間派兵登英輪端帆阻其行駛先是七月二十四二十七等日阻止英輪馬基格魯卑爾及脫利薩畢之行駛皆其所為也 又電海參威俘虜裁判所已將六月初十日在日本海濱外為海參威艦隊所獲之英國輪船喀爾策斯與其非軍務禁止品之貨全行釋放惟運往日本之麥粉棉花及杉木則悉數充公


各國軍事紀要

俄國 維也納信華爾甫市知事近奏俄皇略謂若欲防止內亂須先宣告波羅全部戒嚴之令又以近聞革命黨首領將有大舉請增其所部之守備軍隊

德國 七月初三日柏林電德國少將愛斯托夫已在南非洲奪取亂黨首領黑利羅之碼頭一區 初六日又電柏林已接西南非洲軍報德軍戰勝之事雖有小挫然已據瓦特爾堡車站希拉羅斯叛黨已向東而退德軍又於該處斷其去路是役德軍失將校五員兵十九人 德海軍少將木爾蓋現近舉為德國東方艦隊副司令官

烏拉圭 南美洲烏拉圭國七月間有亂事派兵彈壓始得平靖亂黨遂逃往巴西軍械等物均被兵士奪獲

寫
事



三百八十

九月

外交

論挽救西藏之策 錄甲辰二十四號外交報

我政府自昨年派有泰爲駐藏大臣。有泰徘徊未即往。至英藏交涉起。而有泰遂以目疾辭。政府不許。促使之官。有泰至而英藏之約成矣。及有泰電告約成。而政府乃派唐紹儀至藏查辦事件。此事自首至尾。積一年餘。英藏交涉。中西各報。時有紀載。事非秘密。而我政府始終不聞有一定謀。卒至失之而後已。於是論者。以爲此由於政府漫不經心。視西藏之存亡。猶秦越人之肥瘠。圖窮而七首見。乃以派一使臣爲搪塞天下之舉。此一使即可謂本朝與西藏交涉最後之歷史矣。本報以爲以此言我政府之諸老。似太鄰於無賴。本報深知我執政諸老之不至若是之無心肝也。而其形跡之所以涉此者。蓋別有故。閒嘗攷之。天下事有強弱。有是非。強弱者天之所定。有物有形而不可疑者。也是非者人之所設。無物無形而用以救天定之強弱者也。我國自與西人交涉以來六十年間。強弱之形雖久而未改。是非之理則隨事而移。自粵東燒烟。天津換約。天津鬧教。數役大約我勢既弱。而理亦甚曲。故舉事輒大敗。而又爲天下所不諱。於是國家因久挫之故。甲午以來。於膠灣旅大諸役。我理甚

外交

一百三十五

甲辰

直。而。因。勢。弱。之。故。不。敢。與。較。國一不敵以國於內政之變自爾以來。此風愈甚。人人有一外交。惟。有。強。弱。無。有。是。非。之。成。見。在。其。胸。中。故。此。次。英。藏。之。事。我。政。府。諸。公。怵。於。西。人。之。舉。事。不。成。不。已。我。自。與。之。交。涉。從。無。一。事。能。違。其。意。以。英。人。富。強。之。威。窺。伺。之。久。一。旦。待。時。而。動。以。爲。所。欲。爲。者。必。非。我。國。力。所。能。與。之。爭。者。與。其。持。之。過。急。而。成。爲。他。變。毋。甯。虛。與。委。蛇。以。弭。於。無。形。其。積。威。之。由。來。者。漸。矣。然。自。本。報。論。之。外。交。有。強。弱。無。是。非。一。語。此。強。者。之。用。意。然。耳。若。在。弱。者。則。斷。不。能。因。強。者。之。用。意。如。此。而。先。自。處。於。有。強。弱。無。是。非。臨。事。默。不。一。言。但。束。手。以。聽。人。屠。割。之。理。況。今。日。國。際。之。交。涉。雖。曰。無。道。然。終。爲。人。類。與。人。類。之。交。接。苟。是。非。之。極。致。彼。強。弱。亦。終。不。得。而。掩。之。觀。彼。強。權。之。用。事。必。有。所。以。爲。口。實。者。則。強。弱。之。不。能。無。藉。於。是。非。明。矣。此。次。英。人。入。藏。爲。彼。曲。我。直。之。尤。甲。午。之。高。麗。日。尙。可。藉。口。於。背。約。丁。酉。之。膠。州。德。尙。可。藉。口。於。仇。教。戊。戌。之。旅。大。俄。尙。可。藉。口。於。索。謝。同。時。之。威。海。廣。灣。英。法。尙。可。藉。口。於。均。勢。此。所。爲。無。理。之。理。也。惟。此。次。英。之。入。藏。則。毫。無。口。實。之。可。持。強。弱。之。勢。我。與。英。殊。然。是。非。所。在。未。始。不。可。與。天。下。共。明。之。也。本。報。以。爲。國。家。宜。於。此。時。擇。一。至。貴。之。夫。臣。而。予。以。全。權。之。號。使。之。逕。至。西。藏。或。赴。倫。敦。先。與。英。人。辨。明。英。藏。草。約。不。可。以。爲。典。要。而。後。與。之。徐。圖。挽。救。之。法。按。西。藏。之。土。地。則。屬。之。達。賴。喇。嘛。而。西。藏。之。事。權。則。握。之。我。駐。藏。大。臣。此。次。

英。人。而。欲。得。西。藏。孰。從。而。得。之。必。得。之。於。駐。藏。大。臣。與。達。賴。喇。嘛。之。手。矣。故。英。藏。之。約。非。得。駐。藏。大。臣。與。達。賴。喇。嘛。署。押。即。不。足。憑。而。此。次。之。約。達。賴。喇。嘛。已。逃。匿。不。見。僅。由。其。寺。之。他。僧。爲。之。署。押。而。我。之。駐。藏。大。臣。有。泰。則。並。未。署。押。是。今。所。謂。英。藏。之。約。者。不。過。英。人。與。數。土。人。所。訂。之。一。私。約。而。已。不。能。視。爲。國。際。上。之。確。憑。也。況。究。而。論。之。即。使。有。泰。實。已。署。押。亦。不。足。憑。因。有。泰。者。乃。平。常。之。駐。藏。大。臣。非。臨。事。之。特。派。專。使。也。我。國。既。未。命。之。以。全。權。即。英。人。不。得。視。之。爲。代。表。彼。之。署。否。何。濟。於。事。而。達。賴。喇。嘛。者。雖。爲。黃。教。之。傳。衣。大。弟。子。然。實。爲。我。金。奔。巴。瓶。中。所。掣。簽。而。得。之。人。即。與。我。所。派。者。無。異。亦。不。越。我。國。權。而。以。其。土。地。私。以。與。人。也。達。賴。喇。嘛。之。署。押。與。否。亦。無。關。於。西。藏。之。存。亡。是。此。二。人。者。即。使。署。押。亦。不。足。恃。而。況。其。本。未。署。押。哉。我。政。府。若。能。灼。見。此。事。之。是。非。勿。灰。其。心。勿。餒。其。氣。安。詳。審。慎。以。與。英。人。磋。磨。以。勢。度。之。欲。使。英。人。即。行。退。去。不。復。干。預。恐。時。已。太。晚。未。必。得。成。然。必。不。能。置。我。國。於。無。何。有。之。鄉。則。可。決。者。也。若。夫。因。循。不。斷。而。僅。派。一。唐。紹。儀。以。塞。天。下。之。責。夫。稱。曰。查。辦。事。件。則。不。能。辦。理。外。交。僅。爲。三。品。京。堂。則。不。能。當。此。大。事。事。必。出。於。無。功。而。若。俄。若。美。若。法。若。德。凡。今。日。之。效。忠。告。者。皆。將。轉。而。爲。均。勢。之。說。而。中。國。危。矣。

論英國預籌永租威海衛事 錄七月二十二日中外日報

外交

一百三十七

甲辰

外交

一百二十八

九月

外交之事。有當就全局之大勢求之。而不能局於一方面之情形者。如今日英人預籌威海之租借問題。是已。按近日西報所載。有云英國將與中國妥議條約。永遠占領威海衛。雖當時約文有云。俄人若不據旅順。則威海定須給回中國。然今則英外部大臣藍斯唐君。已盡其能力。不令英人退出該處等語。此英人欲久據威海之確証也。竊謂英人此等用心。其貽患於中國者。近則足授日本以口實。而旅順雖陷。無望歸還。遠則將啟列強之貪心。而膠州廣灣諸地。益難恢復。且外人之於中國。無故而為索地之請者。實由俄租旅順啓之。投譯州而英人當日之租威海。實以抵制俄國為言。故約明俄退旅順。即英退威海。乃今者旅順已將為日兵攻破。行見俄人不能終據其地。而前此訂借之約。墨瀋未乾。英人願欲食言。而肥則列國之無故而生覬覦者。將來亦何所不至。此則威海一隅之主權。亦未必不成為中國之危局。所謂牽一髮而動全身者是也。雖然。英之欲永租威海衛也。其欲擴張殖民之政策。無可疑其欲使東方海軍多留一根據地。無可疑而就其經營屬地之事迹。與其操縱外交之權謀。察之則今之欲永租威海者。蓋實恐日俄戰事結局以後。德法兩國或出而干與其事。則英日兩國權利必致盡失。故不得不出於此也。夫英國不嘗於今年春間。聲言將退還威海乎。然就其意揣之。亦未必果甘以威海還於中國也。不過恐俄人畏敗逃之。辱先

以外交政策竟棄旅順以交還中國使日本戰後了無所得而俄轉得就此別向中國索取相當之利益故英亦先聲明若俄能退還旅順則英亦必交還威海衛以互相抵制不使俄人獨藉外交之手段得分外之利益此則前者英人欲還威海於中國之微意也而今之欲久佔威海衛也亦非其自食前言也蓋實見夫中國之力不足自保即令將旅順威海全行交還中國而他國苟以外交政策再取諸中國亦甚易威海一讓德必從膠州而擴其勢力圈旅順一還法必借俄力而占為根據地夫德與法皆俄之與國也德法之得利即俄國之得利英人安肯出此下策哉此又其力圖久佔之本意也且英之久佔威海其用意又不止此今者日人之攻旅順遼陽已將垂得而第一次戰事已將告終告終以後外交上之干涉果起與否尙不可知故於戰事未結以前日本在牛莊已有代收關稅二十年之舉此其用意皆為防遏將來外交之糾葛起見日本既獨占牛莊矣英豈肯讓威海乎英果久佔威海即其地屯駐水師則既可牽制德在山東之勢力又可逆遏法人干涉之狡謀是又其久佔威海之用意也夫日本永收牛莊關稅為自通商以來所無之創例即英之久佔威海亦為自租借口岸以來未有之創例此二者事實相因必有由始嗚呼我中國日後前途之危險固不問而可知矣哉所望我政府當此朕兆已萌之時亟籌自救之策也

俄戰爭中國守局外中立而旅順大連又適為軍事上適當之地且中俄約文第十條云
 旅順等地如俄國無軍務之危可由中國管理夫曰無軍務之危可由中國管理則當軍務
 危急之時必由俄人管理明矣旅順既歸俄人管理則俄人亦得以旅順為戰地且中國租
 旅順與俄雖與助俄有異而其應援俄國則同凡借土地借兵器兵餉於按以公法則日本
 可以違背中立之詞詰責中國青魯法戰時魯克孫布魯牙假拜拉俄道於英人以供英軍通立
 行之用法家猶以為背立之義魯稅於租借土地予中今中國既無收回旅順之權而日人又不以租地與俄責中國
 則其視旅順為戰地亦固其宜茲旅順將告陷矣然旅順既陷之後中國不得不責問俄人
 何則旅順者中國主權未滅之地也中國以旅順租俄則所借者只俄一國非謂可由俄人
 另與他國也中國以完全之旅順借俄則俄人亦應以完全之旅順還中國且中俄條約第
 十條云中國允將旅順大連不再讓與他國占踞豈中國不得以旅順讓他人而俄人轉得
 以旅順讓他人乎今日人之取旅順也既得於俄人之手則中國應迫俄人索還使俄人不
 能索還則應使俄人任賠償之責此中國應有之權也昔春秋時齊取魯鄆陽之田而晉人
 復取之以反魯二威公使日人而守此例則日取旅順於俄仍當以旅順返中國特日大無歸
 還旅順之厚意而中國亦無索還旅順之威權耳雖有公法之文亦何益哉

外交

二百四十一

甲辰

外 交

一 百 四 十 二

九 月

出使俄國大臣胡致江海關道袁資遣難民回華照會

照得東方戰局既開我國負販賣技諸小民在俄地者往往被逐由陸路逃歸又屬不許祇得西向來至俄京此等人流離異域情殊可憫業經商明外部大臣允准資遣由海關道資送歸國等因茲有王有明一人年二十七歲係直隸懷安縣人今乘德公司輪船回國給伊文憑爲此照會貴道如抵滬請祈資送回籍須至照會者

奉天將軍增府尹廷會飭府縣嚴查造言生事之人札

照得日俄開戰我國恪守局外中立一切戰事毫不干涉近雖兩國軍隊漸入內地各屬商民人等仍應照常貿易耕作不得自相驚擾乃訪聞近有匪徒造言生事惑亂人心甚或借口於前此諭令戰地人民不准登山眺望之云謂係勸令商民自行逃避以致紛紛傳說羣情不免搖動似此謠啄妄騰大與地方有礙殊堪痛恨查前因俄武庫米沙爾照會以附近俄隊之山上如有華人須用槍擊等因本軍督部堂府尹堂當念兵兇戰危即使縱令觀看而現在軍器犀利彈子所落遠及數里一經誤中輒喪性命況其隊兵駐紮附近山上不准華人登眺則又何樂而行此冒險之事致遭性命之憂是以出示曉諭諄諄切囑凡有戰國軍隊駐紮處所之附近山上概不登眺瞭望其行路之人以及牧放樵採如能繞避此路不

由戰國兵隊駐紮處所過往行走更爲妥善告示之意原係如是并無飭令人民逃避之說不謂匪徒藉造謠言冀圖蠱惑亟應嚴禁法辦一面再行詳切示諭以安衆心除出示外札仰該府縣遵即派兵嚴密訪查如有造言生事之人立即獲案稟請嚴懲特札

江海關道袁致駐滬英總領事索犯歸案訊供照會

准來文內開鬧天宮在租界挖人雙目成廢較行劫尤重公堂判永遠監禁與治其死無異尙有何從重究治耶等因准此查大清律法內載凡以一應傷人之物置人耳鼻內及孔竅中令至篤疾者如瞎兩目折兩肢之類杖一百流三千里又載強盜已行但得財者不分首從皆斬又載二罪俱發以重論各等語今鬧天宮在川沙糾衆行劫復逃匿上海租界滋事膽大妄爲實係慙不畏死之徒衡以我國刑章強搶得贓例應處決挖傷兩目法正滿流罪名輕重懸殊是以應將該犯照律從重科斷實非永遠監禁足以蔽辜且兩國和約又載有華人的犯罪由華官按華律懲治之條本道之再三奉商不憚煩勞者期於約章律法允協而已應請貴總領事查照前文仍將鬧天宮一犯飭解本道衙門發廳歸案訊供按律懲辦足緝公誼須至照會者

藏英新約全稿

按英官要挾西藏立約八條後又推廣爲十條先發覺到外務部今將十條原文開列於下

外交

一現經番衆應允按光緒十六年條約所有哲孟雄之邊界須准十六年訂立之第一款辦理再行重立界石

按突巴中英會議議定印條約第一款云藏哲之界以自布坦交界之支其及近山北流諸小河分 二現經番衆允遵除亞東而外尚有江孜噶大克地方設立碼頭

水流之一帶山負爲界 英國與西藏商民聽便往來買賣所有光緒十九年訂立通商章程中有不妥之處英國須

與番衆會商妥改一俟改定之後亞東江孜噶大克悉遵改定章程辦理番衆允訂亞東江

孜噶大克設立碼頭凡商民至印度採辦貨物往返仍可照現在行走之道轉運如另有商

務興旺之地再行商辦開設碼頭 三所有光緒十九年訂立條約之內有不妥之處須商

改一節再行另案辦理西藏須派有主權番官與本英國官會商妥改 四往來貨物英國

與番衆商訂稅則妥訂之後不得再加稅項 五自印度邊界亞東江孜噶大克邊界沿途

不得設立關卡等項如道路艱險須西藏修理以便商民往返以期無有阻滯亞東江孜噶

大克西藏應設番官英國所派駐劄之官凡有致駐藏大臣各漢官并番官公文信件概歸

該番官接收轉遞即將來別有商務興旺之地議開碼頭亦應設官做此辦理 六爲因西

藏不遵條約并差辱邊務大臣等妄動兵釁須償英國金元五十萬元合盧比七百四十萬

元按三年分三期清繳每一期二百五十萬元第一期係英千九百零六年正月初一日至

期應於何地收兌由本英國預先知照番衆或在西藏大吉嶺照派收兌 七第一三三四
五款內所載之開立碼頭第六款償費各事番衆取具必辦之保證本英國兵仍駐守春丕
俟三年碼頭開立停妥繳費告竣爲止若價費至時繳未完數本英國兵則仍駐守春丕
八自印度邊界至江孜前藏商人道經之處凡有山寨等項須一併拆毀 九西藏土地本
英國如不應允無論是何外國一概不能有典賣租給等情西藏之政事及一切應辦事宜
無論是何外國概行不得與聞西藏無論是何事業各外國不得遣發官民人等來藏協番
辦理西藏地方各外國不得前來修理道路并築鐵路安置電線開礦等事假如本英國願
諾別國修路築鐵路開礦設電線等事本英國亦一體自行檢點舉辦西藏各項恆產一切
銀業不得以之與各國抵押對換租賣等情 十邊務大臣榮與達賴喇嘛於英歷千九百
零四年九月初二日即藏歷本年七月二十三日在西藏西招簽押蓋印所用英番文兩則
以英文爲準

附中英新約略稿

聞英國邊務大臣榮赫鵬當即楊赫鵬除與達賴喇嘛立約外又另備約稿一通送交駐藏大
臣有護戎請爲簽押其文列下

外交

所有光緒十六年在噶里噶達中英商訂條約并十九年所訂約內有疑惑爲難之處番人不聽中國開導并未悉遵辦理本英國理應自行辦理特派邊務大臣榮與大清駐藏大臣有會商妥辦一切未協事宜將光緒十六年約內疑惑爲難之事本英國與番衆商訂十條大清欽差駐藏大臣有查閱無異理合簽押蓋印此次中國與英國妥商定約之後番衆不得稍有違背等情此案因光緒十六十九兩年英與中訂立條約章程內開多有爲難不妥之處番邊悉未遵辦英特派邊務全權大臣榮來邊會議不意又動兵釁致失和好此次妥立十條以期達賴與英大臣榮會商立約蓋印從此修好

中外交涉彙誌

中日 日皇特贈慶邸太陽寶星以酬議定商約之勞 七月二十九日東京電日本政府決計在湖南省長沙府創設領事館近正預備一切擬稱之爲漢口分館 聞日軍於復州設立民政廳署復州知州曹元培當飛稟增將軍請示聞所定章程多干涉我國內政增將軍當電告外務部外務部旋向日公使詢問略言貴國既無利我土地之意自斷不願有礙我國主權致啓旁觀議論今復州設立民政廳一事恐非貴國政府之意宜即行裁撤日使答謂此事極應裁去惟所定章程或與軍事有關則不能遽改云云 前東邊道袁大化在任時創辦木植公司自日俄開戰後木植爲日人所取者不少經袁在北洋戶部外務部稟請詰問日使外務部屢次照會日使現經日使復以已經將此文件郵寄本國查

辦惟鴨綠江非中立之地地方財產可照行軍通例措施非可概以中立之例相責云 七月二十三日天津電奉天增
將軍電告政府云日本軍領欲強行提取庫款以資軍用請大部速與日使商酌阻止此舉

中俄 政府接伊犁馬將軍電署謂革員王烈私逃出境現勾同俄人徧赴各卡詳測繪圖已查確照會俄員交出俄員
推諉請知照該公使速飭將犯照章交出并回本境免生枝節

中英 七月十八日天津電駐藏大臣有鑒我秦電奏到京略言現已與英人開議一切善後事宜達賴喇嘛不知逃往
何處請即傳 旨褫革 英上議院致函駐華公使薩道義君請向華政府索借舟山爲泊兵船練水軍之所畧謂舟山
在揚子江口中間地勢極勝所產土物亦豐且附近上海甯波距直隸灣五百英里距香港七百英里距高麗海腰四百
英里不獨可以屯煤更能泊極大兵船練水師足以控制長江上下設有意外之事有此足以貫通我之腦筋一千八
百四十年我英人曾占踞數月乃竟棄去彼時我水師提督哥林布曾言吳淞能并歸於我則舟山之形勢直無可譬議
即無吳淞得舟山一隅已足保我在華各處之商務俄踞旅順德踞膠州日本踞臺灣我若不占舟山誠爲失計現當日
俄失和可以保商爲詞索借舟山華政府亦不能却倘一蕃人後則又如棄碇堪未頓之事矣云云 七月二十一日北
京電駐藏大臣有護戎電告外務部云英兵入拉薩後達賴喇嘛恐懼不知所爲至於交涉事宜本大臣又不敢自專外
間雖有許西藏以獨立自主之權之說然恐英人決不允諾請由貴部奏請速派熟悉外交之大員一人爲全權大臣與
英國改訂條約云云因有 旨命四川總督錫制軍前往巴塘與駐藏大臣協商辦理中英交涉事宜旋接錫制軍覆電
云川省患旱土匪蠢起現正派兵彈壓前往巴塘之事殊屬爲難
中比 七月初十日已初 比國使臣葛飛業 覲見皇遊圖書

外交

一百四十七

甲辰

各國交涉彙誌

日韓 七月十二日日本駐韓公使林權助入韓宮商議將來韓國欲與第三國締立條約或僱聘外國人須日本許可之約從前日韓議定書亦有此條然其意義但言與第三國締立條約於該議定書之條約此次所訂則無論何種條約皆須經日本政府許可云且又要求韓政府雇聘日人為度支部及外部監督顧問往返磋商迄無定議初九日又與韓政府會商允將監督二字削去僅存顧問官名目其議始定遂由韓外部大臣李夏榮度支部大臣朴定陽簽押茲錄其條約大略一大韓政府雇聘大日本政府所推薦之日本人一名為財務顧問凡關於財務之事項一切詢其意見而後施行一大韓政府雇聘大日本政府所推薦之外國人一名為外交顧問凡關於外交之要務一切詢其意見而後施行 日本人長森藤吉郎專承開墾荒蕪原野一節韓政府批駁不允日本公使因不固執前議惟准暫從緩議云又聞韓國大臣沈相薰李夏榮二人曾與日使會商謂承辦開墾之事韓廷亦贊其意惟詳細節目未能妥善請待日後設法商定日使更告韓廷以下列綱領令其從速舉行略云一裁汰韓廷冗員二招聘日本人以督理地方政治三除皇城親衛隊之外宜裁撤韓國軍隊並聞韓國擬將裁撤駐紮外國之使臣云 七月二十六日東京電日本及韓國政府於本月十二日將條約簽字約云韓國以日本政府所推薦之日本人一名為財務顧問官照其意見整理財政以日本所推薦之外人一名為外務顧問官而總攬其外交又韓國若欲與他國訂約及其他辦理重要之外交案即如以特權讓與外人之事則當時韓國須與日本政府商定而後可

教育

慈善教育說 錄七月二十二日漢口日報

子輿氏稱西伯昌發政施仁。必先窮民無告。誠以地方之利害。關乎貧富之等差。欲使富民保貨產。須首爲貧民計。身家民苟貧而思富。且各有致富之技能。則生機益關。無慮游惰滋事矣。觀夫東西諸國。瘠啞聲響。猶立學以宏其教施。矧多數之貧民。顧可聽其無所事事。衣食乏絕。流於乞丐乎。此慈善教育之所以亟當創設也。夫括而言之曰慈善。其主義最爲寬博。非一二端美舉所能竟也。然握要而圖究。以造就貧苦俾人人操一業以自養。其生然後擴充一切。雖仁覆天下。不難斯義也。吾於北洋賑撫局有取焉。該局前總辦毛觀察慶蕃。近因辦理平糶麻袋餘米兩項。變價餘洋五千八百餘元。迺議歸天津動用。假舊南門外迤東之大悲菴。設半日小學堂一所。招集極貧子弟入堂讀書。定額二百名。分列四班。約計常年經費需洋六百元。依三年限期計之。共不滿三千元。卽由天津縣具領。發交學董妥辦。又擬由工藝局酌定廠地。爲天津貧民子弟。設工藝廠一所。招幼童學習粗淺工藝。與半日學堂相表裡。如織布織毛巾造洋棹椅等事。則令聰穎者爲之。編柳條織簸箕提籃等藝。則令稚

教育

一百九十七

甲辰

魯者習之。均半日入堂學書算。半日入廠習工藝。爲延師而不爲設食。建廠工料亦不過三千元之數。即由工藝局督修。移知賑撫局核發。窺厥用意。以貧民之多。愚也。故設法以智之。又以貧民之易惰也。故設法以勤之。其初祇冀化愚而爲智。轉惰而爲勤。漸而漬之一智可啓。百愚一勤。可警百惰。無窮而不學之人。亦無困而失業之人。而地方自治之期。當不遠矣。然則慈善教育之責任。至此即完全無憾矣乎。而未也。蓋僅就內地而言。使貧民粗知生活。即可增數百餬口之人。若對外人而論。使貧民不解競爭。終難挽從前腐敗之習。不爲立學設廠。斯已矣。既學與廠同時並建。則所招之子弟。惟魯者固多。聰穎者要自不乏。是必精加區別。寬籌經費於書算之餘。兼課外國語言。巾布棹椅之外。勉習高尚工藝。或繼之以半夜或展之以全年。雖未必能也。而期望不能不大。成就不得不宏。以待紳富之子弟者待貧苦。此輩益奮興鼓舞。互求爲有用之國民。不因卑微而妄自菲薄。庶幾一視同仁。得慈善之真髓矣。願與繼北洋而起者。宏此遠模也。

論游學不可太濫 錄七月二十六日中外日報

昔考亭之論學也。曰教學如扶醉人。扶得東來西又倒。此語最善形容人之治學。然豈惟治學行政之中亦實有此種情狀。如五六年前。朝廷未下興學之詔。天下輿論所殷殷向望。

者。惟朝廷之大開學堂耳。所竊竊私議者。惟怨朝廷之不大開學堂耳。既而學堂開矣。而所見之象。不知其意之所期。則又謂中國之設學堂。未得其道。不如遣人至外洋游學。爲有實用於是。移向者望。朝廷開學堂之心。而望各督撫之遣人游學。尤盼內地青年之備。自費以游學。乃未幾而游學之風大盛。然所見之象。其不如意之所期。則又加甚焉。今之現象。在本國之學堂。其初大抵總辦教習等。橫爲壓制學生之舉。及衝突既起。學生既散。而已之要義亦失。於是相率變其政策。易壓制爲放任。爲保全要義之計。總通國學堂而觀之。前者已進入放任時代。後者尙在壓制時代。然亦終有歸入於放任時代之勢。其於宏濟艱難之望。固至遠而無可幾矣。而出洋游學之學生。其中卓然能自樹立者。固不乏人。而就多數之所聞。則實有不可再諱者。可分四派言之。官費者二。自費者亦二。有於領咨領費之後。而挾資遁歸內地者。有流連上海。不能成行者。此爲一派。然此輩情雖可惡。而尙不至貽笑外人。其間亦有已至外國。或竟不入學堂者。或隨意入一學堂。不數月尋覺而出者。流蕩數年。無所不作。及其不可再留。然後歸國。此又爲一派。此二種皆官費者有青年子弟。爲謀樂起見。因中國風俗。如子弟無故欲一遊上海等處。則父兄國人必以爲大不然。今外國之樂。逾乎上海。而游學之名極大。無復可沮。故欲出此者衆。此又爲一派。官場中人。於迎合之外。更無餘事。

不過欲從履歷上增一特色。以爲將來差缺起見。而爲此特別之鑽資。此又爲一派。此四派者。約略舉之。不能盡也。本報以望中國和平進步爲宗旨。而尤屬望於學堂。故雖日有所聞。從不忍輕於置議。無如數者日多。一日內則爲舊黨之口實。外則爲他族所擲。揄蘊毒太深。將有他變。卽本報忍而不言。亦復於事何濟。故今不能不出其區區之誠。以告當道曰。此非游學之咎也。送遊學者。不擇人之咎也。何謂擇人。夫使以辨其身家之清白。資產之多寡。志趣之邪正。爲擇人。則上下其手。弊端百出。其弊轉深於不擇人。今至簡易之法。惟有一端。卽送遊學時。必確知其所修之業。目今所到之程度。在本國學堂。無可肄業者。然後資之以往。專門之處。盡其學。而後返。如此。則送一人。即有一人之效。而士四者之弊。不禁而自絕矣。其一。無根柢者。則皆留之。在本國讀書。而本國學堂。則不可不力求整頓。此本報之私議也。若如今之所爲。送遊學者與游學者。兩皆有損。亦奚怪舊黨之以留學生爲詬病乎。

論學堂之腐敗

錄九月二十日中外日報

近日我國。自上至下。均亟亟以籌款爲要義。其籌款之法。政府之所以施於全國者。有三。曰抽提公款也。曰清查中飽也。曰勒捐雜稅也。官紳之所以施於一隅者。有二。曰苛派舖戶也。曰抄沒寺院也。而其所以爲口舌者。在政府。則曰練兵。在官紳。則曰興學。而其用意。則皆以

急務之名爲中飽之實。其間蓋有不可知者。政府本專制之體。凡其所設施。不得以是非論。本報亦無責焉。若夫地方紳士。則固與本處之民。有骨肉之誼。而不能託專制以爲名者。而今紳士之所爲。何其專制之甚歟。平居見僧徒。不耕而食。不織而衣。不官而富。據名山。擁精舍。四方士女。趨施雲集。則以爲何以彼能如是。而我不能如是。日思紵之臂。而奪之。又見夫各業商人。歲時伏臘。醜資演劇。名曰酬神。實以自樂。笙歌徹雲。酒肴成霧。數日之間。揮霍千萬。則又以爲此何以不予我。而予彼。又日思探其囊。而取之。紳士之蓄此意者。爲日蓋久。徒以平居無事。不克行其所懷。今忽有此辦學堂之名。則平日之蘊毒。至此而大洩矣。案辦學堂之名。其可以利用者。凡數端。學堂爲奉旨舉辦之事。故遵王一派人不得而非之。學堂又爲外人許可之事故。媚外一派。人不得而非之。學堂又爲開通風氣之事故。新黨一派。人不得而非之。於是對官吏。對外人。對報館。均有可藉之辭。取憐之道。而使之不出於反對。而樂於贊成。既有此至大之題。而據多數人許可之勢。其力遂足以報平日之怨。充公勒派。惟所欲爲。不久學堂成矣。一校之成。房屋器具。飯食僕隸。儀器書籍。種種開銷。既極繁夥。且強半之事物。爲內地人所不習。知遂得任意報銷。恣其中飽。以經理學堂而起家者。已屢見其人。大率一校之中。總理教習司事等員。或以爲娛老之方。或以爲威福之地。或以爲殖產。

之計各行其事而教育一端則全置諸度外故我國之學堂養老院也棲流所也龐雜廢弛不可言狀開之八七年徒見經理者營家宅置田產執事者妻妾肥澤衣食溫飽而教成之學生則杳然不知其在然則營私負國坐耗資糧與不肖之僧徒逐利之狙僧曾無少異而吾人胡爲厚於此而薄於彼哉而況其秩序規則有不及釋氏之叢林商人之會館者萬萬也泊乎道路以目猝然有意外之事則又以爲因公見累因而重索其償上海市僧有一惡習喜以小資而保大險失火數次遂以致富市僧爲之已足爲衆所惡若士夫而爲此則中國之文化掃地矣夫學堂爲國家之命脈而我國之學堂其創始時其辦理時其終局時無一事合於理法其何怪政府之橫征暴斂哉

部奏准獎勵學生摺

本年三月十二日准軍機處抄交前署湖廣總督端方奏派赴日本畢業回國學生照章請獎一摺奉 硃批政務處議奏欽此據原奏稱湖北各學堂學生自光緒二十四年選赴日本游學歷年續派已逾百人比年陸續回國領有卒業文憑再三察核與新章應給獎勵之案相符謹繕單請獎等語臣等伏查光緒二十七年八月初四欽奉 諭旨選派學生出洋游學學成領有憑照回華卽由該督撫學政考驗如實相符出具切實考語咨送外務部復

加考驗擇尤奏請獎勵自備資斧游學者得有優等憑照回華准一體考驗獎勵均候旨分別賞給進士舉人各項出身等因欽此又二十九年八月十六日湖廣總督張之洞奏鼓勵游學章程內開在日本各學堂畢業學生由出使大臣出具切實考語咨送回國 欽派大臣照所學科目詳細考驗果與所得文憑相符再行奏獎分別予以進士舉人各項出身學問全備者從優給以翰林出身原有出身者給以相當官職並聲稱定章以前畢業學生由該督撫考驗即照新章給獎等因今據該署督單開學生劉邦驥等二十一人所請官階出身核與定章尙屬相符惟查前奉 諭旨出洋畢業學生須由該督撫等出考送部覆加考驗上年張之洞所奏章程亦請由 欽派大臣考驗再行奏獎該學生等畢業雖在定章以前辦理究未便兩歧此項畢業學生自應遵 旨覆加考驗以昭慎重擬請嗣後各省出洋學生畢業回國該督撫學政考驗相符均令出具切實考語咨送來京各項專門之學由學務大臣考驗其武備一門由練兵處王大臣考驗如果確有心得再行擬定等第交部帶領引 見請 旨錄用此次該署督請獎之劉邦驥等據稱均在日本士官學校卒業間有入聯隊學習者應令出具切實考語備文咨送學務大臣練兵處王大臣查明畢業年限是否與定章相符分別考驗遵照此次奏案辦理如蒙 俞允由臣等咨行湖北並通咨各省一

體遵行謹 奏 光緒三十年三月二十八日奏奉 旨依議欽此

山西巡撫張奏選派晉省學生前赴日本就學摺

竊查光緒二十七年八月初五日奉 上諭造就人才爲當今要務前據湖南湖北四川等省選派學生出洋遊學用意甚善著各省督撫一律仿照辦理務擇心術端正文理明達之士遣往學習經費著妥籌撥給作正開銷等因欽此本年奉准學務大臣奏定新章內開未設師範學堂省分派人赴外國學習師範教授管理各法以應急需又准出使日本大臣楊樞咨令多派學生前往日本陸軍各學校學習各等因臣查晉省士習愿慤祇以地居偏僻學識未盡開通興學則無堪勝教習之人練兵更少精習新操之士自非選派生徒出洋就學無以開風氣而育人才日本地近情通費省效速就學尤爲相宜現由省城文學堂遴派學生三十人以十人入速成師範習教授管理等法以備開辦師範學堂之用以二十人入普通學校習各門普通以期進求專門實業之學又由武備學堂遴派學生二十人學習陸軍以儲常續備軍將校之材皆屬心術端正文理通達惟晉省學生出洋就學係屬創舉查有候補道李宗棠熟悉日本情形派令先往稟商出使大臣楊樞妥爲辦理並派分省補用知縣吳春康帶領學生前往即派充監督以便照料約束務令學生專心向學毋蹈奇袤

以仰副 朝廷正德育才之至意其各學生學費雜費川資等項并監督公費等款均參照各省章程核實酌定欽遵前奉 諭旨作正開銷謹 奏奉 硃批該衙門知道欽此

山西學政寶奏考選蒙小學教習發給文憑片

再查晉省創辦學堂艱於籌款雖各屬蒙小學堂次第興立然造就教員之師範學堂則尙未暇籌及故各州縣所需蒙小學教習僅以策論一篇考取選用而風氣未開多有學業素優之人不肯應考者學少良師進益尤難奴才此次歲考各府州於未改經古爲二場之先卽定爲六門曰史學曰政治學曰輿地學曰算學曰教育學曰格致學生童中長於何種學問卽令報考某門二場覆試亦酌照此辦理參以頭場經義合三場以校定其有文筆優勝略明各種科學者每名填給蒙小學教習文憑一紙以憑各地方官查照其長於某門學問卽派爲某門教習冀得一二普通之才暫備學堂目前之用並於發落前一日傳見該生等一次考問其平日學業如何且驗其有無嗜好其中有堪給予文憑者除加獎以教育學管理法諸書外諭以方今時局阡陌人才消乏必人人受普及之教育始足以挽積弱而醫民愚果使文行兼美之儒以轉移風氣啓迪世人爲己任則世所謂名譽教員義務教員者吾人亦何不可擅此美稱各該生領受之頃亦頗有感動興起者仍飭知該管地方官如所領

文憑各生中有品行不端不稱師範之選者即行查明稟覆追繳文憑以期名實相副此不過於權宜辦法之中寓提倡激勸之意將來各屬能速籌的款遵照新章統行設立師範學堂俾蒙小學教員造就者多此舉應即行停止謹 奏奉 硃批學務大臣知道欽此

江甯江楚編譯書局條具譯書章程並釐定局章呈江督稟

事種見後

竊維作興人才全憑教育整頓教育端在書籍有學堂無教科書何以爲教有書而不能盡一教何以良頃年學堂廣開自省城高等以迄府州縣之中小學亦既次第皆興其特設除格致現擬改併外如水師陸師將備等學堂問其所以爲教率皆依稀彷彿無一定等級之可尋以故高級之書或移授下級而此校之書並不同於彼校甚有一校之中今年教習用一課本明年易一教習又換一課本而廢前教習之書者其故由於無官頒定本各學堂不得不雜取私家所編譯任聽教習之擇用而外府州縣之稍僻遠者既苦無師又苦無書徒改書院之舊名絕無教授之程式士即稍知改圖各自訪購其所能得不過前所謂私家編譯之書而詖辭邪說遂得以浸入乎人人之心學術歧而士風爲之一變其患不可勝言前憲劉會同湖廣督憲張創設江楚編譯官書局延聘通儒編譯各種教科書呈由京師大學堂鑒定原以正學術而免分歧開局以來總纂分纂未嘗不力爲其難一意編纂而迄今兩

載成書之多尙不足應學堂所需十分之二蓋編纂之書勢難以急就而碩學之士力未能多延以數人所編輯而供四省上中小各學堂之求安得有濟此則重編不重譯積久而後知其弊者也近三江師範學堂又將招考擬取生徒數百人而教科書悉無所定職道經理書局又監督三江學堂統籌全局實切疚心爰與在局總纂總校諸君悉心籌畫以爲日本興學之初其教科書悉取材於西譯而鑒定於文部厥後由學堂教授時經驗屢加更改乃成今日完善之書今官書一局莫若廣譯書而兼編纂譯出之書隨時頒發各學堂由教授時加以經驗而增刪之一學期畢仍令將教習改本送回書局重行編定則數年而後悉成完善之教科書矣夫譯書尅期可成不同編纂之遲緩祇須籌定款項擇定譯本派多人分譯將來譯費即可於學堂收回就三江師範一學而論照生徒額數派發已有三百分之多即不另行銷售可保無虛擲鉅款之虞至書局應編之書仍可照常編輯藉以標明學旨而輔助譯書所不備應請憲臺飭知省城所有學堂將每年各學應用之書開明書目咨送本局以便照譯庶不至有譯非所用之譏譯成之書即派發省城各學堂應用准其隨時更改惟改本仍須送回書局鑒定至外府州縣應請咨會江蘇江西安徽撫憲通飭各屬學堂由江楚書局出書後隨時頒發俾教科有畫一之規款項無虛糜之患此稟

寓蘇浙人擬辦全浙旅學上蘇撫條陳

一商用建設之地 設學尙無地方開辦伊始籌款良難未易遽建堂屋或借寺院暫用或借會館開設按吾浙有紹興會館吳興會館近又有新建之全浙會館規模甚大如能與同鄉商借一區最爲善便叩請憲恩酌定 二名爲全浙旅學 旅學生出身年限及一切章程請遵蘇省中學堂暨 欽定中學學章辦理畢業後請蘇撫憲考驗咨送升入本省大學日後派送出洋亦請給咨與蘇省一體派送其經費由旅學籌給所有設立章程俟開辦有日請咨明京師學務大臣暨本省撫憲立案 三堂內附設蒙學 旅學額設中等五十名專收二十歲內外之浙人子弟其十歲上下之幼童亦未便任其荒棄惟開辦之始經費難籌蒙學未能分設擬先在旅學內附一蒙學亦額設五十名即於頭班中選擇數人暫時輪教如日後辦有成效學費既充再添設蒙學以廣薰陶 四用人宜歸劃一 旅學爲浙江同鄉而設所用教習似宜概聘浙人如洋文各項浙人中一時聘請不足再酌聘外省人亦可并設師範一門以便日後教習即可取之本學無事外求 五同鄉官場集款 仕蘇浙人自道府以至州縣人數甚多有缺及有優差者均擬勸令捐廉慨助多多益善其無差缺而家道本優者亦酌量勸輸以成美舉 六同鄉紳宦集款 浙人富紳顯宦或創業置產

或解組歸田多以吳門爲養閒之地現當各處振興學務諸鉅公於本省教育自必熱心同在他鄉尤徵關切應勸首先助資提倡以慰全浙旅士之望 七同鄉幕友集款 刑錢二席浙人十居其九修理會館以及團拜向有捐款現設旅學凡幕友子弟來學者自必不少亦宜勸助學費以江南三十餘邑之刑錢各友加以府幕省幕各助若干不無裨益在各幕友梓誼有關且子弟得就學之所諒亦樂從 八同鄉商賈集款 蘇城染坊燭酒藥材等店浙人開設者居多其餘各項生意亦復不少惟皆未便勸捐俟其子弟如有來學由同人開導詢問願捐與否聽其自便 九鉅款宜請奏獎 以上助款者均作爲名譽贊成員勒石書名以誌公誼如寓公紳宦及官場能慨捐鉅金數千以上者請大吏奏明給獎 十同鄉出具保結 來入旅學者無論中學蒙學各生由同鄉出結保送註明年歲里居如無同鄉作保概不收入以免蒙混雖紳宦子弟亦一律相視 十一原籍亦得入學 浙省出仕人員間有寄籍順天及他省者原籍既係浙江其子弟自應附學惟其父兄如有差缺或家道殷實亦酌量勸其捐助學費 十二筭理由衆公推 旅學係同鄉集資所設筭理人員由同人公舉學內誠信篤實一二人充經理幹事之任其總理全學事務卽於同鄉紳宦及候補中酌選明曉學務人望允洽者不論官階由衆推舉 十三學生酌收膳資 學堂在

在需款而以伙食爲最鉅方議勸捐集費多寡尙未能預定所有學生不得不酌收膳金或全或半每年若干俟開辦時再定章程 十四經費宜籌常款 學堂須有常年的款方可經久若僅集開辦經費勢必不支同鄉官幕紳商能勸令指定確數逐年常捐庶幾加惠梓桑永無既極每屆歲杪總核一年出入度支刊刻實錄分送同鄉以昭公信并敬呈各憲以便查考

山東試辦兗州初級農業學堂章程

甲宗旨本學堂現擬改爲初級農業學堂查奏定農業學堂章程所載各種學科係就農業應備之科目分門羅列聽各處因地制宜茲擇其合於本地方情形者酌量設置不必全備

乙課程定章學堂功課係分普通實業兩科凡普通之目五一修身二中國文理三算術四格致五體操凡實業之目四一農業二蠶業三林業四獸醫現擬注重修身文理算術農業蠶業餘科緩授 丙年限學堂畢業年數定章係以三年爲限亦准視地方之情形節縮其期限現擬選爲甲乙兩班甲班二年畢業乙班三年畢業其入學年歲應以十三歲以上十五歲以下已畧讀經書能執筆作文者爲合格惟創辦伊始難得此等合格之學生凡二十歲以下者皆准入堂肄業以廣招徠 丁考試學生畢業後按照高等小學堂章程由本

府會同本學堂堂長教員等考驗凡列最優等優等中等者均准保送中學堂或初級師範學堂或中等師範學堂下等者留堂學習不願留者給以修業文憑最下等者給以考試分數單皆聽其自營生業仍造冊通報查考 戊獎勵學生畢業曾經本堂考驗給予憑照者仍俟學政按臨時覆加考試分別獎勵最優等者作為廩生優等者作為增生中等者作為附生下等者作為份生均填給執照咨部備案 以上五條皆係遵照 奏定初級農業及中等農業各學堂章程辦理其餘辦法悉載原定章程茲不復列未盡事宜隨時酌定稟明辦理

江甯江楚編譯書局章程

一請先通飭省城各學堂將現在所用書籍及各教科未備之書分別何學級何學年何學科所應用者詳細開單到局本局先甄別其原有之書合用者為之分門編目作為本局鑒定之書外府州縣學堂有編成教科書者亦准其呈送本局鑒定立案其未經鑒定者自本局定本頒發後即不准沿用以端趨向而免分歧 一查照各學堂原單未備之書分別緩急後先之序其應譯者大約普通書多可採自東邦專門書或有需於西譯均應訪購其國最善之本仍由本局詳審選定而後派人分譯以昭慎重 一譯出之教科書皆可定一學

期爲一卷陸續付印頒發不必俟全部譯成方行發刻以便教授而應學堂之急需一凡譯一書成先由本局譯員調取原本與所譯者互相校勘必與原本無刺謬失真之處而後由總分纂刪訂總校暨總校復核刊發一無論省城及外府州縣官立私立各學堂教習以本局初印之書分課教授隨時經驗若有宜增刪之處准其隨時改定年終以改定之本送回本局由總分纂重爲編定彙齊全部發刊然後遞年呈送京師大學堂鑒定俾書皆實驗課有定程由大學堂核發推而廣之各行省可期一律一譯書之人不必拘定其數延聘到局致糜費多而所譯有限今南洋各埠以及游學外邦者通譯之士甚多祇須擇定譯本分途倩人承譯計字給值則成書既速而款不虛糜上海私立各書局譯述之多率用此法惟本局仍宜聘定精通東西文者各一人專司校勘譯本原文之事庶幾核實無弊一譯書之弊莫甚於名號之不一同一物也同一名也此書與彼書異一書之中前後又復互異使閱者無所適從京師大學堂暨南洋公學章程皆有擬編名物表之說顧迄今未成本局譯書之始宜首革此弊縱不能舉舊書一一釐正而本局所鑒定所編譯各書應請總校將人名地名編爲一表而後按表以校始能畫一不訛一圖與書相輔而行不可偏廢地理歷史固非圖莫能明在東西各教科書中均無不插入各圖以便教授本局亦當延聘中

法繪圖西法繪圖各一人專繪教科書中附圖若學堂中應用之歷史地理動植物各標本掛圖將來經費寬裕亦宜仿繪若外府州縣有能繪合用之標本掛圖者准其送局鑒定立案 一本局譯印成書即按照程度相當之各學堂隨時咨送如省城內官立之三江師範水師陸師高等農工實業等學堂府縣學堂等均如生徒之額數派發該學堂即宜照局定章程付回書價至外府州縣官立學堂之教科書應與省城之中小學堂之課程一律擬請札飭各府州縣查取官立學堂生徒之額數先報本局以便照派其書價即責成各府州縣解繳除按派數收價外其餘仍登各報告白以便外省及各府州縣民立各學堂購買

各省教育彙誌

京師 華洋商業學校設在東皇城根霞公府北定於八月開學凡肄業者須年在十二歲以上十六歲以下云 掌翰林院某大學生擬將應吉士教習改請英日俄法各教習數員教習新翰林應吉士以東西各國文字法律算術各專門云 北京法國醫學堂為天主教釀金建設忽蒙 皇太后頒給內帑萬金以獎善舉

山東 登州中學堂業已落成於伏假前均陸續遷入其舊所居之瀛州書院改為師範館擬於秋後開學時再行招考學生延請在日本卒業師範生到館講習學堂左近並築閱報室一所藏書室一所不拘何等人有願閱報觀書者任其入內並無阻止

直隸 津浦線中丞近於省城特設學務處一所以期學務專責派委藩臬兩司會同督辦並遴委候補道胡觀察翔林

總司其事而以汴紳前通政使司通政使履通政璜稽察全省學務 周大令世臣前任長葛內黃均以興學爲急此次調任永城復出私蓄之五千金組織一小學堂置辦圖書延訪教員願費苦心不意該地風氣未開招考時竟無一人應募多方勸導仍無起色後見書院月課諸生童如蟻附羶乃先期示諭將前列者概入學堂或願或否均須注於卷面不能入者並須將所以然之故敘明方可否則概不收卷紛紜竟日大半皆以父兄歷制爲辭願入者僅十餘人且多非上選云

江蘇 吳縣李大令超瓊近因縣屬木瀆鎮紳士馮吳等稟稱開辦小學堂一所共招生徒三十名延聘葉洋文算學教習即日開課故特命親赴鄉親爲考查 浙江會稽舉人俞鏞等稟請蘇撫與辦全浙旅學現奉端中丞批准云 金山縣各鄉鎮民立蒙小學堂僅有四所一何氏小學校學生六十人一務賢蒙學堂學生三十人一向志蒙學堂學生二十人一正始蒙學堂學生四十人近聞縣屬涇鎮鎮明擬別設高等小學校現已籌足款項云 江甯今春創辦養正學堂於五月間停止現由學務處札委高滄縣訓導茅廣文謙接辦現已擇定江甯府學空房多間仍行開辦 江都縣屬之仙女鎮素有米木商業之市場交通便利使戶口繁盛近有葉君等聯合同志擬在該鎮創辦蒙學一所所需常年經費已有的款大約九月即可開辦 揚州各僧寺產業頗豐有志之士咸欲酌提廟產爲教育之資諸僧徒得此消息共謀抵制近天甯寺僧某備員由各寺捐集款項自行創辦學校專教青年僧徒以便官場提撥廟產時有所藉口

湖北 鄂督張官保近擬以南湖高等學堂改作南湖師範學堂以能容師範生一千人爲度暫行分別優級師範初級師範兩等即就原設南湖書院舊址改而新之 鄂省舊設之工藝學堂近擬改爲高等工業學堂而移之於武勝門外通商場又擬就其地設一高等商業學堂至新建之農務學堂規模宏敞已將落成其試驗場殆占地二千畝之廣云

湖北武高等本係兩區一爲武備一爲將弁但兩學堂均無多人張宮保亦知其弊近擬將兩學堂併合爲一以將弁改爲馬兵科專門武備附設之武普通學堂仍一律歸併武普通中學堂漢陽東門外雙街向有玉皇閣近由紳董湯某等向漢鎮巨商大賈捐集鉅資就廟內添置房舍開辦蒙養學堂額准六十名教育貧家子弟所有操衣及各項應用器物由堂發給其有自備資斧者月納錢一千概不多取

湖南 前署鄂督瀏陽譚制軍繼洵之副室魏寶珍女士深明大義念切時艱頗有提倡新學之意前於省垣第一女學堂慨捐常年經費洋五十元又臨時捐洋一百元茲又於影珠學堂慨助常年經費洋六十元臨時捐錢一百串

四川 四川溫江縣小學堂工程現經小學堂幹事白明經稟度稽察唐茂才炳文稟明縣令限同禮書在二二三甲四鄉各菴觀寺院提抽楠柏樹木數百餘株擇日砍伐興工培修學堂

廣東 近有黃紳增榮等赴督衙請將西湖書院添購地段改建學堂旋得批示略謂粵秀書院已改南番兩縣合辦小學堂則南海民立小學堂即以本邑西湖書院拆卸改建籌議極爲允當至院旁添購舖屋展拓學舍邑人相率樂從毫無阻撓足見聯合團體共圖公益閱之實深嘉慰仰兩廣學務處轉飭遵照一俟拓基購成繪畫圖則呈由該處核定程式再行詳候備案云 南海大瀝鍾君仲珪曹君仲儼近在鄉間創立高等小學堂由該鄉社學提撥銀三千兩爲開辦費已有成議

各省游學彙誌

京師 練兵處前將所定留學生章程咨送日本參謀本部而不允者四事一章程內不許自費生習武備一節不能允從因中國人才寡乏正應多方造就以期多收干城之用若專恃國家派人留學人數勢必無多未便照辦一律貼教

習一節日本不願受此名目若中國自因抱歉之故欲輸此款者須另設名目一學生回國給予千把總一節亦不能辦到因卒業學生在日本兵隊中所受之職已與守備相等豈可降為千把總云云其一未詳

直隸 直督袁宮保近者考取學生五十名內有八名已在東京留學茲經列入此次官派又山東官派生四名直隸私費生三十名統由直隸師範學堂漢文教務長孟觀臣太史慶榮師範學堂教習賀湘南君培桐送往日本留學擬以二十名送入專門學校餘則分送政法直隸師範學堂教習步廣文其語亦同往遊歷并悉官費生中五十名除八名已在東京外其餘四十二名業由該省學務處擬定學習何科長期短期今錄於下籍忠寅王用舟干振宗楊錫龍張恩毅宋兆美以上六名擬先令其補習普通學及日語至多二年為限再送大學習各種專門選科王葆真此生曾在農務本科二年擬令其先學日語一年再送農科大學選科劉吟臯此生曾在農務學堂一年擬令其先學日語一年再送入農科大學實科崔季友南樹芬蘇藝林鄭翻奎劉煥牛寶善宋汝培呂稟陞李棟董如奉以上十名師範生擬先在宏文學院習日語一年再入尋常師範學堂黎炳文杜之堂陳清震陳升之劉駿書張蘭袁仲垣王宗佑尹寶真王佐漢王化清步以峻祝寶森王錫泉沈仲沅劉書劉寶容熙劉續曾范廷榮以上十九名擬令其在宏文學院習教育學及管理法或在速成政法學校學政治法律學均聽各該生自便俱以一年卒業張亮周學彬孫鳳藻以上三名願學實業華澤灝藏守義以上二名願學速成師範 天津銀號直隸工藝總局會詳考取出洋學生計二十四人其姓名如下鄧聯鵬李志敏石錫祐王治昌齊鼎恆齊鼎頤魏潤浦李成林劉恩延謝寶清戴沂李應全金壽康王追昌陳松岩楊紹宗劉光笏張永柱金天錄馮天來張景焯陳宗蕃林瀚陳榮恪

山西 晉撫派赴日本肄業文武學生五十四名近已到京其未會考取有願自備資斧者計大學堂五人武備學堂三

人亦皆請給護照出洋游歷

江蘇 江蘇即用知縣王溯沂大令紹曾稟請遊學日本蘇撫允之茲悉聞風繼起者又有知縣朱筱震大令榮續稟自願游學亦蒙批准給咨遣赴日本並飭註冊不扣補缺資限 商務總局詳請撫院遣派學生赴日本習農工商實業已由各學堂選定學生二十名由朱別駕旭初帶同前往

江西 前練兵處奏各省均須送派學生出洋學習武備江西武備學堂派胡謙李烈鈞歐陽武余鶴松四名至日本振武學堂肄業

浙江 浙省選派官紳前往日本就學政法茲悉浙撫昂中丞業已考試咨送各給經費銀五百兩茲將學員姓名列後官則史書趙熙光丁德威杜光佑徐麟瑞陳象紱邱鴻文彭彝紳則陳漢第虞尙賢徐令譽傅彊陶保霖王珪高桐金保康袁毓麟汪希共十八人

福建 商務局及學務處近擬派人往東洋留學學務處十人專學師範期以二年為限商務十人學工業者六人商業二人森林漁業各一人期以四年為限


廣東 法政速成科考選保送各官紳姓名列下考送官紳四十一人則為朱大符陳慶貫俞聲宏黃農世孔昭森陳天球朱鑑劉學毅汪兆銘譚鸞柴起標金章姚禮修杜之秋張福照鄒永譽張樹珊古應芬陳熾昌崔斯哲駱鴻年陳融曹受坤吳天龍張樹棠駱鴻翔金福保陶汝霖鄧振廊蘇啓元莫鴻秋彭德洋梁秉鈞陳文谷拱宸 振翰李鳳威倪敏敷舒永祺公文肅陳鴻慈 特別保送官紳十五人則為潘元教胡衍鴻蔣謙黃軒佐張廷揚章若衡葉夏聲章仲希高嵩齡祈耀川朱喬嶽曾昭聲陳元壽其燠陳邦輝

教育

二百十七

甲辰

秋
意



二百十八

九月

財政

論粵省實官捐納復開 錄七月二十六七日羊城日報

粵督西征。以桂省軍務吃緊。餉源無著。奏請開實官捐例。奉旨交吏部戶部議奏。吏戶二部會商。擬照籌餉例加二成。暫行試辦。而鄙人於此有不能已於言者。夫捐納之害。昔人論之已詳。粵督甯不知之。而此次所以奏請者。蓋因餉項支絀。不得已而爲之。故有暫行試辦之說。此有識之士所宜諒其心也。雖然。天下事作始也簡。將畢也鉅。以鄙人愚見。誠有不得不總總過慮者。中國積習。去一弊難若登天。此風一開。恐異日難以收拾。且桂省軍務。非旦夕可平。試辦之說。將以軍務肅清爲究竟。抑以目前濟急爲目的。二者無從懸揣。若待肅清。則時日已長。流弊胡底。若爲救濟目前起見。則他日餉項。或有支絀。何難再開捐例。此不能不慮及者也。然則如何而可。曰。當畫明界限。認定截捐期日。昭示衆庶。毋食言。毋反汗。庶乎其可。蓋從前捐納。亦屢停矣。然因國帑不足。隨復開捐。貽天下笑。今茲之事。詎宜再蹈舊轍。況今日捐納。有萬不可開者。何則。優劣之分。以競爭之能力爲比例。競爭愈烈。則人才愈出。此天演之公例也。若捐納一開。則銅臭之夫。皆可安坐得官。而競爭之能力爲之殺。名器之

濫。孰。逾。於。此。其。不。可。者。一。用。人。之。權。操。之。國。家。東。西。各。邦。莫。不。皆。然。我。國。素。好。專。制。任。官。設。祿。尤。爲。操。縱。之。大。者。何。獨。甘。心。放。棄。蓋。納。粟。可。以。入。仕。則。權。反。在。平。民。矣。其。不。可。者。二。前。者。有。永。遠。停。捐。之。詔。蓋。見。夫。以。前。屢。停。復。開。而。爲。毅。然。決。絕。之。語。意。甚。善。也。爾。時。富。戶。殷。商。競。效。捐。輸。蓋。恐。此。機。一。失。時。不。可。再。而。黠。者。方。目。笑。存。之。以。爲。朝。廷。欲。使。人。一。時。湊。捐。易。集。巨。款。非。真。停。也。行。復。開。矣。此。舉。若。不。速。停。則。適。貽。彼。輩。口。實。而。天。下。真。以。朝。廷。之。言。爲。兒。戲。其。不。可。者。三。粵。省。自。賭。規。承。餉。閩。受。其。害。者。不。知。凡。幾。而。白。鴿。票。之。禍。最。甚。雲。帥。來。粵。毅。然。禁。止。蓋。不。欲。貪。區。區。之。小。餉。易。無。窮。之。巨。禍。也。捐。官。之。害。雖。與。賭。餉。不。可。同。日。語。然。閩。閩。之。受。病。則。一。蓋。賭。者。盜。之。媒。而。捐。者。貪。之。召。一。禁。一。開。不。均。莫。甚。其。不。可。者。四。自。前。者。捐。納。之。廢。興。爲。差。廢。是。二。者。彼。計。無。復。之。而。始。不。能。不。從。事。於。學。所。謂。陰。驅。而。潛。率。之。也。若。捐。納。復。開。則。有。財。者。納。粟。得。官。誰。復。肯。爲。學。生。者。是。於。學。務。前。途。不。無。影。響。其。不。可。者。五。科。舉。分。科。遞。減。已。奉。明。詔。蓋。以。科。舉。爲。學。堂。阻。力。人。人。應。科。舉。則。不。專。志。於。學。此。誠。興。學。之。盛。心。也。然。科。舉。只。造。就。無。用。人。才。而。捐。納。則。爲。貪。污。之。藪。即。謂。捐。納。中。未。始。無。才。然。捐。納。之。才。適。與。科。舉。之。才。成。正。比。例。不。得。謂。科。舉。未。始。無。才。而。偏。護。科。舉。也。若。謂。捐。納。可。裕。餉。源。則。

粵省科舉有闈姓承餉甚鉅。今日粵省獨開捐納。將異日粵省獨開科舉乎。故開捐即無以服應科舉者之心。其不可者六。粵督於澄肅官方整頓吏治不遺餘力。若一開捐納則仕途雜遷。毋乃與初意相背。其不可者七。貪污之吏倚捐納爲護符。蓋知己之民怨沸騰不容於大吏。則往往加捐陞級。更指他省以避參劾。甚者既參復捐以示不畏大吏。亦無如之何。是捐納直爲彼輩逃藪。而國家之賞罰不行矣。其不可者八。生計窘迫各省皆然。不獨粵也。雖粵督以粵省之財辦桂省之事。泯畛域而示大同。非他省可同論。然此例一開。何難藉端效尤。即如近日東省河務動耗巨款。使引以爲例。將何說以禦之。其不可者九。有此九害。故今日捐納一項萬不可開。如爲籌餉起見。迫不得已。亦宜明定截捐年限。俟款項一足。即行停辦。此補救之策也。今者部議已准。無可挽回。但鄙人所慮。尙不在目前。而恐他時或援爲例。故不得不披瀝愚見。力陳不可。而冀當道之熟察也。若鄙言不驗。則雖嗤爲過慮。目爲無識。在所不辭。不然。捐例雖未見明文。而復開則眞復開矣。尙何言哉。尙何言哉。

論鐵侍郎提取製造局存款八十萬兩事 錄八月十二日中外日報

今者鐵侍郎良南下之宗旨。其見諸諭旨者。計有二端。一曰考查製造局。一曰考查各省司庫局所之利弊。而究竟考查以後。如何處置。則尙未見明文。據所聞推之。則知其考查製

造局果極認真。然其認真之意。蓋欲抉其弊病之所在。以爲南方前者所委各員辦理不善之證據。將來所定之辦法。必將如電報局之有電政大臣輪船招商局之派楊京堂爲總理。由北洋特行奏保請旨簡放。使製造局之權全歸於北洋。而後止。惟事尙未行。或不能以爲據。至其考查各省司庫局所利弊之後。處置之法。雖尙未詳。然以五月二十八日。諭旨推之。恐不出釐剔中飽。提取陋規之二法。此實爲有損國體大傷元氣識者已非之矣。乃觀於近者。提取製造局存款八十萬兩之事。則知其所存主意。不必問其爲中飽與否。亦不必問其爲陋規與否。但見有存款。卽行提取而已。夫製造局之於江南全省。不過局所之一端。似無足深論。然設局已久。則自有其應辦之事。既有其應辦之事。則自有其應用之款。鐵侍郎之意。如以爲該局辦理不善。不能事歸實濟。則令其認真整頓。可也不能。欺不虛糜。則令其極力撙節。可也。今不求其端。不訊其未。遽將其現存之款。責令另行存儲。不得動用。聽候提取。初不思該款。提取以後。製造局將何所恃。以開支。何所憑。以周轉。如此而曰。籌款。誰則不能。且查江鄂兩督。今春所奏。移建新廠辦法一摺。知局中經費。每歲才得一百四十萬兩。以中國之大。南北數省之所取資。除漢陽鎗砲廠外。僅僅有此一局。而此局之經費。僅僅止有一百四十萬兩。實不可謂之過多。故立論者。但可責其經理之不盡善。而不能指爲支銷。

之。太。巨。今。乃。驟。提。其。大。半。而。去。是。則。鐵。侍。郎。此。來。並。不。爲。考。查。積。弊。起。見。而。實。爲。提。取。存。款。起。見。而。其。提。款。之。法。又。高。出。於。剛。毅。之。上。使。率。是。以。往。即。以。此。法。施。蘇。州。由。是。而。江。甯。而。安。慶。而。南。昌。而。武。昌。無。不。以。此。法。行。之。其。所。得。豈。止。八。十。萬。已。哉。即。千。萬。與。萬。萬。亦。屬。不。難。然。而。此。計。一。行。大。禍。立。見。必。將。凶。於。而。家。害。於。而。國。誠。不。得。不。爲。一。陳。之。一。近。年。東。南。各。省。民。窮。財。盡。已。至。極。境。而。各。省。疆。吏。又。以。舉。行。新。政。籌。付。賠。款。之。故。不。能。不。取。資。於。民。雖。至。失。政。體。招。民。怨。之。事。亦。復。不。得。已。而。爲。之。而。廣。西。梧。州。以。辦。統。捐。而。滋。事。江。西。樂。平。以。抽。釐。捐。而。作。亂。是。則。民。窮。思。亂。之。象。亦。已。漸。次。發。現。今。如。一。切。不。顧。遽。將。各。省。現。存。之。款。悉。數。提。取。就。表。面。觀。之。似。僅。取。之。於。官。而。非。取。之。於。民。然。各。省。無。款。可。支。必。仍。將。取。之。於。民。是。各。省。窮。而。無。告。之。民。既。出。一。巨。款。於。前。以。供。公。中。之。用。復。出。一。巨。款。於。後。以。彌。補。提。存。之。所。取。也。如。此。竭。澤。而。漁。敲。骨。吸。髓。不。亂。何。待。又。況。公。中。既。無。存。款。設。有。意。外。之。事。無。二。款。可。支。即。無。一。事。能。辦。不。知。又。何。以。處。之。其。禍。一。矣。庚。子。之。亂。其。故。多。端。然。苟。非。前。一。年。剛。毅。先。有。南。下。搜。括。之。舉。則。是。年。猶。不。致。有。拳。匪。之。亂。蓋。當。時。情。狀。實。由。先。有。剛。毅。之。籌。款。而。後。榮。祿。之。練。兵。得。以。取。之。裕。如。而。後。首。禍。諸。人。見。有。大。兵。之。可。用。又。有。巨。款。之。可。指。乃。敢。鹵。莽。滅。裂。輕。於。嘗。試。卒。致。宗。社。爲。墟。人。民。塗。炭。誰。生。厲。階。至。今。爲。梗。今。鐵。良。籌。款。之。手。段。更。辣。於。剛。毅。而。其。所。籌。

財政

二百二十五

甲辰

之款又更多於剛毅。輕則足以啓太后之侈心。必有如曩者工作頻興。糜費無節之舉。重則機勢搆會。必將復有躁妄之人。恃其款項之充足。取求之自便。輕易發難。如庚子之已事。以致不可收拾。是既以提取存款之故。重困南方。復又以巨款輸入政府之故。供其無知妄作。貽禍北方也。其患二矣。執筆人言念及此。安得不兢兢也。

論湘人欲以賑糶捐購回路票事 錄八月十六日中外日報

粵漢鐵路之利權。自由美人之手。而移入比利時掌中。於是湘人起而爭之。且謀所以挽回者。其事之聞於天下久矣。前聞湘人欲以湖南一省公款之賑糶捐。移作購回股票之用。而該省官吏。以此款業經用盡為辭。拒不見允云云。作者以其事尚懸而無薄。故不欲語諸人。然聞之而竊有所觸者。則以湘人此舉有合於提中飽之原理也。接近日朝廷之政策。日以搜剔中飽為言。且詡詡然自命為上不病國。下不病民。而惟取之於官吏。一若以此為無涉於民之事者。然中飽之說。正自有辨。譬有一例收之稅於此。國家有定額之征。民間既如其定額以納之。而官吏乃巧取於其間。而不足以額上報。是官吏之欺朝廷。而朝廷或可責之於官吏者也。若其稅本為國家之所無。或其額本非國家之所定。而官吏設為他法。巧立名目以取之。是官吏之侵漁於民間者。固不勝誅。而朝廷乃不以官吏之取於

民。間。者。責。其。還。之。於。民。而。遽。奪。其。所。不。應。有。之。資。以。歸。諸。府。庫。之。內。是。何。異。縱。人。之。行。劫。而。復。攫。其。所。劫。之。財。不。獨。無。以。服。羣。臣。抑。且。無。以。對。百。姓。提。中。飽。之。不。合。既。如。是。矣。然。則。中。飽。必。不。當。取。乎。夫。論。官。吏。之。妄。取。於。民。則。不。當。坐。聽。其。歸。於。官。吏。然。如。徑。自。沒。入。於。朝。廷。則。又。無。解。於。間。接。為。虐。之。嫌。於。此。而。有。一。策。焉。其。措。置。為。極。宜。其。理。論。為。極。當。即。所。謂。以。地。方。之。財。供。地。方。之。用。而。已。矣。此。策。有。數。善。焉。中。飽。之。資。理。宜。還。之。於。民。而。勢。不。能。按。戶。以。給。之。故。不。如。即。用。此。中。飽。之。資。以。圖。地。方。之。公。益。其。便。一。也。今。日。各。省。興。辦。諸。事。皆。苦。於。無。款。濟。之。與。其。竭。澤。而。漁。何。若。取。彼。不。應。歸。官。而。又。不。能。歸。還。原。主。之。款。其。便。二。也。官。吏。中。飽。之。源。委。既。有。確。據。可。憑。則。紳。民。持。此。確。據。以。質。之。於。官。吏。而。官。吏。無。辭。以。遁。不。獨。以。有。用。之。款。歸。於。實。濟。而。地。方。自。治。之。政。體。亦。可。以。此。為。基。其。便。三。也。此。三。者。約。略。言。之。而。其。為。益。已。如。此。矣。此。實。提。中。飽。之。真。義。也。今。湘。人。之。所。為。未。知。其。有。見。於。此。義。與。否。然。就。作。者。之。所。知。而。度。之。則。湖。南。之。賑。糶。捐。每。歲。得。數。十。萬。其。輸。此。款。於。當。日。既。為。定。例。之。所。無。而。官。吏。之。用。此。款。於。平。時。又。無。實。數。之。可。表。此。非。所。謂。中。飽。者。而。何。湘。人。乃。稽。得。其。浮。耗。之。迹。而。明。白。陳。之。於。天。下。以。移。為。購。回。鐵。路。股。票。之。用。此。可。謂。知。其。所。急。而。有。合。於。提。中。飽。之。原。理。者。也。近。者。各。報。持。論。即。以。提。取。中。飽。有。傷。政。體。之。說。告。諸。世。人。顧。中。飽。之。資。已。歸。官。吏。而。欲。其。不。奪。之。於。

官吏勢不可得計。惟使天下之人皆知中飽之提不當由朝廷提取而供其浮銷。但當由百姓提取以作為公用。而合各省之紳民皆以此和平之宗旨適宜之辦法。以非義之財易而為名正言順之用。或有濟乎嗚呼。海南紳權素重。其事有得有失。而深冀此舉之能為天下先也。

戶部等奏會議推廣捐復條款摺

竊臣部前次酌擬變通捐輸辦法摺內陳明捐復一條。應會同吏部兵部另行妥議具奏等因。光緒三十年正月十四日奉旨依議欽此。查捐升係專就文職各項核議。而捐復應並將武職一律推廣。臣等查政務處原奏推廣捐復條款內稱私罪情節較重有加倍半不准捐復之例。近年以來私罪降革人員由各省將軍督撫奏請開復者日多。一日於應繳捐復銀兩則多方延宕。或奏請免交。冒濫頻仍。不如令其捐輸助餉。尙可藉應急需。其二品以上有情殷報効者。以大員贍軍贖咎亦未便阻其輸納之忱。似宜一併推廣。四品以下私罪情節較重者。酌加倍數核收。其有報効巨款。應否准其開復原官。由戶部隨時奏明請旨辦理。惟永不敘用人員。不在此例。至降革故員。准其子孫出資捐復。應如何減成。亦由戶部核定數目。等因。前經臣部疊次片商吏部兵部酌核去後。茲據吏部兵部按照政務處原奏酌

擬降革人員向例不准捐復者推廣准其捐復並核其案情之輕重定以銀數之多寡先後片復前來臣等詳核推廣捐復各條內除四品以下加五加倍加倍半捐復原官及捐復原銜翎枝原官頂戴並三品以上捐復原官頂戴翎枝臣部現行常例均載有各項銀數應仍照舊辦理毋庸另行核定外其餘各條臣等細心酌擬其私罪情節較重者仍未便一律推廣捐復謹分別繕具清單恭呈 御覽如蒙 俞允即由臣部通行遵照再據吏部兵部片稱政務處原奏有自此次奏准之後除軍營實在戰功無論何項勞績不准奏保開復尋常剿匪不得比附援引等語自係指另案奏保開復而言若由本案奏請如虧短錢糧延欠交代降革嗣經全完河工開口降革嗣經合龍以及疏防疏脫一切命盜各案降革嗣經獲犯並先行革職歸案審訊人員嗣經審虛或被參冤抑嗣經查明代爲昭雪等類凡係例准本案奏請開復者當不在此例惟原奏未經分晰應補行聲明其中被參冤抑一條如非原參及後任各督撫並本管大臣應不准其奏保開復以示限制再臣部前此議准推廣捐輸摺內聲明暫行推廣各條係專備練兵要需除臣部現收常捐並新海防原准收捐各項及向准報効鉅款人員仍由臣部收捐照舊辦理外如係此次擬請推廣捐復各條及革員報効鉅款並降革故員子孫出貲捐復與上次議准職官捐升暨加捐遇缺先花樣者應照政務

處原奏均令在部庫上兌無論何省概不准援照奏請臣部所收此項捐款均應專款存儲以備練兵之用至捐復條款頭緒紛繁如有未有盡事宜再行商定具奏謹 奏奉 旨依議欽此

戶部議覆開辦廣西實官等項捐輸或借用洋款摺

署兩廣總督岑春煊電奏本日奉十一電 旨飭仍往桂柳一行遵於十三日由梧起程往省與柯撫會商一切後即往柳州督飭各軍迅速剿辦惟自柳郡勇變省城戒嚴柳慶兩屬防營多半調往省城防堵西省本邊瘠之區此次柳郡變亂菁華頓失戶部前撥各省協餉解到寥寥即能掃數解清亦難足用柳慶各營之餉轉瞬即無可開支萬不得已惟有籲懇

天恩 特旨允准由粵開捐實官一切捐章皆照戶部議覆政務處籌餉條款辦理只在兩廣地方設局勸辦不在別省設局招徠捐足一百萬兩即行停止雖原議有不准援照之說而廣西正值用兵之際與別省情形不同萬一部議難行則懇請 天恩准由廣東自借洋款一百萬兩仍由廣東自行分年籌還以濟急需而維大局不勝迫切待 命之至等語光緒三十年六月十五日奉 旨著戶部速議具奏欽此欽遵由軍機處鈔交到部臣等伏查廣西土匪連年擾攘迄未一律肅清前據該署督等先後奏請撥提籌給的款緩解新舊

洋款並攤派各省協餉及開辦餉賑捐輸統計所收各款銀兩爲數當亦不少值此異常支絀之時臣等百計圖維實已不遺餘力如果剿辦得手何致日久蔓延今柳州勇變省城戒嚴若不即早殲除儻再稍有疏虞恐不可收拾南疆大局攸關後患何堪設想該署督現因兵餉無可開支以捐實官借洋款爲請情詞迫切自係萬不得已之舉臣等熟權事勢之緩急利害之重輕與其借洋款而易滋流弊不如開捐輸以藉裕餉源雖臣部先後議覆政務處推廣收捐各條原爲練兵籌餉而設惟現在廣西兵事方殷餉需孔亟不得不稍事變通擬除捐復各條及報効鉅款並本無實官不准收捐外其實官捐應陞之階暨遇缺先花樣兩項捐款應准暫收如蒙 俞允由臣部酌定應行增減成數詳細章程行知遵照辦理此係因廣西軍務吃緊始爲此權宜之計仍照原奏收足一百萬兩卽行停止以示限制此外無論何省概不得藉詞援引該省亦不得再請加增該省既得捐輸大宗進項措置自易雖一時未能湊集而有此切實抵款當不難於騰挪相應請 旨飭下該署督乘此餉需應手詳審機宜悉心調度嚴飭各將領迅速奮勉圖功尅日蕩平毋再玩寇糜餉致干重咎是爲至要謹 奏奉 旨依議欽此

直隸總督袁奏推廣鼓鑄以資周轉摺

財政

二百三十一

甲辰

竊准商部咨開本年四月二十二日本部具奏津埠銀根較緊請多鑄銅圓一摺奉旨依議欽此咨行到臣欽遵伏查銅價增昂私燬漸多制錢因而日少臣自接收天津時滿市沙錢商民交困曾遴委道員周學熙趕速籌鑄銅圓俾資補救惟開局之始籌款維艱鑄本則息借商款機器則零星配集竭力經營每日現出銅圓三十萬枚發商行用羣稱便利戶部亦時來提取其餘利所入即以撥供工藝局考工廠工藝學堂蒙小學堂之需二年以來漸臻成效第制錢奇絀銅元行銷日廣核計所出僅足供給津埠尙未通行外邑疊擬大加推廣以期鑄數增多且以北洋興辦各項要政所在需款雖經臣多方籌畫時苦無米爲炊若多鑄銅元則計增贏餘亦可協濟要需惟以鑄本難籌購機費鉅旋議旋輟現經商部奏請飭下設法推廣加工多鑄儘鑄儘放總期鑄數日多銀價漸平商務日臻起色各等因自應遵照迅圖推廣已飭該局員寬籌鑄本增購機器加工添鑄以收推行漸廣之效戶部現亦籌辦鼓鑄已在津埠設局建廠年內當可開鑄惟順直幅員闊大南北交通當此銅貴錢少之時即使併力廣鑄亦斷非三五年所能足用是推廣辦法正宜多多益善也謹奏奉硃批戶部知道欽此

西安將軍長陝西巡撫升等會奏試辦陝西旗屯請用糧道報効專款以符原議摺

竊奴才升允於光緒二十五年在陝西糧道任內詳請節省浮費常年報効銀四萬兩作爲旗兵屯田專款由升任撫臣魏光燾奏蒙 俞准在案隨因甘軍駐紮畿輔餉項支絀准戶部咨於此項旗屯經費款內撥爲該軍二十六年餉需此後連年荒歉開墾爲難而糧道報効銀兩又未能如數解交是以旗屯一事迄未舉辦伏思八旗兵丁生計日艱若不設法營謀勢必貧弱交患現時陝省續備屯軍先後開辦業逾兩年該旗兵等目見耳聞已足以生其羨心而警其情志又值年歲轉豐牛籽皆不昂貴趁此舉興屯政不可再遲惟旗兵好逸畏勞久成錮習非予以重利不足動其心非策以萬全不足安其志奴才等籌畫既定先行出示曉諭許以屯軍已開之熟地撥歸旗兵墾種除滿營原有錢糧外仍照屯軍章程給餉該旗兵等始欣然踴躍紛紛投報現計挑選壯丁已得五百六十餘人續到者尙源源不絕擬於濱渭草灘一帶已經墾熟之地令屯軍讓出若干先行試種以後招集日多再行推廣俾旗兵等易謀生計可由富而強此奴才升允五年以前之夙志遲之又久始獲開端正以利之所在費必先之天下事之久議不決者無非爲經費計也查此項經費前因歲荒糧少道庫空虛奏請將二十六七兩年欠解之數准予豁免並二十八年減半報効以示體恤至二十九年以後收數較加業已規復原額計司庫現存此項銀款共六萬餘兩提四五萬兩

並將本年報効之款全數作本生息留辦西安駐防中小學堂另案奏報外尙餘銀一二萬兩擬請先作本年旗屯開辦經費以後此項專款仍照原議截儲備撥隨時奏明辦理其詳細章程仿照屯軍辦法略加變通擬議妥協再行分別奏咨總之旗兵生計爲今日萬不可緩之圖而糧道報効一款又指明爲旗屯之費款既有著事或不難此又奴才等所不能不籲懇 聖主之前者也謹 奏奉 硃批戶部知道欽此

山東巡撫周奏山東工需緊要請將雙月班次並分指等捐減成核收片
再前因惠民利津等縣黃河漫溢工用浩繁經臣奏奉部議准將常例七項捐輸例定十成銀數由山東收捐專作黃河辦工之需聲明此係山東河工重要是以准其收捐他省不准援以爲例等因於光緒二十八年九月十九日具奏本日奉 旨依議欽此欽遵辦理在案無如例定銀數較鉅捐生無力報捐每多裹足且廣西四川等省援案奏准開辦捐生祇有此數彼盈此絀勢所必然是以一年有餘山東所收七項常捐未能暢旺查前准戶部咨議覆政務處酌擬變通捐輸定章內稱凡報捐雙月班次花樣等項四品以上按五成收捐五品以下按四成收捐又新海防例實職人員如在部庫加捐分發指省自應按照減成章程核收至各省代收七項捐輸案內所收分發指省仍應查照奏准例定十成銀數收捐等因

即經轉行遵照辦理惟自部定減成新章以後山東應收之雙月班次並分發指省竟成虛設山東頗遭河患款絀用繁挪墊甚鉅全賴勸捐彌補迭據勸捐各員稟請查照部章奏定減收以期踴躍現查廣西撫臣柯逢時亦奏請減收可見部庫既經核減外省勢難獨異自應按照部章一律辦理據工款局司道詳請奏咨前來合無仰懇 天恩俯念山東工需緊要准將雙月班次並分發指省援照部章四品以上按五成核收五品以下按四成核收以廣招徠而資接濟謹 奏奉 硃批戶部議奏欽此

兩江總督魏通行各海關道遵行皂稅札

光緒三十年六月十八日准商部頭等顧問官翰林院修撰張咨光緒二十九年十二月三十日承准貴部堂照會准外部咨蕪湖華商創設鴻昌肥皂公司應完稅項由總稅司請示核飭照金陵華公司成案辦理俟新約舉辦之日起各省機器製造貨物概照新約納稅以歸一律札總稅司轉飭各稅司遵照在案金陵華公司係報運出口及分運內地銷售者准照上海織布成案完納正稅一道沿途概免重征由關分刊出口及入內地概免重征空白執照填用今蕪湖將鴻昌公司肥皂亦已一律分刊各單照辦所有廣生廠油配製之洋燭肥皂自宜一律照章完納正稅似未便再照機器磨麵免稅之案辦理蓋洋麵粉一項進口

向不完稅內地麥粉亦不收釐是以機器麵粉亦可免納稅釐肥皂洋燭向有專稅現又經外部核定飭遵若正免兩歧勢必紛紛援引辦理轉多窒礙好在廣生製造皂燭所用之油本不完稅亦非再重征如亦擬照大生紗章分運本省內地者改完統捐亦無不可相應照會查明見復以便核辦等因承准此查通州原議就廣生油廠試辦製皂繼因略有把握而油皂合於一廠事多夾雜因議另行集股特設大隆燭皂公司二十九年春開辦至七月始成前此咨呈請仿照大興麵廠專利五年暫免捐稅並援利用麵粉公司免釐分運章程辦理承准照准在案茲又承准照復前因金陵華公司蕪湖鴻昌公司同是皂廠既經外部咨明均照上海織布局章程完納正稅一道沿途概免重征又查鴻昌公司所製洋皂業已奉准照金陵皂廠值百抽五成案辦理通州大隆皂廠自未便兩歧現在大隆所製之皂江甯九江漢口均甚合銷自通州運往上游經道鎮江金陵蕪湖九江漢陽等新關五處自以照章按值百抽五報完正稅一道填用滬關稅單爲便經過鎮關則以稅單送關查驗領取轉入內地概免重征之驗單不經鎮關行銷內地經過各關卡亦卽以滬關稅單驗免重征應請貴部堂飭知上海道照備稅單編明號數尅日發下通州大隆皂廠隨時填用并分別飭知鎮江金陵蕪湖九江各關道并釐捐總局轉飭各局一體知照以免臨時枝節所有遵行

皂稅情形理合查明呈祈鑒核迅賜分別飭行等因到本大臣准此查通州大隆皂廠既仿金陵蕪湖肥皂廠按值百抽五完納正稅一道沿途概免重征自應飭令滬關刊備單照發廠填用惟查蕪甯滬等關凡遇本口廠貨運入內地及分運各口向均分備單照今大隆肥皂自必照章分備內地及各口兩項執照發廠備用如運內地者即由廠填給內地之單運各口者由廠填各口之單若必須經由鎮江運入內地是祇須由鎮江關道先行致明稅司即憑內地單驗放似不必另行備單換給期昭簡捷除照復并行江海關分備單照發廠備用暨移行外合行札飭遵照此札

推廣捐復新章酌擬條款

文職降革人員吏部原例加倍半不准捐復十三條內除永不敘用一條應照政務處原奏不准捐復毋庸核議外又原例不准捐復六條共計十八條分別比較情節尙有可原者擬請推廣酌加捐款倍數准其捐復其情節較重者仍不准捐復謹逐條開列於後 原例除永不敘用外加倍半不准捐復十二條 一休致人員 一降革人員例止准其捐復原銜降捐虛銜者 一收受陋規革職者 以上三條擬照例定銀數酌加兩倍准其捐復惟降革人員案情過重者如在臣部此次所擬不准捐復條內應仍不准捐復收受陋規如非相

沿已久者應按照後開勒派誅求之條不准捐復 一凡京察大計及隨時甄別降調革職並指明以何官降補暨外官送部引 見奉 旨改用京職者 一軍營失守城池及豐欠緣事降革者 以上二條除京察大計及軍營失守城池降革人員仍不准捐復外其餘各項擬照例定銀數酌加兩倍准其捐復 一因挾妓挾優革職者 一案關倫紀名節及吸鴉片煙身家不清者 以上二條除案關倫紀名節及身家不清革職者仍不准捐復外其餘各項非貪酷不法等重情如被參後深自檢束力除嗜好痛改前非不甘廢棄擬照例定銀數酌加兩倍准其捐復惟報捐時應另行取具圖片印結切實聲明方予收捐 一凡特旨降調革職者 一實犯姦賊酷虐不法者 一承問故入人罪及軍流等犯錯擬斬絞凌遲而囚已決及因濫刑斃命擅受釀命者 一藉端勒派肆意誅求罔念民瘼致釀事端革職者 一事涉賊私受書吏囑托者 以上五條情節過重仍未便准其推廣捐復 又原例不准捐復六條 一公罪中情節較重者 一降調後已經補官者 一廢員蒙 恩錄用者 一近京五百里內疏防盜犯特參革職者 一官員失查虧短庫項革職已將賠項交清而奉 旨仍行革職者 一失察邪教釀成滋事重案係例不准抵者 以上六條除失察邪教釀成滋事重案情節過重仍不准捐復外其餘五條擬請一律推廣即按照降

調人員加五革職人員加倍銀數准其捐復凡武職降革人員兵部原例革職者加倍半不准捐復又降調者加五不准捐復十四條內除永不敘用一條應照政務處奏不准捐復毋庸核議外其餘十三條分別比較情節尙有可原者擬請推廣酌加捐款倍數准其捐復其情節較重者仍不准捐復謹逐條開列於後 一休致人員 一降革人員例止准其捐復原銜降捐虛銜者 一因挾妓挾優革職者 一收受陋規革職者 以上四條擬照例定銀數酌加兩倍准其捐復惟降革以下三條應仍按照臣部所擬此項文職捐復各節一律辦理 一軍政參劾及隨時以闕冗懈弛等語參劾者 以上一條除軍政參劾降革人員仍不准捐復外其餘隨時參劾者情節尙有可原擬請一律推廣按照例定銀數革職者酌加兩倍降調者酌加一倍准其捐復文職仍應先行具呈吏部武職仍應先行具呈兵部俟詳查案情核定銀數咨行戶部由戶部分別專案彙案具奏以免辦理兩歧 一凡特旨降調革職者 一實犯姦賊酷虐不法者 一案關倫紀名節及身家不清者 一事涉賊私囑託地方公事者 一軍營失守城池革職者 一打仗不力失誤事機尅扣兵餉營兵噪變者 一縱容弁兵擾害閭閻失事起釁者 一縱容弁兵參養盜賊以誤拿良民指爲盜賊私用非刑害人致死者 以上八條情節過重仍未便准其推廣捐復京外旗綠各

財政

二百三十九

甲辰

營武職從一品正二品例內並無准其捐復原官明條今案照政務處一併推廣原奏自應比照辦理查例內凡係准其捐復原官者其銀數均係按照捐復原銜例銀加倍此次推廣武職大員捐復原官銀數亦擬按照武職獲咎大員捐復原官頂戴例銀加倍作爲此項捐復原官例銀再行酌加倍數定爲報効鉅款數目其文武降革人員案情較重此次不准推廣捐復者如報効鉅款亦應約略酌加倍數謹分晰開列於後 一京外綠營武職從一品照捐復原官頂戴例銀加倍應銀一萬一千五百二十兩正二品照捐復原官頂戴例銀加倍應銀八千六百四十兩均即作爲捐復原官銀數 一京外旗營武職例定一品捐復原官頂戴照提督之數如捐復原官加倍應銀一萬一千五百二十兩二品捐復原官頂戴照總兵之數如捐復原官加倍應銀八千六百四十兩均即作爲捐復原官銀數惟正一品武職爵秩最崇應不准推廣捐復原官 一文職四品以下武職副將以下情節較重此次仍不准推廣捐復者 以上所擬各項捐復原官銀數係爲武職獲咎大員格於捐復之例者酌定如情殷報効統照此次所定各銀數酌加三倍至文職四品以下武職副將以下情節較重此次仍不准推廣捐復者擬照例定捐復原官銀數酌加四倍均即作爲報効鉅款數目降革人員於捐復原官後擬准推廣捐復升階升銜酌定銀數謹分晰開列於後 一捐

復升階如降革人員原有捐保升階擬俟捐復原官後再按照升階例銀分別公私罪名酌擬銀數如實缺人員原有捐保在任以某官補用升用選用候補人員原有保俟補缺後以某官補用升用者即以知縣而論業經捐復原官若再捐復原有陞階如原有同知陞階因公罪降革者應照捐復同知銀數扣除捐復知縣銀二千六百四十五兩再捐銀八百八十兩因私罪降革者再加銀八百八十兩仍作爲補缺後同知餘以類推 一捐復陞銜如降革人員原有原保陞銜擬俟捐復原官後再按照捐復原銜銀數核收三成准其捐復原銜降革故員子孫出資捐復原官原銜頂戴翎枝酌定銀數謹分晰開列於後 一降革故員准其子孫出資捐復原銜銀數公罪按一成五核收私罪及獲咎大員統按三成核收均准其捐復故員原官若並捐復原銜頂戴翎枝再按一成五三成銀數減半核收並准其捐復故員原銜頂戴翎枝 以上各條內如係因案降革情節尙有可原以及隨時參効休致各員凡係例准捐復原銜者此次臣部按照政務處原奏會同擬定推廣准其捐復原官或應加兩倍或應加一倍或應加半倍或應行減成其案情銀數均已詳細奏明如蒙 俞允應俟具呈到部查係吏部兵部分別核定案情准其捐復之條再由臣部查核銀數相符即行兌收捐款核准捐案如例應引 見之員隨時具奏例不引 見之員併案彙奏以免煩瀆

其定例原准捐復之案自應仍照舊例辦理至文職四品以下武職副將以下情節較重此次仍不准推廣捐復各官及綠旗各營降革武職大員其有報効鉅款者應具呈戶部由戶部查核相符再行摘敘緣事案由開列奏 聞恭候 欽定俟奉 旨准其報効後作為捐復原官再由臣部兌收再據政務處原奏內稱三品以上大員有情殷報効者以大員贍軍贖咎亦未便阻其輸納之忱似宜一併推廣應否准其開復原官由戶部隨時奏明遵 旨辦理等語擬請嗣後如有獲咎文職三品以上及四品京堂情殷報効應由臣部隨時酌核請 旨辦理至降革五六品京堂及翰詹科道等官例不准捐復原官者如報効鉅款應按照例定捐復原官頂戴比照各項捐復原官者如報効鉅款應按照例定捐復原官頂戴比照各項捐復原官較捐復原銜加倍銀數再行酌加三倍應否准其報効奏明請 旨遵行

各省財政彙誌

京師 外務部前因駐華各使以優待領事為請特允領事初到任隨帶自用器具免稅並照向章免征各國外部特寄領事署官用紙筆各項之稅德使近又照請外務部通飭各海關並擬定辦法以免每次往返筆墨之煩所擬辦法如下每逢駐中國某口某國領事署准本國外部文開發去箱子一隻裝載該領事署辦公所用紙張信封鋼筆頭漆縫文書鐵綫打字機器國旗等類則該領事署立即轉知某海關並附送本國外部發來文書原文內書物件如數詳細開明如

另有提貨單亦并送往並將箱上如何字記號數逐件開清海關始允免進口稅放行外務部因即通飭各海關照辦

前因練兵需款曾經戶部奏准飭下京外各官竭力報効業已奉 旨通飭茲聞京外各官報効之款均經先後奏明解

交計共收有二百餘萬尚有數省未解云 戶部議設銀行一事商股既不易招鹿尙書擬由官先籌二百萬金亟行開

辦茲由戶部擬定章程三十二條當即移咨各省轉飭各屬遵辦 各國近已允令我國自滄浦江惟須歲籌四十六萬

圓爲歲修經費江南一省止籌得二十三萬刻外務部咨請川省歲籌十三萬粵省歲籌十萬

江蘇 各省督撫前奉 諭旨裁汰局所騰挪節省釐別中飽業經札飭各司道核實樽節在案茲悉甯藩司詳復每年

司道各府州縣節省銀一萬七百兩蘇藩司詳復司庫外銷項下每年騰出銀一萬兩各屬州縣每年樽節銀一萬一千

兩 洋商入內地貿易條約向無明文今有日本商人吉野販運物品多種來揚試銷頗能獲利第二次所販之貨又益

增多已爲鎮江關扣留蓋並未納稅分運例得一律充公也 泰興土產酒爲大宗江藩司前曾委員前往創辦酒捐近

已設局開辦

安徽 安慶開埠會載各國商約刻由林總稅司擬於八月內來安慶查勘商務及進出貨物以便設關收稅

江西 郵局既訂新章准釐局抽收貨稅江西牙釐總局特就南昌郵局左側白馬廟內設立局所專派委員就近稽征

先從絲綢等貨辦起大約每兩納稅七文布棉等減半一俟省會辦妥即須推行各屬

廣東 直隸永定河水勢陡漲南四南二工漫口經直督袁宮保奏奉 諭旨飭即趕籌堵築並電致粵省請籌解賑款

聞已允籌解八萬兩先交商號匯兌四萬兩餘四萬兩陸續解往茲查得此次粵省籌解銀兩將來擬照案開捐歸補

貴州 黔撫李中丞因黔省境接廣西恐匪徒攔入添練兵勇分駐黔桂交界而黔疆瘠苦無款可籌奏請撥照廣西餉

財政

二百四十三

甲辰

捐成案辦理七項常例捐輸及分缺先分缺間本班儘先三項小花樣以濟餉需閱已奉 旨允准

各國財政彙誌

韓國 日本前擬在韓國創設日韓銀行茲悉韓人與日人本有同情此次設立日韓銀行咸推日本青木子爵爲總經理已有成議其所以必推子爵者蓋銀行本爲營利事業而日韓銀行之內容則與普通銀行大有區別於實業上兼有外交之關係故經理茲事之人必持重而有特識者乃能勝任

日本 日本戶部核算軍費從戰事初起至七月底爲止已用去日金二萬萬元其中百分之七十用於國中百分之三十用於國外 日本政府現已籌畫補救戰後之財政故大藏省諸員極思推廣出金之數今查得國內藏產之金核計值日銀二十兆元近考察之而知以後所出之金可使倍於現在云 日本郵便局素准人民存款生息自開戰後各處郵局所收民間存款日多上月至截至所收存款總額共三千四百萬圓至本月忽增至三千五百餘萬圓該款存戶共四百零六萬六千二百七十六人以前年最多之額較之存款共增三百二十四萬五千五百五十八圓存戶共增八十八萬八千六百十人亦可以見日本人民之信賴政府矣 聞日本政府向於次期議會以軍資增收之目的提出食鹽專賣與絹織物稅案已經大藏省議決又擬以茶稅屬之於新稅之部且擬行舊租稅之增徵惟尙未豫算終結云

俄國 六月初八日倫敦電駐英俄使近得俄京消息謂俄政府已備有三年軍費第一年則備旅順失後力圖恢復之用第二年則備籌辦滿洲善後事宜之用第三年則備進攻日本之用 近聞俄政府定議民間所存之金若經存置多年不來支取者應歸爲國庫所有其核查貯金金額方法業已下令於全國貯金銀行俄政府收此存金之意蓋欲籌至一億留云 七月初六日倫敦露透電斯丹達報莫斯科訪事報稱俄國已向法國借到新債一百兆羅卜週息五釐按

百分之九十九零四分之三交納分六年償清云 初七日倫敦電按露透電俄京訪事所傳消息內稱俄皇有旨爲因特別稅費之阻滯着發大藏省四年之保票籌餉一百五十兆羅卜 合美金十 週息三釐零十分之六云 北京電駐俄華使胡惟德電告外務部云俄政府雖曾派遣運動員前往比國募集公債然其事不成遂不得已現已決定將俄國帝室財產暫充軍費 東京電巴黎發刊之商工新聞於五月二十四日報上載云俄國銀行於五月二十三日新發行二千萬羅布之銀行券又五月二十五日諾復安烏列米亞新聞載云俄國自從開戰以來所發行之銀行券總數今已達一億一千萬羅布

英國 星加坡改用金幣不准銀圓入口久已大張文詰無如各埠商民犯禁者多近有人抵坡爲總差搜出英國舊銀百三十一圓日本銀二圓又有人攜有舊銀千九百八十圓均以有干厲禁扣留捕房 栢靈電英國顯宣明代土耳其擔保出利三釐借債與土國以便還清俄國賠款以後英國在土京之勢力及土國在大丹尼爾之地位可以堅固云 德國 俄國欲向德國借美金五十萬鎊聞已有人駁駁 德國千九百零三年之出入兩款業已算定惟短六百三十四萬四千馬克

巴拿馬 柏林電稱前巴拿馬以本國銀圓爲通用銀幣茲已改用美國金圓云西報論曰巴拿馬改用美國金幣乃該國之一大進步蓋以金圓爲主其幣價與各國相同商家匯兌無金銀時價漲落之弊商務必大有起色

美國 美國財政報云新金山紐克史省新立銀行計股本美金五十萬圓每股五十圓聞須另備資本二十五萬圓故售票時每股須收七十五圓擇於西八月開設在華盛頓街

墨西哥 美國溫故報云墨西哥土著大半爲印度種及歐印雜種皆受西班牙人管轄披覽墨西哥史乘知西班牙今

財政

二百四十六

九月

日在墨之勢力猶強盛也然說者謂詳察其現在財政該國將來必入美國之掌握麥克來曾於商務上證明其所以然之故曰美國以四百餘兆之金圓爲墨國礦產牧場之用且於其國內得鋪設五千英里鐵路之權其他農業工業亦會墨之舊法而做美之新法又美商得踰其拉烏格蘭江而擇相宜之地以貿易一千九百零一二年間墨國商品之輸入美國者除銀幣外值美金三千九百八十七萬三千六百六圓而美國輸入墨國者值美金四千三十八萬二千五百九十六圓二國貿易之旺出人意表墨西哥之將來從可知已

實業

論興實業在先籌通運 錄七月十六日漢口日報

中國內地之製造減色。實業未興者。非盡由機器之難購。工師之難覓。物料之難求也。實以水陸運道。均極艱澀。除長江支河名城大鎮外。餘多窮僻州縣。深阻山谷。外有貨而不能入。內有產而不能出。明知航路鐵路之當開。而既乏鉅富。又少公司。涓滴之財。安能創遠大之舉。所貴有經理之責者。相機審勢。徐圖開通。為吾四萬萬生靈謀一永霑利益之長策也。知要哉。商部頭等顧問官張殿撰季直也。彼以通州實業增多。需用物料亦多。咨請江督設立蘆船於通州就近之天星港。以為往來通滬小輪卸料之步。並擬將內河外江小輪併合為一。集股擴充。沿用前此大達小輪公司之名。名曰通州大達輪船公司。其上海小輪船步。亦擬設法擴充增設。且稱查本年五月間。西報載英德兩國政府。催成淺水小輪多艘。本月又見兩國租借洞庭鄱陽湖游弋之報。體察各國。均欲及旅順得失未決以前。各行其分。占中國商界之政策。華民若不就地蚤自為計。剝膚之痛。即來何堪。設想是則。因時推廣。不僅為通廠運料計。尤不僅為通州行旅計。推其用意。蓋思藉通州一隅。以為之倡。冀各地方。聞風

實業

一百三十三

甲辰

爭起以爲之繼。吾三復斯說。竊歎吾鄂上五府天然膏腴而通運道路之設法開濬益不容須臾緩也。攷鄂省所轄區域下游一帶州縣濱臨江湖者甚多。其轉運諸物也。順而易。上游一帶州縣險阻崎嶇者不少。其轉運諸物也。逆而難。當此創興實業整頓工藝之秋。正宜取地利之未闢者。從速闢之。舉土產之未呈者。次第呈之。而要非化紆爲直。改滯爲捷。不爲功。誠鑒英德近事。置淺水小輪多艘。以數艘達襄河。使漢水東西所出之產。來滙於此。以數艘達沙市。使南漳房寶諸路所出之產。來滙於此。又於水陸交線之地。分築鐵路。聽地方富有賞本者。量力集股。廣開公司。章程不必繁以簡。明易行爲要。規模不必大。以開通無礙爲宜。安見鑛業林業蠶務漁務之不日新月盛。挽回利權於無形乎。若概以荒僻棄之一任。百物菁華。長此封閉。以待外人之發洩。是果如張殿撰所慮。甘受剝膚之痛。而不之覺也。必自斃矣。貧弱云乎哉。

興漁業說 錄第二十四期商務報

自庖犧氏結繩爲網罟。而漁業遂爲水利之大宗。後世因之。毛詩有多魚之頌。春秋有矢魚之文。禮月令季冬之月。命漁師取魚。天子親往。遂嘗魚。先薦寢廟。夫取魚不過細民之一業耳。而必天子親臨之。且必薦於寢廟。著爲令典。則鄭重於漁業。可知西人於各業。皆設有公

司。漁業尤爲講究。如捕鯨捕鯊之屬。並有專門公司。年來電學盛行。更製有電汽捕魚器具。法以玻璃空球。納入網內。沈於海中。貫線出海面。電發則球自生光。羣魚即應電而集。起而獲之。無漏網者。日本更由國家設有捕魚學校。凡在校中卒業者。皆須由農商省大臣派往外洋船中。操練捕魚之事。三載方能自行謀食。蓋各國之視漁業。至爲重要。非徒以開商民之利源也。且與海權有最大之關係。按各國公法。沿海之地。皆有領海界限。其界限視精遠之礮彈所及爲止。近以礮彈所及愈遠。故已由三海里漸展至十海里。所謂領海者。平時捍禦邊警。及戰時局外中立之界限。亦即保護魚利之界限。其兩國分界處。往往各以兵艦守之。美國於領海十二英里內。常有兵艦檢查。各國每有因爭漁界而開衅者。如前月英俄兩國。因白令海峽捕魚一事。至特訂專約。其關係之重爲何如者。我國未嘗不知從事漁業。浙江定海一邑。其恃漁以爲衣食者。百數十萬計。卽直隸之天津。山東之登州。福建之廈門。廣東之潮州等處。以及長江一帶漁戶。亦不可勝計。然業此者皆墨守舊法。用力多而成功少。且衝風冒險。往往有失足落海。下飽蛟鼉者。則何如外洋各漁業公司。廣製機網。連檣採捕。力少功多。且不冒險之爲得也。近者某國商人。知我國不諳捕魚新法。且不知聯集公司。特就上海創設漁業公司。擬集股一百七十萬金。藉以囊括我漁利。侵占我海權。我商民若不

亟行設法以爲抵制將沿海數百萬漁戶必有不保生業之一日抵制之法安在亦惟自集公司自購機網自造漁艇以興漁業張海權而已矣查各國每捕漁艇一艘其機網俱全者爲價不過五六萬金而我國沿海各漁戶與魚行之有極大資本者殆未可以悉數十萬八萬之款料亦不難籌集誠使廣設漁業公司用西國新法採捕並稟請地方長吏歲時派出兵輪周巡一二次以資保護則外人知其無利可圖雖臨流生羨自必有知難而退者惟此事務宜從速興辦若待他人公司已成成效已覩則接踵而起必至爭趨並集成一彼衆我寡之勢屆時我即欲聯集公司恐利權已失莫能挽回故目下能廣集公司有五利焉增進利源一也保全海權二也新法採捕力少功多三也漁戶生業不至損失四也預阻外人使難擾奪五也詩不云乎迨天之未陰雨徹彼桑土綢繆牖戶願我商民協力圖之毋謂陰雨未至而姑緩徹土之謀致他日有綢繆不及之慨也

論紙業宜改良 錄第二十五期商務報

我中國爲世界文明初祖而所以傳布其文明者莫尚乎紙刷印術其次也當造紙術未發明以前中國所賴以傳布文明者曰竹簡曰韋編曰籒帛西人所賴以傳布文明者曰木葉曰羊皮曰硝皮

西國古時多取樹葉以作書後或書於羊皮書於硝皮現與國有念
安者搜羅甚富大半從埃及得來近將所有送歸奧京之藏書樓其間一係希臘

術。而紙之用以宏。西歷九世紀之初。五代石我國馮道又發明刷印術。而紙之用益宏。自有紙。以為傳布文明之憑藉。於是世界上竹簡。韋編。縑帛。木葉。羊皮。硝皮等。皆退聽於無用。西人之造紙術。後於我國。西人之刷印術。仿於我國。乃綜核全世界最近之產紙額。我國轉不能爭雄競勝於其間者。曷故。

考西歷一千八百五十年。即咸豐三年全世界製出之紙類。約為二十二萬噸。及至去歲。經西人

古華魯利魯氏之調查。其產額已突增十二倍。約為二百六十二萬噸。其中惟北美合眾國。多至一百二十萬噸。幾占總產額之半數。次則英國有四十萬噸。法國有三十五萬噸。德國有三十萬噸。合歐洲諸國計之。當為一百三十六萬五千噸有奇。至言其價值。則約為日本金八億萬元。見政務通報噫。非業此者之競求進步。曷克臻此。

試更以我國言之。我國所有精潔細白之紙。皆產自皖鄂贛閩等省。至下等紙則隨在皆產。然每歲之輸出外洋者。即以前年論。僅三十三萬三千五百三十三擔。價值關平銀三百零九萬八千五百兩左右。而日本每年輸出之刷印紙料。至值日本金八十六萬四千餘圓。反多於我國一倍。我國進出口紙數見海關通報。日本產紙數見政務通報。則我國產紙之額。僅足以步武日本而不能駕

實業

一百三十七

甲辰

乎。美。英。法。德。諸。國。也。明。矣。夫。以。我。國。人。口。之。蕃。版。圖。之。廣。而。產。額。乃。僅。此。區。區。甚。至。不。敷。本。國。之。用。每。歲。尚。須。購。五。六。十。萬。金。之。洋。紙。以。附。益。之。我。國。紙。業。之。不。振。如。此。亦。安。望。與。他。國。爭。雄。競。勝。乎。

雖然。爭。勝。之。道。無。他。汲。汲。焉。改。良。其。造。法。已。耳。查。內。地。自。來。造。紙。之。法。大。抵。以。竹。簧。構。皮。等

為。原。料。而。化。以。鈣。養。淋。以。柴。灰。迭。經。水。漂。火。蒸。日。曝。諸。方。法。以。成。之。門。見。上。期。本。報。第。一。其。粗

者。則。用。竹。簧。或。用。稻。草。以。為。原。料。造。法。雖。大。同。小。異。而。為。工。較。簡。然。要。皆。我。國。千。百。年。來。相

傳。之。舊。法。未。有。進。步。難。冀。暢。銷。且。舍。構。皮。竹。簧。稻。草。等。以。外。不。知。用。他。物。為。原。料。即。能。暢。銷。

不。能。廣。製。按。西。人。紙。料。取。諸。木。皮。布。片。者。為。多。與。蔡。氏。古。法。無。異。史。稱。蔡。倫。造。紙。取。楮。而

造。之。之。法。則。用。苛。性。曹。達。名。者。入。沸。湯。中。融。化。其。原。料。及。將。入。槽。乃。以。蜀。葵。根。汁。傾。入。俾。其。滑

澤。美。觀。以。求。速。售。二。見。本。報。十。一。冊。一。其。取。材。既。富。可。以。化。朽。腐。為。神。奇。其。製。法。甚。新。可。以。省。更。番

之。蒸。釋。故。雖。尋。常。稻。草。亦。有。製。為。上。等。紙。者。某。日。本。人。在。上。海。設。廠。購。收。稻。草。製。為。上。等。紙。則

我。國。今。日。之。業。紙。者。何。可。不。亟。圖。改。良。耶。

夫。木。皮。布。片。一。切。之。原。料。我。國。固。極。優。足。而。以。之。造。紙。又。我。國。本。有。之。舊。法。自。我。失。其。舊。法。

不。能。利。用。此。原。料。而。輸。之。他。人。以。致。洋。紙。之。攪。入。者。日。益。多。土。紙。之。製。出。者。日。益。少。馴。是。不。

已。其。不。至。盡。奪。我。利。權。盡。絕。我。生。業。不。止。近。日。我。國。官。紳。罔。不。竭。力。振。作。以。圖。改。良。商。部。既。特。籌。鉅。款。設。官。紙。廠。於。上。海。贛。撫。夏。中。丞。又。派。學。生。東。遊。日。本。專。習。造。紙。術。凡。可。以。扶。植。紙。業。啓。迪。紙。工。者。皆。不。憚。研。求。不。惜。煩。費。以。爲。我。商。民。謀。其。利。益。誠。當。今。急。務。也。當。此。各。國。文。明。勃。發。之。時。代。即。新。聞。雜。誌。一。項。而。論。全。世。界。每。年。所。出。約。共。三。千。四。百。八。十。一。兆。六。十。一。萬。紙。亦。足。見。文。明。之。程。度。愈。高。則。紙。貨。之。需。用。愈。廣。我。國。業。紙。者。果。宜。如。何。改。良。以。期。前。途。之。發。達。商。界。之。光。榮。也。哉。

外務部奏英商凱約翰請辦安徽鑛務改定合同摺

竊臣部於光緒二十九年十二月十四日准英國駐京大臣薩道義將英商凱約翰與安徽巡撫所立驗鑛合同函請核復前來當經臣部電咨安徽巡撫詳細查復旋准該撫先後電咨稱皖省前有英商凱約翰遵章承辦鑛務經前任巡撫聶飭商務局於光緒二十八年四月與訂歙縣銅陵大通甯國廣德潛山等處勘鑛合同二十三條以八箇月爲限先後連展四限每限三箇月扣至二十九年十一月止去冬凱約翰於未滿限之先來皖願將原定歙縣大通甯國廣德潛山等五處刪除改爲開辦銅陵縣之銅官山一處惟查原議合同開鑛限期至百年之久地下鑛路至三十八萬四千畝之多未敢率行定局相持多日凱約翰膠

執原約未能就範合將地圖說略暨原訂合同約據咨請核明辦理等因前來臣等查該商原定合同內第十三條所訂期限年數多至一百年向章實無此辦法第十九條所指地段見方三十里居該縣全境三分之一且東西南三面均侵入鄰縣界內名爲銅陵縣一處實並其所除之大通鑛地暗包在內未免占地太寬窒礙難行經臣等迭次面加駁阻該商總以原議六處今只承辦一處業已減無可減爲辭至期限年數太多尙肯略爲減少復經臣等堅持面議多次磋磨逾月該商始允將地段縱橫各減十里計見方二十華里其地面除蓋廠挖硿外均准民間照常耕種及各項正用年限則按照雲南成案以六十年爲期並於合同內聲明如屆期彼此均願展限則展限惟展限之期不得逾二十五年之久其餘各條核與臣部奏定章程均屬相符間有字句未協之處亦經細加酌改以期周妥茲將改定合同二十三條謹繕清單恭呈御覽如蒙俞允即由臣部與該商訂期畫押作爲開辦之據謹奏

署閩浙總督李奏閩省設立鑛務總公司派員辦理情形摺

竊查光緒二十九年八月初六日欽奉上諭商部奏擬設立路鑛農務工藝各項公司著各省將軍督撫會同籌畫悉心經理等因欽此臣因閩省鑛產甚富辦理尙無成規致爲外

人覬覦必須招商集股設立公司方足以自保利權擬將通省鑛務均歸商政局統轄督飭商會紳董糾合殷富仿照湖南辦法先行設立總公司分廠承辦業經 奏明在案伏查閩省連山千里鑛產頗饒外人豔稱已非一日徒以籌本不易鑛學未興初則創始維艱不免貨棄於地繼則句申百出終至利屬於人若不早自爲計攘奪紛來流弊胡底近年湘鄂各省經營鑛務大都先行派員查勘擇地圈購卽一時無款興辦亦可留俟後圖而以湖南所設總公司章程較爲妥善亟應變通仿照期總全網現擬就省城設立福建全省鑛務總公司卽派總辦商政局前福建按察使楊文鼎現任鹽法道鹿學良爲監督分派委員馳赴各屬會同地方官確切查明境內共有鑛產若干分別官地民地已採未採詳細報明註冊除先經奏定暫歸華裕公司限內覓地之建汀邵三府鑛產另行核辦外其餘通省產鑛山場統歸總公司主持管理不准他人包攬總公司辦鑛區域分爲兩路以甯福建建二道所屬爲北路以興泉汀漳龍二道所屬爲南路南北兩路各派總理一人分任其責兼司本路購地鍊鑛各事查有在籍候選道羅忠堯以派爲南路總理丁憂在籍前江西撫州府知府何剛德堪以派爲北路總理均受成於總公司刊發關防俾資信守應需本銀卽歸官商合力籌集仍先酌撥公款陸續收購股票以爲提倡補助之需總公司開辦之初應先延聘鑛師

分途勘驗酌設鍊廠就地收砂遇有勸獲佳鑛查係官地應歸公司註冊管業如係民地即由公司定價收購將來或招商承辦分設公司或酌派員紳自籌開採視集股之多寡次第舉行所有本省外省紳商人等有願籌集資本請辦各路鑛務者祇准指定一鑛作為總公司之分公司按照總公司所定章程切實遵守無論何人概不准逕自請辦以一事權此外民間資本無多用法就鑛自行開採者悉聽其便惟所出五金鑛砂概歸總公司作價收買設廠鍊售應抽鑛稅即就鑛砂價內照數扣解以重國課似此變通推廣庶足以隱杜侵越開關利源謹 奏奉 硃批戶部知道欽此

安徽巡撫誠會同兩江總督魏奏安徽先設全省鑛務總局以保利權片

再時局艱難開關利源為當務之急皖省重山磅礮鑛產甚繁特以民間惑於風水大率置諸不顧到任後即飭商務局對切諭導並邀集廉正紳商妥籌辦法旋據該紳江蘇候補道蒯光典等稟稱現已公同商酌擬請先設全省鑛務總局以保自有之權利以立開辦之基礎惟民志未一必得公正紳士隨時考察調護應公舉鄉望素孚之正紳專司其事仍請另派廉明委員監督經理以期聯絡而事當創始需用浩繁擬由紳先籌銀十萬兩更請酌撥官款以助之一面仿照湖南辦法廣招股本以厚商力凡以前已辦各鑛及業經議定之處

仍照原案辦理其有遵照新章請辦或已議採驗未領執照與夫未辦者均歸總局核議但勘鑛不精開採即難收效擬延著名鑛師派員偕往各州縣會同官紳確查鑛產分別官地私地何等鑛質有無妨礙詳註於冊爲次第開辦張本等情稟請奏咨並據商務局司道具詳前來正在核辦間適准商部咨欽奉 諭旨福建興泉永道袁大化著發往安徽辦理全省鑛務欽此仰見 朝廷興利惠民之至意伏思鑛產乃天地自然之利若開採如法經理得人則因民之所利而利之裕國便商兩有裨益該紳等請先設鑛務總局爲自保利權起見所擬辦法亦均屬目前切要之圖且原議本擬公舉正紳與大學士孫家鼐等所奏若合符節自應俯如所請仍官督商辦俾有責成將來袁大化到皖即飭總理其事並將一切章程責令分別妥議詳請奏咨立案屆時再由選派監督官一員專司稽查征稅各務以期互相維持謹 奏

直隸延慶州設立種植局栽種各項樹株稟

竊奉本府札開以王政首重樹桑地道獨稱敏樹種樹之利古人言之甚詳宜屬十州縣地高山多田少平壤尤以種樹爲宜通飭各州縣傳諭城鄉各紳董保甲實力勸導凡有主曠地飭令業主自種無主曠地以及道路公地城郭官地或由公釀或提公項或由官籌款分

別栽種得利分別歸還公分或充本地學堂工藝等善舉各從其便勸種樹株卹資成公正紳董保甲辦理由該州縣查驗成活各若干報府立案復勘如每年內能種活若干株以上或數年因樹木枯敗砍伐照數補種倘補種多於前次數倍者均由官酌給獎賞花紅匾額紳董保甲一體給獎若有曠地不種種而甚少或成林後砍伐不補種者即由官量加懲罰仍令補種紳董保甲知而不舉懲罰亦如之首舉者免議並嚴禁盜砍偷伐之人隨時保護如查有盜砍偷伐者准由本主紳董保甲人等送究照例計贓治罪並飭將違辦緣由及示諭章程稟報查核等因遵查卑州地方四面皆山去冬經卑職親督練勇巡緝盜賊順便查看各山石多土少間有可以開墾之區其石多難墾者同各處村頭地角道旁河邊均栽種各項果品以及松柏桑榆楊柳等樹不但十年可獲厚利而山內有人種地居住亦可使賊匪斂跡不敢以山林爲窩巢曾經擬請招股墾地種樹稟蒙憲臺批准照辦並行知農務總局轉咨農務學堂撥給桑秧先後奉發三萬株領回栽種因聞宣郡種有榆秧並經請領二千株復由卑職自行籌款購買核桃數萬枚杏核二石又自山東運來湖桑洋葡萄等項悉皆種於城關內外並經出示勸諭紳民無論何處隙地一律栽種各項樹株官民並舉官栽者作爲官產民栽即作爲民業特在州城西關濟孤寺設立種植局將護城河挑挖深通栽

種藕秧孳薺並將城西北一帶城壕河套地畝撥夫開墾預先購買桑椹二千三百餘斤淘洗晒晾取淨桑子普種所墾各地隨時澆灌桑均生長出土可望暢茂約計總有數十萬株將來就近移種易於成活較之遠赴省城請領尤爲捷便茲奉前因當將札文給各紳董閱看商酌辦法查明卑州境內本年官民新種各項桑樹共三萬一百餘株又以桑子種出桑秧約數十萬株又種洋葡萄百十棵楊柳松榆等樹共種數萬株城東北護城河套地內共種藕秧孳薺數畝以上各項均屬暢茂惜乎所種核桃全數霉爛所種杏核亦止生出杏秧數百枚餘俱未出總由天旱地燥所致至於集股開墾地畝一節因地瘠民貧集股甚難祇好暫緩辦理惟種樹亦關緊要業已遵照本府札飭示諭紳民人等一體遵照由該紳董鄉地認真勸導準於來年春融再行普栽樹株官種歸官民種歸民其民於民地種樹者不必報官以免因報受累如有民於官地種樹者應行報州驗明存記以憑查考種多種少悉聽其便不必督責過嚴反致視爲畏途然須有人勸戒方能感動羣情應將種樹較多之勤民及勸辦得力之紳董鄉地分別酌給獎賞匾額並將抗不栽樹之惰民及勸辦不力之紳董鄉地隨時量與懲處謹稟

商部頭等顧問官張殿撰鑒咨呈兩江總督魏議創南洋魚業公司文

實業

一百四十五

甲辰

光緒三十年四月初九日承准貴大臣照會開准商部咨光緒三十年三月初一日准軍機處片交本部具奏翰林院修撰張謇條陳魚業公司辦法一片奉 旨著商部咨行沿海各督撫妥籌辦理欽此相應傳知欽遵等因到部查原奏內稱整頓商務莫如籌辦各項公司廣興實業是以臣部擬訂商律上年十二月間先將公司條例奏請 欽定頒行在案茲據江蘇在籍翰林院修撰張謇條陳魚業公司辦法呈請核准試辦前來臣等竊維中國地勢東南瀕海延袤七千餘里魚鹽大利世所著稱迺自中外交通淺成商戰之局若我內地華商及時聯絡奮興多集公司與之角勝則中國固有之利尙不至見奪於外人今張謇請辦魚業公司實爲自保利權起見擬請准其在江北一帶招集商股按照臣部奏定公司章程妥籌酌辦一面由臣部咨行南洋大臣江蘇巡撫轉飭該屬文武各員實力保護勿得稍有膜視至沿海各省均有魚鹽之利臣部併擬咨行各該督撫查照該修撰所陳辦法勸諭紳商分別籌議以振商務而關利源等語相應恭錄 諭旨並節錄原奏咨行貴督欽遵查照辦理務將籌辦情形迅速咨復本部爲要等因到本大臣准此合行照會希將如何籌辦情形見復施行等因承准此查上年冬間德商在膠州灣創設中國魚業有限公司其集股章程內第二條指明在東亞細亞海濱用挖船新法獵取洋海之魚及各項捕魚事業核之公

法各國領海界限不合慮其侵我國之海權奪我民之漁利是以條陳商部請各省自設魚業公司集股試辦公司事成由各省派游弋兵輪每季周巡一二次以資保護荷由商部奏奉 俞旨飭部咨行自承准照會後即於四月廿四日至上海就蘇松太袁道籌商并就上年招股之榮華洋行德商文寶林探訪所設公司情形據稱上冬已有一較小之船由德國開來在膠州左近洋面先行試捕船長十丈寬二丈機網俱全不設電燈魚已不少惟青島一處銷路太窄運至上海各魚行不肯包買多半腐敗現欲將此船出售索價六萬兩可以減至五萬兩并可代僱一人同來教導惟有三事相商一附股一須有辦事權一買船時勿說明捕魚隨告以中國沿海各省本有魚業公司但局面不大今年奉 旨令各省集合同公司現在南洋北洋均已辦本處所辦公司股分均已集足無須添股至教導捕法本須延聘洋人屆時由公司作主酌定訂請該船價值則須看船後議定公司訂購合同不能不將買船捕魚據實載明若居間人別有用意不說捕魚則公司不管一再申說該洋商更無辯難接時度勢竊以爲各國以商市魚肉中國之風其來已久其脹益大中國商業若不能隨事早占一分地位爲逐步自衛之基將來美國托辣斯猛劇之風更從太平洋排倒而來中國民生更求何處立足魚業一項即據德商所擬創之規模挖船十二號運船二號勢已

磅礪中國魚業江北濱海一帶漁戶勢散蘇松亦僅有漁團之虛名惟浙江甯台溫三府魚團辦法較有聯絡之意若不趁外人未有銷路之時爲全局之布置自固藩籬將來外人見我銷行獲利句我濱海漁戶爲之鄉導廣銷內地其患不止虧損公司并且占我大衆漁民之利此就已經著見情形與蘇松太袁道籌議之大要也因其情形酌量辦法以內外界定新舊法爲宗旨以南北洋總公司爲綱以省局縣會爲目以官經商緯爲組織各國領海界大約以近海遠洋爲分別近海爲本國自有之權遠洋爲各國公共之路我之沿海魚業在隨近海岸一二十里以內者居十之七在大洋者居十之三我既圖以新法抵制外人挖船捕魚自宜在遠洋布置近海一二十里仍留爲我尋常小船捕魚之利外爲內障內爲外固可以相資爲用而不相妨所謂總綱如此不立總公司則氣不固而力不厚江浙閩粵四省皆屬南洋先立總公司則目前有一氣團結之先聲各省有斟酌施行之餘地此以總公司爲綱總公司其名也實事在四省自立公司然不可複公司名擬名某省局四省舊俗彼此不同四省舉辦先後不一或分或合各聽其便以江浙論目前可并則并宜名江浙局凡鳩集股分仿造新式船網皆局任之會卽就各州縣漁團保甲之法而易其名兩省可一局一省不必一會卽如江可分淮海揚通蘇松太浙可分杭嘉湖甯台溫各就其地聯之以會使

隸於局分類編船分船編人分人編姓使皆瞭然易查易察此以省局縣會爲目若何而能使沿海漁戶樂於有會而受局之保衛樂於有局而不受外人之勾引爲去其平昔輸納各衙門陋規之擾爲保其平昔洋面被盜失風之患我實利彼彼乃附我若何而能去陋規能護劫盜商力不及必倚之官欲製造新船新網而無式也須買德船欲保衛海權漁界而不失時也須速買德船然甫議公司資本未集此五萬兩買船之款何自而來非請就近由蘇松太道撥公款墊辦不可此項撥款卽作官本與商股均分所入之利息此項利息卽供魚政上辦公經費及調撥兵輪之用此以官經商緯爲組織之一旣合四省爲南洋魚業總公司則舉辦之始至少須一省二船約計四省須八船今如江浙合局一省二船約共四船除現擬買德船一艘外尙須仿造三艘江局分江南一艘江北一艘浙局分温台一艘甯波一艘暫時不用小輪運船按其資本須四十萬兩以外約以四千五萬兩計除擬由官撥五萬兩外仍須由公司集股規銀四十萬兩兩省分認各集規銀二十萬兩爲製造船網及經費之用公司集股辦事擬各就地舉董經理而集成於官亦擬請 國家特設此專管魚政之官庶官事不攝而商情易達此亦組織之一以上各節皆與袁道疊次討論計議意見相同日內擬先派熟於機器測算之人前往膠州察看該船如果可用再行就滬議價訂購其價

值先由袁道設法措墊以應事機一俟此節辦有成緒即行電達其公司局會集股辦事詳細章程當隨時議訂分別咨呈事關海權漁利創辦之始不敢不慎之又慎須至咨呈者

山東農工商務局通飭派員分赴各州縣調查物產札文

附凡例十七條

照得本總局詳請撫憲於本局附設物產調查所札委候補知縣本局文案姚鵬圖試用縣丞王達爲調查所委員並蒙撫憲轉行商部咨飭各省調查土產業經本局飭令開具簡明手摺限一月內稟覆各在案正核辦間復奉撫憲札知五月十四日恭閱邸抄奉 上諭欽奉 懿旨自本年爲始各該督撫將州縣任內興建學堂幾所種植工藝巡警諸要政是否舉辦一併分別優劣開列簡明事實不准出籠統寬泛考語摺到後著交政務處詳加查核分起具奏請旨勸懲等因欽此查光緒二十九年十二月二十九日業經札飭商務如栽樹養蠶墾植工藝爲民興利等事由農工商務局注册列表自本年起年底密封移司報院候核茲奉前因合行札飭札到該局即便欽遵等因到局考之周禮大司徒辨山林川澤邱陵墳衍原隰之名物旣言辨則一名一物之功用蓋無弗知又訓方氏正歲則布而訓四方而觀新物布者布其表式也訓者訊也觀新者觀其新出之貨新創之法也蓋成周之時司徒一官於九州物產知無弗周而又立訓方一職每歲廣頒表式考察新物故其時農工商業

均有考驗比較而日臻於盛國自致於富強後世商官不立工部惟司土木此事遂廢雖號稱重農之國而史無農家專門之學本實先撥遑論工商日趨貧弱由是漸矣本總局總理農工商務於本省物產雖屢經考查尙虞不賅不徧遺漏孔多尤以新法日興壅於聞見爲懼是以設所派員專司其事特立表式分行各州縣以師周禮訓方之意所至即便照式填寫注固不得以空稟搪塞亦不得照錄舊志物產名目敷衍了事務宜將現在情形詳細查核逐項分別注明方足以備稽考而立振興實業之基礎所有表式四紙凡例十七條合行札發札到該州縣聽候委員親資本局刊印空白調查表前往會同查核詳細填表稟覆以歸一律而免參差本總局卽於年終據表移司詳請撫憲彙案出奏此札 凡例一總目分爲四門一曰植物類二曰動物類三曰工產類四曰鑛產類二植物類之子目凡分九門一曰五穀二曰雜糧三曰蔬四曰果五曰桑類六曰木七曰藥八曰茶九曰草三動物類之子目凡分六門一曰飛禽二曰走獸三曰家畜家禽四曰蠶五曰水族六曰昆蟲四工產類之子目凡分七門一曰服用二曰器具三曰釀造四曰農蠶具五曰機械六曰美術七曰雜具五鑛產類之子目凡分五門一曰五金二曰煤三曰石四曰食鹽五曰雜質六填注表式分爲四項一曰種類及產地二曰價值及釐稅三曰銷場及運路四曰產額及比較七種類應注

明所產有若干種何種最多有何功用可製造何物如有特產與尋常種類不同者尤宜詳記產地應注明該貨出產之坐落地段或宜詳畝數若干或宜詳業戶幾家分別登明八價值應注明最高最低酌中三等數目並詳物價漲落時候及其原因釐稅應注明納稅之地係何關卡納稅之數每年若干納稅之法論斤論件值百抽若干如有報効銀兩及他項捐款者一併登明九銷場應注明大宗運銷出境之數及本地零銷之數運路應注明內地運赴何處出洋運赴何國及由此運彼中間所經關卡一併登明十產額應注明本年閩境出產之數比較應注明上年閩境出產之數以便考察衰旺均須登明十一除以上四項之外植物類宜詳樹藝之法動物類宜詳參養之法工產類宜詳製造之法鑛產類宜詳開採之法此四項專門依類分列尤宜詳細注明十二鑛產一門須分別官辦商辦已開未開其開採停採之年月或停或開之原因及鑛地係在鐵路附近三十里以內者均須詳注列入產地項下十三鳥之羽毛獸之皮骨以及竹頭木屑等物為製造之原料大宗其價值銷場均宜分別詳注不得僅列鳥獸草木之名十四工產原料未必皆係土產其有取材異地者宜於產地價值運路三項下附注明白如德州簾帽辦之叭噠草多從關外運來者皆是十五百物皆有定名而方言各異宜將土人稱謂之名附注於種類項下以為博物辨名之助如

玉黍謂之棒子又曰包米鳳仙花謂之指甲草者皆是十六各種物產宜備置標本隨稟呈送來局以便發交工藝局陳列所俾得研究參考漸圖改良之法其體質龐大性不耐久各物應准暫免呈送十七此項表式係遵照商部來文另行詳細核定以便據表逐項填注所有部頒簡明表式即行存儲本局俟該州縣稟覆到日由局彙齊遵填詳請咨覆以昭畫一

商部咨行農工商綜計表填註格式

一各省已辦農工商諸政若局廠學堂公司等項無論官立私立均須列表咨部備覈 二局廠學堂公司等項每所為一表不得併立 三表式大小悉照部頒尺寸刊刻填註以便彙訂成帙不得歧異 四表式分十一格按格填註如左第一格大書某省某局 第二格建置 第三格地址

填註設於某府某縣之某地或若干 第四格員董 填註總辦某人及各項辦事人如農務須註明機關官私地畝若干 第五格賞本 填註官款若干

及各項辦事人員若干如有洋工程師教習洋匠等更須註明 第五格賞本 填註官款若干

下標撥私立註冊若干每年分學堂經費若干共若干股 第六格規則 填註辦事章程若干條及一官股或商股或洋股或華股各若干均須分列填註 第六格規則 填註辦事章程若干條及一

填註原委 第七格決算 填註開辦經費若干及盈餘花紅等項均須分別填註 第八格程功 填註

辦有何等新製物品共製若干品商標若干員農務若干處有何種利益抵制輸入品 第九格咨報

辦有何等新製物品共製若干品商標若干員農務若干處有何種利益抵制輸入品 第九格咨報

項注其年月日立案查部 第十格提要 項注該局廠學堂公司等 第十一格隸入 項注該局廠
之局廠等項名目 五凡隸入之局廠等項有事實可報者仍另立一表按格填註而於建置
公司學堂做此 六此表每年一編責令該局廠學堂公司等自行按格
 格內添註隸入某局字樣餘做此
 填註呈報彙咨到部備案

外務部與英商訂立安徽開鑛合同

安徽商務總局前於光緒二十八年四月間與英人凱爵約翰代倫華公司議訂勘驗鑛務
 合同指明歙縣銅陵大通甯國廣德潛山等六處准凱爵約翰派人前往勘驗現經勘明願
 將歙縣大通甯國廣德潛山等五處刪除專辦銅陵縣屬之銅官山一處彼此議訂開辦合
 同開列於後

計開

一此次所開銅官山之鑛名為安裕公司該公司舉凱爵約翰為總董經理其事 二合同
 議訂後如奉 旨批准即按第五條知照安徽巡撫准凱爵約翰於銅官山之鑛派人前往
 開辦 三安裕公司前經先糾資本英金六千磅經已用去現再行糾集資本英金六千磅
 此資本隨後酌加以不出七百萬兩為額約合英金一百萬磅照開鑛應需銀兩之數而定

所糾之股俟議定每股若干登列報章華洋兼收公司應設華總辦一員英總辦一員互相稽查帳目凡與中國官紳商民交涉歸華總辦管理凡開鑛工程銀錢進出歸英總辦管理廠內除管理機器或須聘用洋人外其一切工作執事人等均應多用華人該公司從優給與工價鑛廠相近應設華分局派華人勸租地畝隨時稽查完納稅餉等事各員薪水開支均由該公司按月支送 四開鑛地段應於未動工以前詳備圖說將開洞蓋廠挖溝處所逐一標註明白知照商務總局派員會同地方官查明果無窒礙即向民間議購或租俟有成說該公司即備款交商務總局購租承受或交地方官覈實發給不得私相授受如地面上有房屋樹木水井池墻凡以人工成本造成產業無論拆毀留存應於地價外照市價酌加其地段劃定界址以足敷造廠挖洞各項鑛工所需爲限不得任意多佔該公司鑛洞外之餘地未經租購者與公司無涉仍由原業主造屋種植作各項正用惟除已開在先之鑛外不准再在界址內開採鑛質 五此合同自奏准簽字後即由外務部知照商部發給開鑛執照並知照安徽巡撫按照第三第四兩條派員會同辦理一切凱爵統翰代倫華公司接到准辦執照即將報効銀兩限一禮拜內照數交付現銀此報効銀兩照目下已糾集之資本英金一萬二千磅百分之一計算俟此本隨後增加則隨時仍按所加之數呈繳報効

銀百分之一倘資本陸續增添過一百萬磅報効之款亦應陸續添繳其開辦限期自奏准簽字之日起限十二箇月如逾限期不開即將合同作廢報効銀兩亦不得索還 六該處鑛質一經出洞按實價照以下抽稅煤斤鐵錫砂白礬礬砂等類值百抽五煤油硫磺礬砂暨銅鉛錫等類值百抽十金銀白鉛水銀等值百抽十五鑽石水晶等物值百抽二十五均作為落地稅其餘出口銷售經過洋關應遵章納稅不在此列至落地稅一項如將來改訂新章有增減之處他處公司均照新章完納該公司亦一律照辦 七倘須築造鐵路以便轉運鑛產應准造至最近水口為止所造之鐵路不准載客運貨 八附近開鑛處應設鑛務學堂一切薪水經費均由公司籌給 九凡開辦所需機器材料等件除運自外洋照章歸海關收稅外內地釐金概不重徵如在內地採買材料經過關卡停船聽候查驗如查明實係運往開鑛處所准給執照免釐放行如有夾帶別貨走漏一經查出照章罰辦 十該公司開辦之後每年除支銷各項費用並納完租稅外所獲淨利照公司成本實數先提出股利一成即值百抽十倘除外仍有餘利再以二成五報効中國 國家解交安徽藩庫 十一所指鑛地界內如有華民已開之鑛該業主自願或租或賣請將已用成本換給股票作為股本各聽其便惟須由商務總局三面商允不得私相授受該公司亦不得勉強侵奪

至定界之後敢有在界內私挖者應即由地方官禁止所有雇工夫役人等倘有損傷致命由該公司給資從優撫卹 十二該公司所開鑛場地方官應保護如有需兵力彈壓者中國祇代就地招募華兵其餉械各費均由該公司自認不得藉端自行請本國兵或請別國兵挾制 十三該鑛以六十年為限限滿之後即將所有鑛廠房屋基地機器料件一切全行報効中國交商務總局管理如六十年期滿時彼此情願展限則可展限惟所展之限不得逾二十五年之久至開辦以後每年進出帳目須於年終繕寫四季清冊四分先經華英總辦覆明畫押一分送交商務總局三分由安徽巡撫分咨商外戶三部備覈中國 國家祇按所出鑛產徵收租稅該公司如有虧折與中國 國家及商務總局無涉 十四該鑛所需地畝如係民地則照市價購買官地則備價承租惟民地雖購買過戶執業仍須照中國所定田則完納錢糧 十五公司所應用地畝或租或購自應公平給價不得強佔抑勒地主亦不得抬價居奇並不准以有礙風水藉詞撓阻如實有關礙該公司應和平安商優給遷移資費或設法繞越以期融洽不得勉強如該地主不願領價願入股分即按照原值給予股票為憑 十六如將來安徽巡撫在皖省給予別商採鑛利益所訂合同不得優於此合同至定限交款開辦日期已於第五條內言明一經逾限即作廢無用 十七此合同

訂立係遵照光緒二十八年二月初八日西歷一千九百零二年三月十七號外務部奏奉旨批准鑛務新章酌定倘有未盡事宜合同內未及備載者亦均遵此項奏定鑛務章程辦理 十八該公司承辦鑛務總期與居民利便願報効現銀一萬元交地方官作為本地善舉義舉之用以便愜洽輿情並遵照凱爵約翰代倫華公司與安徽商務總局於一千九百零三年三月三十一號簽訂合同呈繳勘鑛展限報効銀四萬元 十九該公司專辦銅官山一處鑛產其下鑛路四面邊線各二十華里應於圖內畫定界線附此合同存案無論界內開挖鑛洞若干處所用鑛路總不得逾此圖畫定界綫之外其地面上餘地仍照第四條准原業主作別項正用惟原業主及他人均不在界內開採別鑛致碍該公司鑛利倘該公司開挖鑛路損傷地面以致坍塌房屋壓斃人口牲畜該公司均應從優償卹 二十該公司在該鑛所獲利益願以除去股息並報効中國 國家二成五外之餘利每年酌助該處學堂積穀經費由地方官轉給以聯情誼但此項經費須俟餘利之多寡由公司酌定地方官紳不得勉強 二十一該公司既在中國境內開鑛如有華人犯事應交地方官照中國律辦理該公司毋得干預倘有與外國人交涉事照約章辦理 二十二此合同自奏准簽字後發給執照即作為批准開辦之據所有光緒二十八年該公司與安徽商務總局議

訂勘驗合同並光緒二十九年三月初三日即西歷一千九百零三年三月三十一號之續
合同一併即行作廢 二十三此項合同分繕華英文各五分一存安徽巡撫衙門一交該
公司收執三分存商外戶部衙門備案

大清欽命外務部右侍郎伍押

大英男爵安裕公司總董凱押

光緒三十年四月二十二日

西歷一千九百零四年六月五號

各省農桑彙誌

山東 濰縣北境土性膠粘惟種五穀烟草南境黃壤極與花果相宜所出之桃李杏柿林檎蘋婆香梨葡萄桃皆味甘水
足爲他縣之冠今屆諸果成熟有用火車運至青島銷售者哈蜜瓜尤爲特出惟不能由火車轉運 近聞招遠文登棲
霞海陽榮成等縣開墾荒地極其踴躍委員督辦盡力所有荒地已墾成三分之二 棲霞山多田少鄉民於山上徧栽
柞橡等樹以備喂養山蠶所出之絲名曰山絲以之製袖亦頗堅韌凡養山蠶於春日揀繭產蠶至五月結繭者是爲春
繭於初伏日揀繭產蠶至八月結繭者是爲秋繭惜民皆拘於成法但知選繭之極厚極大者留爲蠶種於擇蛾揀子一
切新法概不研究以致蠶瘟遞生傳染甚重今年養蠶者蠶甫送至山中僅十餘日竟至林空如洗到處皆同蠶戶俱蒙
陸察

河南 祥符縣荒地甚多近日汴撫論清源局遴委幹員分赴四鄉清查辦理墾荒

江蘇 省垣前設蠶桑公所招民領種桑株惜無廣場試種前有某員稟准江督將新造三江師範學堂東首荒地數十畝收入大興種植由官督辦定名為江南樹蠶公所

浙江 長山門外直達錢江一帶均係無主之地茲有人稟請承領一千畝照則認賦設立農桑會招人開墾分按地勢種植桑麻禾果類如桔槔戽車諸具悉用東洋新式利便之器所需資本擬集股份五千金并收畜飼蠶

福建 農桑總局為廣開風氣起見除委員收發蠶桑外又諭董二尹赴鄉推廣勸導二尹曾自備資斧於癸卯十月初十日就鳳山寺開局與辦聞有某員尤費經營並諭陳董兩紳會辦董二尹接諭後即赴各處開導且自行捐資購桑分送五萬有餘從者三十有三鄉近聞民間互相栽種遍野桑陰今春奏佩鶴學使按臨該郡以該職員盡慶餘勸辦蠶桑並捐資分送桑秧足見留心時務實事求是甚為嘉獎董二尹凌學古嘉獎後尤振興精神商於各紳董云桑已栽種等可迭與當保送在地生童若干名充入總局辦事旋蒙該總局督辦何黃兩觀察抽選藝徒在局肄業該紳等又自行赴局稟請一切

四川 成都內城隙地甚多前經某將軍設立蠶桑局一所勸諭旗民種桑飼蠶現在大有成效本年并設局投資蠶繭云

蒙古 內蒙古伊克昭西烏蘭布通二盟及東西河套山西綏金等地經民間私墾大半現在官為經營一律墾成膏壤所出穀米以薩托清等廳太汾平蒲各府收買為最多然亦有水地旱地之別近則開溝築渠引泉灌溉頗著成效

各國農桑彙誌

緬甸 緬甸今歲禾苗甚旺近海低窪處雨水調勻一無災害腹地雖時有旱之患然亦無大損傷近來墾田畝年有增添前不過一千一百三十五萬五千六百十四英畝今則增至一千二百五十九萬五千一百五十六英畝該處新維薄河尚在興工開墾合計水田增多一百餘萬畝旱田則增多二萬有餘畜牧亦增多數倍云

韓國 韓政府現已決定將許有荒蕪地及礫山等特權之農墾會社解散已命其官內協辦補籍和告知駐韓日使日本在韓所設之荒墾公司現已撤回 又日本招募韓工一事鄉民間之皆甚愁慮因將來韓國工人必致因此缺乏故也 日人要求韓國荒地一事韓人仍力拒之而日政府暫時亦不逼迫

美國 本年美國各地種植棉花之面積共有三千一百七十三萬三千七百七十一依葛之譜比諸去年曾增二百八十二萬三千十六依葛蓋緣去秋以來棉花價貴以致農戶開墾荒蕪播種棉子或麥類草糖蔗而植棉者亦不乏

中外漁業誌要

江蘇營鎮近郭月樓觀察現札飭所屬一律按照准行之張殿撰所定漁業章程妥籌興辦

韓國 平安黃海忠清三道之捕魚權讓歸日本一事現韓政府已會同日使訂定專約條款如下 一、日韓人民來往兩國海濱捕魚均已盡定處所韓以平安黃海忠清三道沿岸之捕魚權特許日人日本當即以伯耆因幡但馬丹後九州沿海等地之捕魚權讓與韓人 一、日人在該三道沿海捕魚期限自光武八年六月四日起以二十年為滿一韓民在日本伯耆等地捕魚期限亦定同上之年限 一、日本漁民不得犯韓人已業漁業之場所若一有妨害立即懲罰其肆行暴舉者押交附近領事處加處嚴辦 一、詳細規則悉遵捕魚章程施行

各省礦務彙誌

實業

一百六十一

甲辰

北京 近聞英使在外務部會議將開平煤礦准歸華英合辦由直督派精於交涉之員前往開平辦理

直隸 房山縣屬琉璃河西南三十里三流水之寶金山金苗甚旺近有景某自備資斧延請礦師前往勘驗所產甚佳且有礦穴六處驗係前代礦穴曾經封禁並有原設石塔隨將金沙試煉其金甚佳聞已赴外務部商部稟請啓封開採山西 汾陽縣西南孝義縣西北接壤處煤產甚旺向由兩縣人以土法開採遇水即廢如賢者村煤礦初採煤多而佳後亦以礦井積水而廢今各國游歷人員多往該處探察邑尊莫大令諭令本城商富集股開辦煤油公司旋有某紳出而設法集股矣

江蘇 句容所屬龍潭煤礦由官商合股開辦現已出煤查該礦仍用土法開挖其地離江口甚近故販運頗便惟所出之煤土名軟白灰大塊極少力亦不足凡製造廠均不合用僅代柴薪水氣多而易熄故銷場未旺

安徽 皖省礦務前經孫中堂奏准自行籌款興辦並請 飭派袁觀察大化前往辦理現袁觀察已帶同西國礦師親赴壽州一帶查驗礦質擬設總局於徽州並酌設分局數處

浙江 前河南光山縣林大令樞蕃近擬與某國人承辦浙江礦務擬在商部通稟請辦已由商部咨行浙撫聽候核辦福建 閩省大吏派員前赴上游各府查礦所有全閩礦產若干係何府何縣何城何鄉分別已辦是何礦質一一詳列一表咨復註冊備查

四川 朱別駕大鏞前奉川督委開廣山魚尾洞銀礦聞已辦有成效曾解有銀資四百兩未化分之礦質一塊入省呈驗

廣東 粵督岑制軍曾建言籌借民款三百萬以備開鑿鐵路及創辦自來水之用惟急難集事現特札行善後局出示曉諭粵人如查有礦山一律准其挖探礦質呈局試驗開辦一切人等不得違抗云云

商務

論中國宜保護商務 錄甲辰六月十四日時報

今日爲生計競爭之世界。稍明時勢者。類能識之。故各國近日所持政策。莫不先爭商業界之戰勝。以爲立國之第一要義。非無故也。我政府近亦察天下之趨勢。特設商部以謀振興。吾國之商業。所謂識時務。因時善變者。非耶。雖然。吾國民之天性。善於經商。天下既有定論矣。顧何以數千年以來。吾國商業之不發達。竟如彼也。噫。吾知之矣。往者中國之宗教家。政治家。皆以言利爲詬病。凡與於商界者。謂之末業。鮮不賤而抑之。嗚呼。此實吾國民生憔悴。國力萎敝之一大原因也。夫持賤商主義者。在昔閉關之世。各種族不相往來。自爲強弱。自爲消長。其病國之害。或猶未大著。然於生產消費之調劑。已不能得其平均之率。況於今日。航路大通。鐵道四關。其與我交通者。皆有挾而求。語有之。巧者有餘。拙者不足。以今日商界幼稚。商力凋敝之中國。與彼工商業發達極盛之國。並立於商戰劇烈之場。比權量力。猶以鼷鼠。進猛虎。至則靡耳。甯復有政策之可言耶。今請舉西方現行商務之政策。與東方世守商務之政策。兩兩比較。其孰得孰失。不待智者而後決矣。

一。西方謂商業爲和平戰爭。商業不盛。卽國無自致富強之理。東方則謂商業過盛。卽習爲奢侈。不復能保持久遠之和平。

一。西方以兵力增進商力。凡兵力所到之處。卽爲置設通商法律。東方之用兵。常與商務爲反比例。非徒無益。而又害之。

一。西方以商能興利。有殖民之功。凡所以增長商業之進步者。無不獎勵之。助成之。東方則謂商人專思利己。無益於羣。乃抑勒之不使過度。

由是觀之。東方之國。自古無鉅大商業。非其民之不善經商。乃由國家政法社會習慣。均有所以貶抑之束縛之故。致此耳。雖然。西方古時。其賤商之弊。豈不與中國同出一轍哉。惟其進化甚速。不與之長。此終古。故能一躍而登於文明幸福之樂地。而遂使東方人。不免有望塵不及之歎矣。今更取西方商業之變遷而言之。

當歐洲西羅馬全盛之時。其人民以強武好鬪爲習俗。不知研究商業。社會制度。又分貴族平民兩等。貴族食稅衣租。無所事事。平民供給如奴隸。而無完全治生之中級人民。雖有修官道。置郵局。立銀行之種種善政。大抵不爲商業而設。洎乎封建時代。耶穌教徒勢力寢盛。又持財產共有主義。強平市價。禁止息利。理想雖善。而於商業猶多滯礙。是猶之抑制時代。

也。嗣後義大利自由都府。漢沙同盟市府。更崛起於南北歐。劃市區以通交易。不使政府干涉。蓋漸趨於放任時代矣。至十四五紀以降。輿論皆以自由貿易為不刊之令典。而斯密亞丹。原富之著。主張商業之進步。不應抑制而貴放任。其勢力遂磅礴於今之世界。未幾而窮荒島建為獨立邦。未幾而古帝國夷為殖民地。滄田買變殆莫不由此。商業膨脹力為之媒介。故竊謂去抑制而為放任者。所以鑿通商業之障也。進放任為保護者。所以扶助商業之成也。今則國際交涉。因商人之利益而起者。十居八九。會議所可與議院相通。領事官直為公使之副。一私人之訟端債務。動輒以國力爭之。夫豈非政策之又一變耶。然則東方之國。苟欲振興商務。舍保護政策。其道又奚由。

且夫東方之國。未有大於中國者也。而語其商業。則無可比數矣。歷代政策。除搜括貨稅外。絕不知獎勵為何事。豈有所謂放任者耶。放任且不得。況於保護哉。不放任。不保護。則惟有抑制之而已矣。假令其實行抑制之法。無分於內外國人。雖愚不可及。猶不過一社會之生活。無與於他社會之生活。他社會權力。亦無釁可乘。乃又喜功好名。務博柔遠之虛榮。承平無事之日。偶見邊關海港。間有一不相習之番賈。來此必竭力誘導。使之貢獻方物。或更為鋪張揚厲之辭。以欺後世史編。所載大抵如斯。迨其來集愈多。遂跋扈不可復制。因之邊釁。

開。而。國。力。耗。矣。所。以。不。能。相。為。抵。制。者。實。由。待。本。國。商。人。如。制。傭。奴。而。待。外。國。商。人。如。奉。驂。子。也。前。車。已。覆。後。車。弗。鑒。何。必。遠。言。唐。宋。元。明。之。故。事。哉。以。近。事。考。之。歷。屆。通。商。條。約。皆。言。彼。商。人。之。來。中。國。者。當。如。何。待。遇。如。何。安。集。其。於。我。商。人。往。彼。國。之。事。則。畧。不。道。及。故。百。餘。年。彼。有。來。航。我。無。往。艦。偶。有。一。二。提。倡。遠。商。之。人。彼。必。竭。力。抵。拒。如。會。惠。愍。運。貨。至。英。羈。留。不。得。登。岸。幸。爭。得。之。亦。大。虧。折。可。為。殷。鑒。後。之。人。猶。不。悟。馴。至。今。日。以。有。美。人。禁。止。華。工。之。惡。果。而。又。不。清。其。界。限。至。並。華。商。而。亦。牽。入。華。工。之。列。增。多。方。之。困。難。問。題。而。我。外。部。及。駐。美。欽。使。並。不。聞。有。實。行。保。護。之。策。然。則。中。國。商。業。之。前。途。其。尙。可。望。哉。

比者政府亦稍稍思為改良之計。立商部。建商會。研商律。其推行政策。殆必取於保護無疑。然西國之保護也。從放任而生。中國之保護也。由抑制而變。取徑雖捷。而其間陵躐舛誤之處。難以枚舉。即商人亦不能深信不疑。何也。彼固素未享受自由之幸福。則茲之所謂保護者。亦猶抑制之幻形耳矣。否則如前舉比較之三事。一為和平。由商人有進取之能力。二為兵爭。由國家有確實之後援。三為殖民。由國家及商人有共同之資產。三者有其一。則足以自存。有其二。則足以排外界之競爭。有其三。則可以衡行於生計競爭之時代。而永永保其人民自由生存之幸福。並世大國。若英法德美。若東方之日本。皆其行之已有明驗者也。我

商部諸臣。其宜知所取法矣。

論葡萄牙商約之宜注意 錄六月十九日中外日報

商約開議。至今已及三年。英美日本三國之約。業經訂定。今所議者。爲葡萄牙之約。其要求之事。辨難之方。外間一無所聞。蓋與前議英美日三國之約無異。夫以各國之立憲政體。而於外交事情。猶有專尙秘密。不卽令國民與聞者。矧中國乎。雖然。害每中於所忽。葡約之事。爲衆人之所不察。而其患。或有不勝言者。此則先時之備。不能無以抉之也。按葡萄牙之於中國。其商務甚微。無足道者。今茲所訂。雖名爲商約。而其本意。實在澳門之界務。不過因界務。以及商稅等事。此不問可知者也。故各國商約之多弊。猶僅蝕我利權。而葡萄牙商約之受虧。或將至於失地。其可慮有若此者。則較他國之議約。尤當審慎出之者矣。考葡萄牙在十六七世紀之時。海權極盛。其租借澳門之始。已在前明。當時爲之奏請者。疆臣林富也。其租金每年銀五百兩。自明以來。按年交納。而道光二十年以後。漸至無著。中國亦不甚詰問。及光緒十四年。以稽查洋藥入口之故。不得不在澳門設關。遂與葡人立約。許其永租澳門。而中國得在界內設關稽稅。顧自道光末季。以迄光緒十四年。葡人欠繳澳門之歲租。統計之不下三萬金。訂約之際。曾向追索。而彼堅不肯認。亦遂置之。然明時所租之澳門。僅有一

區。之。地。其。陸。路。猶。恃。舊。時。關。門。以。為。之。限。而。歷。久。不。察。比。至。訂。約。永。租。之。時。始。知。葡。人。拓。地。不。已。及。關。門。其。所。守。者。遠。過。前。明。所。租。之。舊。址。於。是。當。事。者。之。意。以。為。既。不。能。逼。使。還。我。則。不。如。竟。不。劃。界。蓋。不。劃。界。則。猶。未。明。許。其。拓。地。若。劃。界。而。不。能。爭。還。所。拓。之。地。則。在。中。國。似。已。承。認。其。永。佔。矣。此。所。以。十。餘。年。來。迄。未。劃。界。之。故。也。不。知。當。初。若。遽。與。劃。界。則。所。承。認。者。尚。在。關。門。以。內。而。兩。國。之。間。既。有。一。定。之。明。限。不。難。杜。其。以。後。之。覬。覦。今。既。久。未。劃。界。葡。人。愈。無。所。顧。忌。歷。年。肆。其。蠶。食。微。聞。光。緒。二。十。三。四。年。之。間。其。所。侵。佔。之。地。已。越。關。門。之。外。此。門。外。附。近。之。地。村。墟。人。民。不。下。十。餘。萬。每。苦。其。侵。陵。有。望。厦。村。者。最。稱。富。饒。人。數。尤。夥。亦。在。葡。人。推。廣。範。圍。之。內。其。地。居。民。屢。以。其。狀。訴。之。粵。省。大。府。大。府。固。不。敢。問。亦。幾。不。能。問。此。則。又。非。棄。地。之。時。所。及。料。者。矣。然。所。謂。以。澳。門。永。租。於。葡。國。者。固。指。陸。地。而。言。未。嘗。及。其。附。屬。之。海。島。也。乃。聞。澳。門。旁。面。之。大。小。馬。留。洲。島。與。對。面。之。大。小。橫。琴。島。亦。久。為。葡。人。收。入。其。權。力。之。中。此。其。用。心。良。有。所。在。蓋。馬。留。洲。島。雖。近。岸。水。淺。然。為。中。國。拱。北。關。所。在。之。地。此。關。即。所。以。專。查。洋。藥。入。口。者。按。所以。專。查。洋。藥。入。口。者。不。必。設。於。澳。門。仍。設。於。澳。門。附。近。中。國。自。有。之。海。島。則。當。日。亦。何。必。定。不。設。於。澳。門。此。誠。不。解。門。葡。人。所。以。欲。得。其。地。者。實。有。不。願。中。國。設。關。之。意。而。不。復。顧。其。所。行。之。事。與。前。割。棄。之。本。旨。不。符。也。至。於。大。小。橫。琴。兩。島。正。與。澳。門。對。岸。相。峙。其。間。海。道。寬。深。為。航。行。必。經。

之地。葡人若兼取此島。則正與英人於香港對岸。據有九龍。同例而澳門與此島間之海權。遂為所執。或謂此兩島於光緒二十四年之粵匪由粵軍派兵駐札。廣東一省之海口。凡有六門。惟虎門一口最深。其餘各口則必潮長。彼攻我守。皆不出此。而港澳兩處之海道。皆分向於虎門。今者香港海權已為英扼。若使葡國更握澳門之海權。不知一日有事。守粵者固將何恃也。夫此數者之患。記者能知之。此數者之事。其果列於商約與否。則非記者所能知。然葡約之必為界務。界務之要。又必在此數者。則更無疑義者也。議約之舉。異於要盟。今日適當辨議之時。正不妨深究其得失。敦槃之際。未審若何。而甌脫之間。要不可忽。所宜注意之端。無逾此矣。當局諸公。其亦有取於芻蕘乎。

湖南巡撫趙奏長沙開設商埠請將鹽法長寶道兼充監督並請頒發關防摺

竊照湖南長沙開設通商口岸業將籌辦情形並請發經費銀三十萬兩奏明在案茲值開關在即舉凡稅務商務及華洋交涉事件在在均關緊要自應查照各洋關成案設立關道督辦即作為長沙關監督以專責成查鹽法長寶道本有管轄地方之責向駐長沙省城若令就近兼理最為合宜與各省巡道兼充監督事同一例如蒙 俞允所有一切設關征稅暨交涉工巡事務自當督飭該道妥為經理應請 飭下禮部鑄造長沙關監督之關防一

願祇領開用以昭信守謹 奏奉 硃批該部知道欽此

商部議覆修撰張謇鹽業公司片

再整頓商務莫如籌辦各項公司庶興實業是以臣部擬訂商律上年十二月間先將公司條例奏請 欽定頒行在案茲據江蘇在籍翰林院修撰張謇條陳中國製鹽多本舊法兩淮竈戶皆係零星散處故梟販無從堵截劫盜因而日多查兩江兩淮皆有緝私兵勇名目而梟徒所販之鹽幾及官鹽之半且占及浙江引地梟之勝官者在賣無稅之鹽即以敵官防梟之法官憚於變法則藉有名無實之法以苟安鹽法敗壞至斯已極梟盜之禍且熾然而未有艾後患何可勝言職博訪周諮求變通鹽法之計僉謂鹽弊在散救散莫如聚衆之法惟有設廠造鹽仿日本製鹽新法不但工作易分勤惰亦耳目便於周巡雖有梟販大幫亦無從捆載而去竈丁聚處廠中更難顯然偷漏無私則梟於何有無梟則防於何有此外如煎法運法銷法一切准公司酌量更易稟請鹽政立案凡向之販私而占引地者稅可驟增向之爲緝私而多費者費可遞減合兩淮產鹽地計之一出一入殆可歲省數十萬若慮近來商力已疲如再令改設鹽廠未免力有不逮何如改爲鹽業公司一切新業儘舊商先行入資所短補以新商商力既齊羣情自奮此該修撰所陳鹽業公司之辦法也臣等竊惟

中國地勢東南瀕海延袤七千餘里魚鹽大利世所著稱迺自中外交通寔成商戰之局若我內地華商及時聯絡奮興多集公司與之角勝則中國固有之利尚不至見奪於外人今張謇請辦鹽業公司實爲自保利權起見該修撰經理通州商務卓著成效其才品聲望亦久爲當世所推擬請准其在江北一帶招集商股按照臣部奏定公司章程妥籌酌辦一面由臣部咨行南洋大臣江蘇巡撫轉飭該屬文武各員實力保護勿得稍有漠視著該督撫查照該修撰所陳辦法勸諭紳商分別籌議以振商務而闢利源謹 奏三月初一日奉 上諭商部奏據江蘇在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩淮鹽課爲帑項大宗關係重要著魏光燾督飭運司將所陳各節妥籌議奏原片著卽抄給閱看將此諭令知之欽此

商部申明洋商在內地設廠與附股係屬兩事不得牽混誤會咨各省查照文

光緒三十年四月初十日接准外務部咨稱准南洋大臣咨稱前准商部咨奏定公司商律咨行欽遵當經飭刊頒發惟查內地製造爲華民生計所關洋商垂涎已久並詳查在歲議約電牘經劉前大臣暨湖廣督部堂張商約大臣與英使馬凱堅拒力駁始克限以口岸因商律內有准洋商附股而未分內地口岸是以復請商部核明條約申明商律五十七條

意義以免誤會就事論事商律係屬內政交涉須憑約載祇須於原條內中國人下加在口岸三字即可劃清界限或另文聲明是條應仍參照約章辦理以後遇案各省即不致誤會外人亦無從藉口今商部以歷稽約款華公司無不准洋商附股專條此語誠然惟事體無窮約載有限兩國交涉所以必須立約原期彼此有所遵守故凡洋人通商祇能憑約辦事若為約載所無即非分所應為今若以約無專條當予照准此後交涉勢必漫無限制又查設廠製造約內既載明洋商在口岸即係予以限制凡口岸以外洋商不應設廠即包括在內本不待再行載明內地不得製造字樣始可禁止既不准設廠即不能准其附股事係連類而及歷約所載諸如此類不一而足即如關口通商始於道光二十二年江甯舊約該約祇載沿海之廣州福州廈門甯波上海等處港口貿易並無不准在內地居住開設行棧字樣歷來洋商均係違約在於口岸貿易即不能在內地開設行棧以後各約凡有開口亦均未聲明是語凡遇洋商在內地開設行棧即屬違約立時禁阻不能別有異詞惟煙臺約於沿江六處因准其起下貨物恐誤會藉口特行載明不准在該處居住開設行棧蓋約載所准特行標明其地其事字樣者即於准行之中仍寓限制之意中外約文大抵如此若謂該約未經著明內地不得製造數字律內即不能預言內地公司不能附股遇有附股之案即

不能執約阻止則諸約所載洋人通商並無不准內地開設行棧字樣此後如有洋商合開行棧以彼律此即難執約禁止且所以不准洋商在內地製造者原因口岸製造之利已爲洋人所得華商勢散力弱萬不能再與洋廠爭衡惟就內地產貨之處設廠製造爲獨得之利即爲華民命脈所關若不准設廠仍准附股亦復利爲洋商所分與限制洋人保護華商之意不符況華洋勾串影射事所常有不可不慮蘇省無錫現有洋商藉借本設廠至今糾纏不已可爲前鑒至約文雖專注廠稅而設廠之地即限制於約文之內商律既專注力保護主權而約內已保之權利似不宜再行分讓於人英約第八款第九節洋商在口岸設廠製造之條是否祇能限制不准內地製造不能禁止附股並內地華商公司准洋商附股利弊若何事關國計民生考究不厭詳盡不得不咨請指示俾有適從等因本部查公司律係由貴部奏定通行各省遵照辦理相應咨行查核酌復以便轉復南洋大臣等因當經本部咨復南洋大臣所咨各節自係爲限制洋人保護華商起見惟其所論實未詳盡本部有不得不細加申明者查新訂英約第四款載英民如購中國公司股票其當守本分與華民之有股分者相同又新訂日約第四款載日本臣民與中國人民合股經營或合辦公司亦應照其合同章程各等語是洋商應准附股新約載有明文所有議約之劉前大臣張大臣呂大

臣盛大臣均係原議之人約內並未聲明有在口岸字樣誠以洋商附股與洋商自行設廠製造迥然不同本部深恐洋商附股或有華洋勾串影射等事故於奏定商律第三十八條載如無違背公司章程股票可以任便轉賣惟承買之人應赴公司總號註冊方能作准等語所以預防華洋勾串影射之弊本部又恐洋商附股或致洋股偏重有礙華商利益故於奏定鐵路章程第六條載集股總以華股獲占多數爲主不得已而附搭洋股則以不逾華股之數爲限具稟時須聲明洋股實數若干毫無遁飾字樣又於奏定鑛務章程第十六條載集股開鑛總宜以華股占多爲主倘華股不敷必須附搭洋股則以不逾華股之數爲限具稟時須聲明洋股實數若干無得含混各等語所以預防洋股偏重有礙華商利益之弊在本部實已力圖抵制今南洋大臣屢以另文聲明爲請本部竊維洋商在內地設廠一事爲舊約所應禁洋商附股一事爲新約所准行二事各不相涉若牽合爲一轉慮外人藉口輻輳目下交涉之難正因外省州縣不明約章以致自生荆棘既准貴部咨稱前因本部特再詳細申明所有奏定商律第三十五條及第五十七條意義係指附股而言並非指設廠而言嗣後洋商附股均應按照商律第三十八條原文辦理並援照鐵路鑛務章程不得逾華股之數以示限制事關講解約章應請貴部詳核聲復以便分行各省備案等因旋准外

務部復查此事既經貴部詳細申明外省自不至於誤會咨復查照辦理等語相應咨行貴督撫查照

江南商務局詳送開辦章程請咨汴省文

奉憲臺札准河南撫部院陳咨據商務農工局詳稱案奉飭在河南省城設立商務農工總局當經司道等於上年十二月十七日設局開辦在案查豫省地遠江海民多固陋農事工藝守舊而不知更新因鮮物產土貨商情更形渙散則此農工商三者自應急事提倡以開利源惟事關創始均無成規可循如東南各省早得風氣之先京都工藝官商兩局皆已導我先路所有各省辦理農工商各局章程及各官書局所刻有商務農工之書均應分別咨取一分以作本局準繩應給抄錄刷印工本各請開明數目於咨取到後由局照數匯交到各省局必能共諒借助之誠無不慨允理合詳請查核分咨等情據此查河南地處腹心民風樸質商務農工諸事尙待講求非博取成規無以爲師資而導先路因思沿江沿海各省風氣開通辦理農工商各局必已著有成效凡釐訂章程譯刻書籍均希飭局分別抄錄彙寄俾作準繩如書籍應須刷印工本并請開明數目即當照繳咨明查照轉飭見覆等因到本部堂准此札局查明核辦詳咨等因到局奉此茲將本局開辦章程二十四條抄錄清摺

連同前出商務報三十七期二併具文詳送仰祈憲臺鑒核轉咨計開江南商務總局章程
明商律一凡借本及存人資本與糾立公司營運商業者如果侵蝕資財託名虧折專支
濫用倒閉捲逃一徑被累人控告審實先行遵照商憲前次批准章程將虧欠人先摘頂戴
歸案訊辦仍違此次戶部刑部 奏定章程勒限追欠逾限詳革定罪追欠於繳到欠款內
十分提一歸局充公一凡以低偽貨物假冒招牌仿帖有礙本人聲名事業當經本人查獲
實據控告審實按詐僞律分別所冒事業大小本人受累輕重辦理其代作牌帖人分別知
情酌量查辦封罰款項充公一凡商業行戶藉勢爭利把持市面經人控告審實按律分別
罰辦罰款充公一凡因商業先在地方官衙門涉訟書差苛索有據一經控告到局即由局
移行地方官覆審得實追贓給還本人仍按情罪輕重由該管州縣分別懲辦如涉迴護申
詳通商衙門察究一凡商販經過關卡貨物照數遵章完納稅釐外如有司事扞手巡于藉
詞加載隱漏留難需索一經控告到局即由局移提司事扞巡交地方官審實追贓給還本
人仍按情罪輕重分別懲辦如該關卡庇護或地方官瞻徇申詳通商衙門察究一凡華商
與洋商因錢財涉訟者由本局律師隨時會同租界發審委員審明分別辦理其律師訟費
隨時由商自行訂給 開商學一凡商人願仿西法自行捐貲設立學堂講習商學者報明

本局立案俟有成效分別捐貲多少照章詳請商憲奏咨給獎一凡商人子弟在本國商學堂畢業願往各國考察商學以求進步者由本局詳請通商衙門給予獎牌咨送駐紮各國出使大臣送該國商學堂學習一面呈報總署立案俟該學生畢業咨回作為本局考察商務員司來往資斧於本局罰充公款內酌量撥給其在外洋商學堂火食零用仿照西例學生自備 廣商報一凡有關商務 諭旨南洋及各省商務奏議并本局公私文函分期編錄一凡進出口貨物由稅務司按旬申報由本局詳譯以便年終查考一凡中外市價商情據各業市單各州縣商民函報及各國報章擇錄隨時登報一凡西人專門商學商法及理財富國學等書分類附報譯編一凡每期商報除甯屬各州縣由本局札發外其蘇安西各屬詳請商憲札飭各該藩司分別轉發大縣十二分中縣八分小縣六分報費由各藩司彙解本局一凡日報刊登條陳章程及各業告白外來登報者照申報例收半價 通商情一凡江甯上海各商業向有公所各公所董事除報明本局給諭外另立一總公所由本局舉總董六員各公所分舉一員常川駐所以便議事如各商業有妨礙不便之弊及推廣可興之利准報由總公所隨時來局陳明商辦一凡通商各埠及各州縣商業如有利弊隨時由各業公所董事條陳酌量移商各該管地方或稟商憲察奪施行 濬商源一凡江安西各

州縣物產何物最良。塵市銷行何物最暢。何物最貴。由各地方官查明於行文後三箇月內造冊呈報。以後按年冬季造報一次。一凡江安西各州縣如有精巧工匠家傳專門藝術。及以新意改良能抵外洋者。由各州縣報明。准將所製器物呈送本局驗明。詳請通商衙門給予獎牌。咨呈總署存案。并酌定專利年限。一凡農植物產工作器皿行銷外埠。而本處偏僻道路不便。及衙胥卡役刁紳劣監需索規費。准其報局查實。以憑核奪。一凡某處物產仿西法製造各項用物。如製茶壓油紡紗打米造紙造糖洋碱洋胰洋燭洋火之類。各該處官紳商民報明查實。准創議人承辦視物大小給予專利年限。大者十年。中者六年。小者三年。限內續辦者報明酌定查辦。一合商力。一凡各業皆應用大商包小商之法。各立公所。凡貨物牌號高低隨時由各公所董事會同各商及總公所總董詳定價值漲落。公議定奪。不得任意抬價跌盤。一凡能立公司創成一業。抵制外洋須官保護者。創立之始報明本局立案。給予憑照。隨時保護。一凡創辦公司商業有關民生利益。一時商力不足者。報局查明地方官及刁紳劣監從中阻撓者。准其隨時據實呈明本局。以憑核辦。一凡能立公司創成一業。開通風氣抵制外洋者。分別利益大小及資本多寡。詳請商憲照章奏獎。以資鼓勵。以上所定章程。係本總局擬移呈請督商憲批准施行。但商務頭緒紛繁。恐未詳盡。嗣後或本總局有

增補之處或各業商人條陳所見隨時斟酌續錄

湖南長沙通商租界設立巡捕總章程

一長沙省城業經大憲設立工巡局保衛商民所有通商租界內並沿河一帶巡捕各事宜由監督稅務司會商辦理 二巡捕衙督捕應用洋員由工巡局選舉如該督捕不能盡職暨功過等情由關道會同稅務司辦理 三地方官應派一員辦理會審公堂各事 四巡捕差役應用若干名均由關道核定選派至該差役應如何梭巡察捕穿何衣裳用何器械及定每月工食並後來增減裁革等情均由巡捕衙督捕辦理該差役一到巡捕衙內所有日夜輪班聽差查拿匪人禁止賭博鬪毆吵鬧等事悉當恪遵督捕驅使若遇不常見之事當隨時報知巡捕衙查察再各差役住宿飲食均在巡捕衙內不准另住另食不准隨意亂走不准私受賄賂不准擅行拘放不准強買物件不准勒索銀錢不准假勢嚇詐倘有商民控告巡差應先將情形聲明巡捕衙由督捕查明果係巡差不合即行照例嚴懲又凡屬巡捕衙人如督捕及司事差役等祇應照辦分內公事不准另辦別事暨買賣等事 五查辦洋商或洋商雇用之人或在洋行內居住之人督捕宜先函請領事官發給印票始可照例查辦華商犯有事故即由巡捕衙督捕出票查辦或有殷實正人指報犯法者雖無印票巡

差亦當即時拘拿或巡差眼見不法之人或明知是犯法之人雖無印票亦當即時拘拿送交巡捕衙核辦以免轉折潛逃再如些小之事查照各通商埠章程該犯願出銀抵押者巡捕衙督捕可以隨便酌放俟審案時該犯一經到案即先還原押之銀後審所犯之案倘該犯逃案不來則其原押之銀即行罰充入官又當應出押銀之時設或不便准其請保仍立冊報查 六通商界內華民案件歸會審公堂審判巡捕衙督捕坐聽洋商案件查照上海會審公堂原訂章程第二款凡遇案件牽涉洋人必應到案者必須領事官會同委員審問或由領事官所派之洋官會審及第七款所載有領事之洋人犯罪按約由領事懲辦其無領事之洋人犯罪由會審委員邀請一有約國之領事公商酌辦又凡為外國服役及洋人延請之華人如經涉訟由該委員將所犯案情移請領事轉飭該管洋人將應訊之華人立行交案審問時准領事或所派之洋員來堂觀審如無牽涉洋人者不必干預再案內如有罰辦銀兩應送官銀號收存由關道會同稅務司商酌核用 七各國領事官如有案查拿該國人民無論在船在岸均可函請督捕派差幫辦該人拿獲後督捕即照第五六條章程辦理督捕有案請於領事官亦然 八通商界內華洋各商如有不守應遵定章之處巡差看出立即報知巡捕衙查辦 九通商界內倘遇回祿不測等事巡捕衙應立即派差到該

處訪拿匪人保護一切惟值班巡捕之差，不准擅離原派之處。十巡捕衙所辦案件宜立冊簿編號，將何年何月何日何時何國何人所犯何事，或係告發原告係何國何人所告何事，並何樣辦法均當隨時一一註明，以備查核。再此冊如有官長或殷實正人來衙請看，均宜與閱。十一凡犯人在所，每日每時應給飲食等物，均由巡捕衙督捕備辦。至於收犯之所有官長殷實正人來均准游歷察看。十二巡捕衙應需一切經費按月由關道送交稅務司轉發督捕散給各人所有經費支放帳目，由督捕開具清單送請稅務司查核簽字轉呈關道查核備案。其每月罰款銀兩除開單呈送關道外，應另開清單張挂衙前俾衆週知。十三以上總章十二條係屬試辦，如有應更訂者可隨時更訂。

湖南長沙通商口岸租界章程

內地租界外
租地章程

一長沙通商租界定於省城北門外所有應需地段，南以城爲界，東以定修之鐵路至新碼頭爲界，北以劉渭河西以湘江爲界。二通商界內地基分開等第定價給租：一等地每畝每年租銀二十五元整，二等地每畝每年租銀十五元整，三等地每畝每年租銀十元整，並每年每畝應完錢糧二元，不分等第。凡租此地者不另完別項租，所有各商應繳之租銀錢糧由長沙關稅務司每逢西歷正月初一日起向租戶照數代收，送交監督即發官收之印。

單糧串轉給租戶惟本年內之租銀並次年之錢糧必須於西歷正月內一律完清再租界內各住戶非完地租者亦均享租界章程之利益每年應完工部局捐銀按其所繳房租銀數每百捐四分季由稅務司代收轉解 三通商界內各國商業工藝皆可照租界暨工部局等各項章程租地建造房宇棧房凡所租各地必須先由地方官收買後轉租不准業戶與該商私相授受但洋商租地應稟明領事官華商租地應稟明稅務司先備租地准價一等地每畝准價銀二十五元二等地每畝准價銀十五元三等地每畝准價銀十元並備自稟明之日起至西歷年底止應完之錢糧交由工部局核發准單華洋商領單呈請稅務司領事官照會監督查照單開印發租契洋商之租契發三本照請領事官登冊畫押一給租戶一存領事署一存監督衙門華商亦印發租契二本一請稅務司轉給租戶一存監督署至於租地每名不得逾十畝每畝定規七千二百六十英方尺倘必須大地應照章稟明而行 四租契以三十年為期期滿換契仍定三十年為限當換契時租銀不加錢糧可與各國領事官酌加如到限滿仍可由地方官設法轉租如期滿未換契或過一年租銀錢糧未繳清除將該號租契註銷外產業併歸中國 五買地挪房遷移墳墓等事皆由監督作主外人不得干預 六通商界內凡起造房屋必先請工部局核准方可興工惟各種製造鎔

煉等廠不准在本租界西南段內設立不准搭蓋草屋並下等板屋恐易引火致害別人類如火藥炸藥一切有害人身心財產之物概不准收藏夾帶運送又火油一物必照特准章程方可囤集又工部局可隨時酌定規條曉諭如屋要堅固溝要潔淨及各戶內有何污穢妨礙應即屏除等情以期保護平安再各戶有何脩造動土關繫公眾之事必先在工部局請領准單以免遺誤 七各國商民在通商界內僑寓中國地方官自應按約保護所有工程巡捕各事宜暨各項章程由本省大憲請稅務司與監督會商辦理倘敢有違一經查出各照本國律例懲辦惟約束商民章程由監督照會領事官酌定 八通商界內工程由監督會同稅務司辦理惟應修各官路碼頭等處隨時載明長沙通商口岸圖說凡有礙官路等各房產地方官自當照定章估價收買該業戶等務必推讓遷移以便公用至於各商在本通商口岸碼頭報關上下並過載轉運等貨物應照已完稅銀百兩者捐收二兩以爲建造碼頭修理官路之用 九通商界內若有轉動之工程當按各項租戶派捐一切事宜歸三處會商辦理一監督與稅務司二各國領事官內自舉一位三地租戶房租戶公舉一人惟房租戶每年捐銀在二十元以上者始可應舉 十租界以外沿河地段原不准租用茲因長沙通商租界沿河一帶目前於輪商貿易尙未便利特議於關章所定起下貨物處之

沿河地段即自永州碼頭起下至西門魚碼頭止准各輪商報明租用惟此處既非租界現有各民船碼頭概不准租用並不准稍有妨礙民船灣泊上下等情凡毗連民船碼頭之處一有華洋商來租購或改造時則該碼頭左右應各讓大不過一丈寬之地由官收買以便放寬碼頭走道等用而利衆商 十一凡租此沿河地段辦法准各商逕向業戶租用每名所租不得過二百五十英尺惟所租之地每畝每年應完銀十五元以抵官定左右華民各項稅捐此款照第二條內開由稅務司代收轉送至租定時洋商必須稟明領事官華商必須稟明稅務司以便轉知監督備案 十二此等沿河地段窄狹茲所以准租者專爲便利輪商之用若各商之住宅暨製造鎔煉等廠則應設於通商租界內又此沿河地段以城牆爲止但沿河上原有之公共緯路走道租戶不得侵佔至窄須留十五尺寬庶幾彼此有益 十三凡沿河一帶租戶各項工程如修碼頭築砌岸等事必須先稟明新關理船廳轉請地方官核准方可動工 十四凡租契當轉租之時即由承租之華洋商將契呈請稅務司領事官照送監督蓋印施行 十五各國官民所需之養性園一處義山一處由中國政府選定合式之地至辦理該二處之經費則應由本租界內各洋商自籌備辦 十六凡有益地方暢興商務等各善法中國政府甚願照辦惟此等各善法或由領事官或由各商會請

於監督暨稅務司皆可隨時酌奪轉達施行 再各國商民有於本章程未出之先先行租定各地設立產業者仍應遵守現定各章程如有應改之處由地方官照會領事官酌奪務期一律以昭公允

漢口商務局擬設傳審公廨章程

一漢口商務局附設傳審公廨專爲代追武漢商賈積欠而設不准管理地方別事並不准代追民欠以示界限 一公廨傳審武漢欠戶必須商董三人公請傳案始由廨員簽票派役協同地保往傳秉公訊辦不得率意傳審致滋拖累 一欠項在本省者由局逕札各該地方官就近訊辦如三月不結再行札催經年不結者由局援引商部新案詳請撤參俾資考覈 一欠項數在三萬兩以外者先將漢口經手帳款之人交地方官收管如係外省一面詳請督撫憲咨明欠戶原籍札行地方官查拿倫數在五萬兩以外先請電咨原籍查封家產以備列抵俾欠款者知所警戒倒塌自少 一商業欠戶究非無賴流民可比公廨傳審後如抗不遵斷必須交地方官管押者應分別三等 一前者由商董保出責令住各商業公所派廨役看守不准擅自回家 二前者由局集資設清款所諭令商董公同派定所役數人常川照料歸廨員專司收放不准私釋 三前者即交地方官管押以憑限追似此分別辦

理既免羈禁之苦又有羈絆之戒似較嚴切 一民間詞訟列入月報功過甚嚴商務案件漫無稽核未免向隅請自設立傳審公廨後分別自理外結兩門以廨員審結者爲自理行外州縣傳究者爲外結年終彙造已結未結四柱清冊報明督撫憲查考如一年內能審結商局行查之案十起者詳請記功二十起以上者另行專案詳請酌委優缺以示獎勵而資鼓舞 一近年各商號每遇倒帳卽倩無業洋商教民賄買照會各國領事官僅憑一面之詞卽照會關道查追亦非持平辦法擬由廨員隨時與各商董認真稽查如真係與洋商往來者由廨員查明稟局咨會江漢關照約辦理倘係假借洋商欺朦地方官者由廨員查明後稟局咨會江漢關照會領事官將原案撤銷先將欠項代追清款再予以冒用洋商牌號之罪似此分別真僞辦案既有定權交涉亦少假借實正本清源之一端 一擬辦各條試辦後如有窒礙應增應減隨時由局稟請更革總以維持商業俯順商情爲率俟商律頒出卽按商律遵守

各省商務彙誌

京師 商部奏請擬在上海漢口設立商務局由商部遴選通達時務熟悉商情人員充當總辦令兩江湖廣兩總督及該省巡撫派遺委員辦理事務若遇有稟請開辦鑛務或與商立案者則令其就近辦理再由該商務局轉稟商部 商

部商標局章程前經各國公使干涉並英使之指駁茲已設局開辦特聘日本人某駐局辦事每月薪水三百兩更由商部派兩員為提調又派司員六名在局學習現日商之赴局註冊者實繁有徒英商亦接踵而至然皆京津一帶之商人由他省到者則寥寥 英公使前曾照會外務部商改商標章程茲探所擬商改各條今錄如下 第一條內載無論華洋商欲用商標者須照此例註冊此須字意義是否禁商人用未註冊商標如禁用未註冊商標則於商約第七款不合倘係各商標務須註冊方能保其利益亦應聲明二按照商約第七款內載由南北洋大臣在各管轄境內設立牌號註冊局一處派歸海關管理各商到局輸納公道規費即將貿易牌號呈明註冊細譯此款文義須將章程第二條內暫字刪去方覺妥洽三第五條所載存留三箇月一節應展為存留六箇月以便英商之在華代理者能與在英本行通信四第十五條三箇月亦應展為六個月五第十八條所載隨時刷印商標公報一節此公報應用華英兩文每月一次由商人在海關購看 外務部近接日本公使照會略謂此次註冊章程既經英使商改妥協本大臣并無異議儘可由貴部自行核酌施行但章程原係聲明試辦倘日後敝國政府有何意見再由本大臣援照奉商云云又聞外務部特照知某公使畧謂貴公使前稱此次章程須由商人核議等因目下各商呈請註冊者甚多實難再緩現本部已會同商部擬於日內具奏開辦惟章程原係聲明試辦倘日後貴大臣有何意見不妨隨時商量云云 北京各商家均紛紛設立商會講求所現已有綢緞洋廣茶磁等商先後擇地賃屋一律舉辦 商部前曾飭各商籌設商會業已定議茲聞金店寶興隆袁君稟莊蔚泰厚何君被舉為商業代表人 商部近遞封奏一件係重定辦事章程十二條其大綱有四 一曰立課程 一曰定官制 一曰嚴賞罰 一曰優獎勵業經奏明立案 某國商人某會於三月間在崇文門內二條胡同開設寶記印字局近赴商部納費註冊當經商部批駁畧云北京非通商口岸按照條約不准開設店舖該商呈請註冊應不

商務

一百一十一

甲辰

准行云 商部業已飭令設立漁業公司採仿英國拖魚之汽船在沿海一帶捕魚且議夜間用電光誘魚入網云

奉天 錦州函黑龍江省城俄員宣布俄皇自由貿易之示畧謂自與日本開戰以來此地貨物之供給日見減少價值驟貴凡爾商民宜體國家輸運艱難自今無論何物弗准缺乏以期有濟是雖爾等應輸之忠愛我大俄亦必有以待爾等也云云 烟臺商家接營口商電謂日軍佔營口後已准中立各國商船照常出入故速裝貨物前往

直隸 出使韓國許大臣將韓國所開通商口岸查明直督通飭各口岸商人一體遵照茲將清單照錄於下設立領事駐紮商埠仁川釜山甌南浦元山漢城 即韓國京城 此雖未允通商開埠各國咸設領事貿易最盛之區華民中慶房屋產業較各國為最多仁川領事兼管羣山水浦釜山領事兼管馬山浦甌南浦領事兼管平壤城津 日本已設領事慶興 設領事 現今

允作通商馬頭之埠義州龍巖浦以上各埠皆條約內允作通商口岸此外未經通商口岸與約有悖曉諭內地商民未經通商口岸祇能請照遊歷通商勿得坐肆買賣製興產者有礙交涉等事即遊歷通商亦應先向領事請照以符條約再往來商船於通商口岸毋得擅帶來歷不明之人免致滋生事端現直督已通飭各屬並咨行各關照辦

山東 濟南府奏准自開商埠一面近聞已由商務局擬辦湖西關外地段擬築五里長二里寬之馬路以興市集

濰縣城北之關莊居戶三百餘戶匪類頗多近年知以販猪鬃為業多獲厚利民間稍就安妥蓋該處為附近各州縣所出猪鬃總匯之所每年出口約值銀四萬餘兩檢束之功皆婦女為之積有資財多者數百千少亦數十千不等 近煙臺各商號由商會具稟東撫畧稱由煙臺分設旅順青泥窪海參威等處之各行莊號不下數千百家今值日俄開釁口岸封堵商人之被困彼處者既無保護又無寄託身命財產兩不可保按查公法凡外國商貨財產寄在戰地者均得開列清單數目報明該國外部俟戰事完竣後由其照單包賠又此次所頒中立條規第七款內載我民人寄居戰地身

家財產均仰該國保護不得奪其資財等語今商民等寄留戰地各口財貨合銀總數共計有一千一百八十七萬兩有奇皆係血本所積若竟任其淪沒匪第商等數千百家無生活之資於國家商務亦大有關係仰懇設法知會兩戰國據公法比照各國成案將清單先行存案實力保護倘有疎失即按單索賠以維商業云云東撫自受稟後以局外國商民財產如因戰事致遭擾劫公法例得向戰國索賠歷來歐州各國皆係援此辦理此次旅大青泥窪海參威等處華商行店財產至有一千一百八十餘萬兩之鉅誠於中國商務大有關係特飭商務局司道傳諭該商等備具詳細清冊暨總數單繕成華洋文分別咨呈外務部商部等衙門轉送兩戰國核准照約存案以爲將來索償地步

江蘇 江督魏制軍前接商部來函請將揚子江一帶商務實力整頓并諭商人設立商會收回已失之利權當即通飭一體辦理揚州各商業奉諭後已由商董朱式朱永楨武學義等邀集各業稟請以候選布經歷陳君爲揚州商會委員云 某英商近在鎮江內地開設棉花雜貨洋棧一所事爲常鎮道郭觀察查知以該處並非通商所在此項洋棧實與約章不符當即稟明江督魏制軍札飭江海關道袁觀察著即據約照會英總領事轉飭該商遵照停辦外一面仍由魏制軍飭令郭觀察諭著該商將棧停閉以符約章 鎮郡現有糾姓商人糾集股份在小碼頭開設合興磨麵機廠特稟請常鎮道立案並請將運銷內地之乾麵暫照值百抽五章程完稅云 淮南各岸引鹽向俟前綱之鹽將次運竣新綱投咨積有成數即請接開下綱以接轉運歷經遵辦在案茲查鄂岸乙未春綱已據各商投咨繳價一萬餘引在途未到環咨均可接運而至似棧鹽壅積場商待價濟收盼望開綱頗爲迫切似宜接開新綱俾運商早日訂買以疏棧場商早日得價以濟產收所有鄂岸乙未春新綱刻由淮南總局稟請速憲批准定期六月十五日開辦

安徽 安徽茶葉計設局十二處其總局在六安州屬麻埠鎮會辦駐霍山縣城他如七里河八里灘舞旗河女兒街管

家渡流波撥黃栗抄毛坦廠兩河口固始縣凡十處各設一局每年清州開局白露撤局四五月間為春茶六七月間為子茶專銷周家口一帶為京莊採辦之所近兩年來頗稱獲利蓋京莊與洋莊有別洋莊銷路其權操之外人價值低昂不能自主京莊則憑行入戶茶客各有把握雖未必操勝算然亦不致賠累惟今年雨水過多價高貨稀較為減色

江西 江西景德鎮創設磁器公司係經前撫柯中丞奏委湖北候補道孫觀察廷林辦理業已兩年專造洋式磁件為收回利權之計近聞除自運出洋外又派員至上海設店分銷以期推廣

福建 福建辦理商政局楊俊卿廉訪文鼎近日統籌商政全局擬分三期擇要舉辦第一期為振興商政之基礎就福建情形擇其重要簡切而易行者約有六端礦務最為首要現在既無礦師又無礦本則莫如委派專員徧查全省產礦地方先由總公司標買地段所立號數杜絕外人覬覦次則農工為商政本源若製紙製糖之藝森林水產之學不妨先為肄習今擬選派學生前赴日本以二人學製紙二人學製糖二人學森林二人學漁業四人學商務共十二人路礦之學則比利時學費較輕擬選派學生四名前往肄習現在省會局所則實行保惠頒布裁判章程力恤商艱建立商會選舉董事總辦等親行接見演說隨時詳細調查情形廣發商業報告推廣錢局紙幣以固銀根添廠加鑄銅元以暢銷路統計標買礦產選派學生力行保惠商會演說頒發報告推廣紙幣共六事現均逐項擬定辦法分定細章辦理期以半年內次第其畢是為第一期第二期為發達商政之實業約限五年前二年商智稍開則廣設商務學堂多譯商務書籍商情稍通則糾集股本共開公司後三年各項學生陸續畢業回國則建設勸工試驗所農業講習所礦務公司亦得實行開採之利是為第二期第三期為擴充商政之效果約限十年農業工業礦務貨幣皆有進步商人之團體已大智識已高然後開鐵路購海輪以資交通充鑄政鑄金幣以相抵制是為第三期當已稟請國督李制軍候示祗遵

湖北 由漢口運外洋茶葉於五月初九日由阿升哪船運往英國計漢口茶葉二萬八千九百担六十六斤連前屆給册總數八萬九千一百三十三担五十九斤共十一萬八千十四担二十五斤九江茶葉九千二百六担三十五斤連前屆給册總數二萬五千五百七十一担五十四斤共三萬四千七百七十七担八十九斤

湖南 長沙開通商埠一事奉 旨允准外務部接湘撫電謂自批准之日計算六箇月將滿定於五月二十八日開埠廣東 兩廣鹽務由清釐局條擬章程改爲官督商辦其大概辦法一在籌發鹽本儘數收買一在就場作包分網配運稟經粵督岑制軍批准招集公司股本一百萬元在省城設立總局一處各場設立分局九處將來溢利酌定六成歸官四成歸商一切銀鹽賬目均由公司經理而以官爲之督察承辦以十年爲期刻已分布章程招商承辦 汕頭生鹽案盛且爲通商口岸現商務局擬就此處設立商務分會已照會湖北補用道蕭永霖觀察蕭部郎永華方廷瓊司馬李鳳庚大令爲汕頭商務分會畫理云 江門商人擬在江門關附近至埠內一帶分段新築長隄以便通運因該處開埠後日益繁盛填後之荒地及對岸之海岸等處均有洋商出重價購買故各商人亦急於合羣自治以相抵制云又云今粵省商業獲利甚厚烟業則商家有利權權家平常而已

各國商務彙誌

韓國 五月二十六日韓京電向來懸掛韓國旗而航行平壤鎮南浦之船舶均由總稅務司蕭拉翁准許自今以後各國均得懸掛其本國旗而航行該處是以平壤現在業已開港已定議在萬景岱地方設立海關 韓國商埠凡十餘處如下釜山民數四萬四千光緒二年開埠元山民數二萬五千光緒六年開埠濟物浦民數一萬六千光緒九年開埠木浦民數三千五百五十嶺南浦民數五千均光緒二十三年開埠馬山浦民數二萬五千郡山民數三千津城民數一千

二百五十均光緒二十五年開埠不壤府民數未詳龍安浦民數未詳光緒三十年開埠

日本 日本出口貨之載往美國者大半皆非美國所有按一千九百零二年載往美國之貨計日銀八千零廿三萬二千八百零五元其中生絲計四千六百七十八萬四千七百廿元組織物計八百九十二萬一千九百九十五元茶葉計九百十二萬四千零八十五元地席計六百三十八萬一千七百三十三元米計五十七萬七千八百八十八元藥材及化學各料計一百五十一萬六千四百零一元其餘更有漆竹器等甚多至生絲一種自美國創設織廠以來逐年添多一千八百九十三年不過值日銀一千一百零七萬八千七百四十八元至一千八百九十四年則增至二千二百四十五萬七千三百八十四元至一千八百九十五年則增至二千七百八十二萬六千二百四十五元至一千九百年復減至二千六百七十一萬零五十元按法年總數減少係中國華商作風所致至一千九百零二年又增至四千六百七十八萬四千七百廿元按日本生絲一門其出口每年共有五千餘萬元除美國外其載往法國者在一千九百零二年亦有一千四百六十八萬二千八百十六元

英國 英國進出口貨西六月中均各增加二百萬鎊金

剛果國 非洲剛果國報載該國一千九百零三年進口貨值美金八十三萬五千鎊較前年多百分之十五出口貨值二百十八萬四千鎊較前年多百分之九其出產如苦露咖啡米皆日多一日而橡皮一項尤為近年出口大宗惟象牙棕櫚油兩種稍形減色

美國 美國農部調查一千九百零一年出口土產各貨計值美金八百七十八兆零四十七萬九千四百五十一元其中棉花居百分之三十六五穀居百分之二十五肉及畜類居百分之二十四其餘烟草值美金三十五兆元油餅值美

金十九兆零八十三萬九千二百七十九元果如值美金十八兆零九百九十九元

各國賽會彙誌

英國 英國現於里歪爾包樂海口開五洲各領土土產製造博覽會美洲北境坎拿大赴會各物爲皮貨麥子樹木五金各礦木器牛奶及食物斐洲吉內國赴會各物爲金條金礦各物俄老代吉亞赴會者爲該處開礦各種機器窮工極巧觀者稱奇並有金銀銅鐵鉛錫礦質馬大白利朗屬地爲本地土產烟煤各物時利呢達樂屬地爲土產各種香油並各種美木澳士大利亞屬地爲乾肉罐頭食物印度及錫蘭島以茶爲大宗新錫蘭島以牛奶餅爲大宗日馬依各屬地赴會者大半係呂宋香烟及橘子甘蔗等物其斐洲西南方各屬地多以雜子種粗細棉花赴會英人此次開會不賽珍寶惟欲知五洲各領土之土產製造何如以爲經營世界商務之基礎其願宏已

美國 四月十六日倫敦電美國聖魯伊博覽會開會時美總統羅斯福照例到場舉行開會禮 十七日倫敦電聖魯伊博覽會會場地位甚廣計包容一千二百四十畝外國派官前往賽會者有五十起當舉行開會禮時到場之文武水陸官員及外國星使高官無數 四月二十一日博覽會使各國人民相率遊行於牙城中各國樂器無不具備又有土人六千餘衣各色衣陸離光怪炫耀人目其最著者爲中國人日本人俄羅斯人土耳其人波斯人緬甸人新哈人非列賓人愛斯克木斯人埃及人印度人脫蘭斯伐爾人蘇魯人克美斯人猶太人波希米亞人阿述人^{波斯}披同斯人希列尼人摩洛哥人阿喇伯人南美洲巴達尼亞之長人南非洲配及密斯人日本蝦夷人西班牙人意大利人各異種種各異衣賦一時盛觀也 會中又有羅馬教皇所陳之書籍甚可寶貴有史紀二卷一卷爲述希臘羅馬時代事一卷爲述羅馬教皇政變時事此書籍時教皇特派教主長倫波親來又有瑞士國護衛兵一隊保護之其護衛隊皆衣古裝

史紀二卷之外又有耶穌教最初之聖書一卷亦為教皇所送陳者其書前為康斯登第一王^{羅馬}之所有皆希臘文字凡自後聖書皆從此書譯出其外尚有古圖古錢數種古圖詳記古時土地道路與戰事之疆域古錢有羅馬各代教皇肖像自五月十五日至二十一日為萬國新聞記者會議自五月十九日至二十四日為燈人總會同盟會議自六月二十七日至七月初六日為國內教育會議自八月二十九日至九月初五日為第四回萬國齒術科會議自九月十二日至十七日為第五回萬國電氣會議自九月十九日至二十五日為技藝及科學會議自九月二十五日至二十八日為萬國律師及法律學會議自十月初三日至初六日為萬國機械會議自十月初六日至初八日為休息日停會議尚有關於運輸之萬國會議未定日期 北京工藝商局赴美者共五人醫學士黃君中毅率之於初十日至美由達科馬登岸關員探知該商局在中國名譽最優且深諳美例持有合格護照當即准入美境毫無阻礙 此次中國商人赴美賽會貨物計得超等文憑者湖北之茶葉公司江西之磁器浙江之絲茶其得上等獎牌者江甯之花緞江西之夏布並四川某公司之貨物等云

比國 江督魏制軍接商部電云明年比國賽會奉 旨派出使比國楊大臣兆崧屆時就近前往應留地段本具抄錄止有無商人運貨往賽希即速復 比國擬於敖斯當得地方大開博覽會聚合女工各藝已派定克奉莫來諾王爵夫人為該會監督女工製造之物皆此推陳出新云

法比 外務部前會通咨各省云法比兩國將於來年行賽會盛舉如有華商願往比賽者須預為呈明若干貨以便查照駐該二國使臣預備一切等語刻開鄂省茶商暨浙省絲商均已稟請外務部批示

甫禮便道。主人和主母出去探親去了。梅甫禮聽了。睜了一睜。暗道。這真是不巧了。那僕人道。先生何不裏面坐坐呢。梅甫禮道。不消了。再來罷。說罷。轉身出了大門。忽聽得後面喊道。哥哥多時不見了。梅甫禮回頭一看。幾乎癡了下來。急急定神細看。原來是葛麗蘭。這一喜非同小可。連忙摘帽上前拉手道。妹妹不會出去麼。葛麗蘭道。本來我要同母親出去的。因為有些感冒。所以在家。你好麼。梅甫禮道。既是感冒。為什麼又立在這風地裡呢。葛麗蘭道。沒有甚麼要緊。我一逕在裏面看書。聽他說主人主母都不在家。又道何不坐坐去。我便猜到是你。這蠢才大笨了。他也不會說我在家呢。一面就拉手同了進來。葛麗蘭道。哥哥到我書房裏坐罷。梅甫禮道。很好。兩人便到書房裏去。走到房門口。就覺得一股香味。衝入腦中。令人心曠神怡。兩人同了進去。靠窗坐下。只見窗明几淨。清潔古雅。當中桌上供著一對古瓷瓶。一箇裏頭插著滿滿的紅白月季。一箇裏頭却是白玉似的幾枝梅花。梅甫禮道。現交十月天氣。那裏來的這花。葛麗蘭笑道。是我試驗化學。弄來要的。到開得長久呢。梅甫禮笑道。妹妹愈加能幹了。瞥眼看見榻邊棹子上。有一本書。歪斜著攤在那裏。像是纔看的樣子。梅甫禮道。妹妹看的甚麼書。葛麗蘭道。是華盛頓歐文做的小說。梅甫禮道。妹妹還要看書麼。葛麗蘭道。也沒有什麼。我覺著悶狠。全虧他消遣呢。梅甫禮道。這當中說的

甚麼。葛麗蘭臉色紅了一紅。正色道。是婚姻自由。梅甫禮聽了這句話。不敢則聲。原來他却懷著鬼胎。想拿那心坎當中的話說出來的。此時室內雖是沒有別人。但向來他是狠敬重葛麗蘭的。如今怎樣就變換得來呢。再者葛麗蘭已是紅了臉。再說別的。豈不叫他置身無地麼。這真是相見爭如不見。有情還似無情了。兩人默默無言。相對了一回。轉念機會難得。如今不成。必致後悔。正要開口。只見葛麗蘭問道。你沈吟甚麼呢。梅甫禮道。我想一箇人得一知己。可以無憾。妹妹許我麼。葛麗蘭聽了這句話。心上很是傷感。答道。這句話卻難說。我以人家爲知己。不知人家以我爲知己。不以我爲知己。況且人事是節節變換的。自問是箇薄命。目今雖如此說。將來呢。說到這裏。眼睛已紅紅的。像要哭了。梅甫禮見他如此。摸不著頭腦。原來葛麗蘭所看的小說。是紅顏薄命的故事。經華盛頓歐文一枝妙筆。敘了出來。早已將葛麗蘭的魂魄。攝入他的書上去了。想到自己的終身。卻無緣無故尋起煩惱。傷起心來。如今聽了梅甫禮的話。真叫做撞箇正著。就牛頭不對馬面。將心上的傷感都說了出來。你道這梅甫禮如何曉得。正不知葫蘆裏賣的是什麼藥。想來想去。不知從那一句話說起。弄得頓口無言。停了半天。葛麗蘭見他不說什麼。就猜著自己的話。說得唐突了。想要轉過來說。頗覺礙口。不如用別的話支開了罷。便笑道。我們看書罷。梅甫禮道。你方才的話。到底

怎麼講。葛麗蘭道。再說罷。你一箇郵局文案。我還要自己商量商量著哩。這句話。說了不打緊。誰知梅甫禮勃然大怒。就立起身來道。這裏也不配我坐。我去了。轉身就走。飛也似的跑出去了。這一下子。把箇葛麗蘭驚得目瞪口呆。知道原是自己的話。說得不好。但他從來不曾有過這箇樣子。今天想是氣極了。自是後悔的了不得。停了一會。心上像油沸一般難受。便到那榻上躺下。一縷柔情。神魂顛倒。一時間恨心。癡心。一齊都湧了上來。好不難過。據說書的看來。葛麗蘭在這箇時候。真可以算得天下最難受的一種境界了。咳。這還不打緊。不料從此一變。就演出許多離離奇奇的情節來了。

話說梅甫禮出得門來。一口氣跑到家中。覺得身上不自由得狠。便睡倒在牀上。自己想道。人心難料。原來如此。早知今日。何必當初。這多是我自己的不是。只可惜絕世人才。卻製配了箇齷齪的腦子。從今以後。我只當不認得這箇人。到還乾淨些哩。想到這裏。倒也坦然。少刻。僕人拿了晚餐上來。單吃了兩瓶葡萄酒。麵包也不吃。就睡了。看官。難道梅甫禮心上。竟真箇一點沒事麼。局外人那知局中人的事。他卻一回子酒湧了上來。好不難過。一夜翻來覆去。總糊裏糊塗。不能睡著。到得下半夜。便渾身壯熱起來。明日一早。請了一箇醫生來診視。醫生道。外感兼了肝鬱。病勢雖不要緊。卻不狠輕。著實要仔細呢。梅甫禮便叫家人到

郵局裏去。告了一禮拜假。誰知支離牀席。直鬧過兩箇禮拜纔好了。但是藥物。終只能醫得病。那能醫得心事呢。看看還不能辦事。只得又叫家人。到郵局續請了幾天假。那家人去了半天。回來一言不發。神色難看得狠。梅甫禮問道。沒有什麼說麼。家人回道。沒有。站了一回。就退出去。梅甫禮心上。頗有些疑惑。一會。也就不在心上了。過了一天。梅甫禮勉強踱到迴廊下。吸些新鮮空氣。想拿張報紙消遣。就叫家人去買了兩張新聞紙來。看了半天。忽見上面有文案梅甫禮字樣。定睛一看。你道寫的什麼。說也奇怪。卻就是說的向在郵局裏當文案的梅甫禮。前日被總司事穆漢爾辭退了。聞說因為做事不老實的緣故。云云。梅甫禮連聲道。奇怪奇怪。便叫家人道。你幹的什麼事。這宗事體。你竟不對我說一聲麼。家人回道。小人是沒有看報的。前天去續假。信是有一封的。因為主人病沒有好。所以沒有敢說。梅甫禮聽了。直氣得發昏。停了好一會道。信呢。家人便從袋裏取了出來。梅甫禮閱畢。便道。你替我去叫輛馬車。到郵局去。那家人看他這樣火發暴躁。勸又不是。不勸又不是。禁不住梅甫禮一疊連催。不敢違拗。只得去叫了馬車來。那顧惜聲名的梅甫禮。到了這箇地位。那裡還顧得病體。立起身來就走。家人連忙去拿了一件斗篷。替他罩在身上。扶他上了車子。一路望郵局裡來。到得門口。梅甫禮一直跑了進去。只見穆漢爾坐在公事桌上。一箇人在那裡出

叢談

草煤發明 西國向有草煤一種。西名比脫如泥而灰色。即炭質既化。爲水所淹而未堅結者。英國之愛爾蘭甚多。掘而煤之。可以化煤。近又有人新得一法。能使變成真煤。亦新發明之一物也。蓋草煤之初出礦。質內含水十分之八。故其法先使燥後。乃以盛於機器。以極熱之電火過之。則凝結爲炭。乃入壓力機。俾成板形。大小厚薄各隨其意。而尤善者。燃燒無煙。亦無餘滓。此種成煤機器一具。每日能出一百噸。其資本每噸美金一元二角二分。較之英國他種煤資本二元零二分者尤賤。且現在之機器。乃以火力生電。若改以水力。即瀑布當更便宜矣。

新得異樹 近有人在印度深山古木中。尋得一種奇樹。其葉蓄電氣甚多。以手觸之。重不可舉。正午時。其力最強。夜半則否。雨時亦然。在七十英尺以內。置一羅盤針。則搖動不止。又一處有一奇樹。號旅人樹。有幹無枝。其形如扇。

叢談

長六英尺至八英尺。闊四英尺至六英尺。每一樹最多者不過二十葉。葉柄有一物與茶杯相類。常蓄冷水。行人渴時。以長槍刺孔。接口飲之。與飲水無異。

發光草 黑洲巴西國聖若雅敬河相近。有一種異草。土人名之曰奧羅白。此草含異質。夜間發光。供桌几上。可代燈光。閱看書報。其摘下枝葉。猶能發光。閱數日乃滅。此草究屬何種。尙無定說。巴西聖保祿地方聚有多株。以備學者參考。

冰魚 動物久藏冰內必死。獨魚不然。美國亞拉斯加河嚴寒出衆。魚於冬日居冰內不死。惟不能游泳自如。天暖則游泳無阻。故夏日藏魚於冰。亦可久保不壞。蓋魚性耐冷故也。

蟹殼發光 印度甲谷他地方某動物學家。在印度洋邊一蟹殼。周三尺。足長如之。兩蟹鉗物。殊鋒利。所奇者。此蟹發出光彩。令人目眩。誠奇觀也。

飛蟲熱度 人身之熱。常約至百度表三十六度。北冰洋

之乎。中寒之暴人。其地外氣相去至九十度。然其人身之熱。相去不及一度。可見人身之熱不甚懸殊。若飛蟲則去人甚遠。經俄國科學家細考。知飛蟲熱至四十六度即死。至冰度下。則僵而不動。至十二度。則能飛。

世界最大重量之貨幣。今日流通之貨幣。在世界居最大重量者。為法領東都亞細亞阿那母國之盧爾一種。其幣小而圓形。價與英幣四十五鎊相當。又阿西牙某國之笨打名。與英之九鎊相當。北美合衆國之哈利賀爾尼亞州。有五十弗之幣。價與笨打等。

世界產金額。自哥倫布於一千四百九十二年。尋出阿利加洲後。至一千九百年世界所得之金。共值英鎊十九萬六千二百二十二萬。每一英鎊現值美金十元八角金之重量。共一萬五千二百七十二噸。每一噸現值美金一千六百斤所占地位。共二萬七千零三十九立方英尺。每一立方英尺現值美金一立方寸若將此金作成長圓形塔。其直徑可二十尺。高八十六尺。自一千九百年後。每年產金可加三尺。視一千九百年前所產。實增加十

四倍之多。

最大之商埠。世上最大商埠。一。英京倫敦。二。美國紐約。三。安脫華泊比利時之大商埠。四。聖保羅。在德之北方。五。香港。六。立華波。在英國。七。卡狄夫。在英之西南省。八。老登。在荷蘭。九。新加坡。十。瑪色爾。法之南方。十一。退五。在英國北方。十二。及特。老爾他。在西班牙南方。